

宋

會

要

宋會要

四方館

四方館在朝堂門外掌通事分番供奉宣贊之名籍文武官正衙見謝辭國忌賜香諸道月旦正至章表郊祀朝會番官貢舉人進奉使京官致仕官道釋父老陪位之事使闕則客省引進閣門使副兼掌兩朝國史志四方館使名雖列於內職然其吏屬則同京百司掌通事舍人分番供奉宣贊之名籍文武官正衙見謝辭國忌賜香諸道月旦正至章表郊祀朝會番官貢舉人進奉使京官致仕官道釋父老陪位之事使闕則客省引進閣門使副兼掌令史一人表奏官一人驅使官一人元豐改制具載職官志舊制本館官係知閣門兼管

今同主管文字使臣一名承受行首一名承受五人典
書二人貼書二人掌節旦外任臣僚進慶賀起居表章
大朝會諸番國陪位立班大朝會京官選人并致仕官
諸州進奏官立班大禮太廟園壇行事執事陪祠京官
選人班次宣德門肆赦諸番國陪位立班宣德門肆赦
京官選人并致仕官僧道陪位立班車駕行幸諸番國
宣德門起居立班進士舉人耆壽僧道應於陪位立班
太祖建隆中以客省使張保績為衛尉卿判客省開
保績在開門四十年善宣詞令厯事六朝未嘗有過故
特寵之真宗景德二年十一月十八日詔韓宗訓管
勾客省公事如北使就客省賜酒食仰宗訓伴賜其客

省進目即令當上閤門使進呈 大中祥符五年七月
真宗謂知樞密院王欽若等曰累有臣僚言客省所管
擔床纓帕多已墮壞散失無所拘轄事雖至細然添修
之際亦勞煩人力可專差使臣點檢條制 仁宗天聖
四年三月東上閤門使高州刺史李昭亮言自客省四
方館闕官相承以閤門使副使名次在上者權行點檢
不曾聽候朝旨今客省四方館闕官臣雖准例權行點
檢即未受朝廷文字慮亦非便欲望特降旨揮差官詔
昭亮兼權管勾 慶歷四年正月二十五日客省言自
來樞密副都承旨以下至翰林醫官等逐年進奉乾元
節物色進呈後送宣徽院撥送所屬庫務候過節中樞

樞密院回賜本色物欲乞今後依新授閣門祇候例當日取旨回賜給與本官有香藥依例送宣徽院從之六年九月十七日史館言每外夷人入見其管伴所申送國邑風俗形貌圖軸外其夏國曩霄人使每入朝貢未見引伴官司供列文字欲乞下四方館牒報引伴夏國官員休外夷人見令詢問國邑風俗道途遠近及寫衣冠形貌兩本一以進呈一送史館從之七年四月二十七日入內內侍省言乞下四方館勘會已曾差人進奉去處更不須寫形貌若有異國創初差人進奉去處到闕即令潛寫令本處子細保明闕報館伴使臣從之皇祐三年十二月詔四方館自今減臣僚所進謝恩馬

史

價之伴 嘉祐三年六月十六日詔四方館言乞下御
史臺令文資官自今改轉過正衙將請受文愿同正衙
狀前一日先送本館方許引付正衙過正衙日却收領
批訖從之十月詔客省引進四方館使如遇有闕須候
改官各及四年方得依次遷轉神宗正使職官志客省
使三人從五品副使二人從七品四方館使二人正六
品東上閤門西上閤門使各三人正六品副使各二人
通事舍人十人並從七品祇候十有二人從八品客省
掌四方諸蕃國朝貢之儀物還則授以賜予詔書執政
侍從官禁衛將校節物則頒以式若中散大夫刺史東
班橫行副使樞密承旨及監司知州寨主以上還闕則

主其酒食

職官志正使

四方館掌通元日冬至朔旦之表

章郊祀則定蕃國使致仕未陞朝官貢士道釋主首陪

祠之服位大朝會亦如之

職官志正使四方館掌通元日

贊相之事使副承旨稟命舍人宣辭令祇候分佐舍人

職官志正使四方館掌通元日

應見謝辭官視其秩序各以次為之相導而糾其失乘

輿行幸則從凡百官赴閤門慶禮奉表則詣東尉禮進

名則詣西月進班簿歲一易之自客省而下因職事以

建官名額有定員遂立積考序遷之法聽其領職居外

別置引進使副以為等級班四方館上而閤門復增看

班祇候六人由看班遷至使皆五年使以上七年遇闕

即遷無闕則加遙郡分房二設吏八而客省四方館總

即遷無闕則加遙郡分房二設吏八而客省四方館總

七人世宗正史職官志同神宗熙寧四年十月六日樞密都承旨

李評言乞應諸國朝貢一司總領取索諸處文案會聚

照驗預為法武除契丹夏國外應諸國朝貢令管勾

客省官置四方館公事雖有本使亦不使以上並同管勾客

省四方館公事雖有本使亦不罷仍權就差閤門祇候

賈祐馬仲良編次客省諸蕃國文字候了日罷十二月

十一日詔凡護葬賻贈朝拜令四方館差人押當六年

六月十六日詔在朝橫行使副自今並管勾客省四方

館公事先是客省四方館闕正官即以閤門使副管勾

至是引進使李端慈赴闕西上閤門副使張誠一應罷

而端慈乞令誠一依舊權管勾故有是詔二十七日客

省言諸蕃進奉人送管勾使臣等土物欲除送押賜及
傳宣使物受而不答外仍比舊數不相違者並聽準例
收從之仍禁不得輒有計會元豐五年九月二十一日
詔客省引進四方館各置使二員東西上閤門共置使
六員客省引進閤門共置副使八員閤門置通事舍人
十員內閤門副使以上並依諸司使副條例唐勅閤門
使以上遇有闕改官及五期者樞密院檢舉如歷閤門
職事後犯贓及私罪杖以上事理重者遇遷日並除他
官閤門四方館及七年無私罪未有闕遷者與加遙郡
其特旨與正任者引進使四年遷團練使客省使四
年遷防禦使七年四月九日客省副使曹誘言乞本省

治事畢候三省樞密院出方許出局詔客有四方館所
治職事全簡少徒廩占人吏端坐無補可令治務罷出
二十二日詔客有四方館使副員本職外官最高者
一員仍兼領閤門事五月十九日詔自今客有四方館
閤門暫闕官即互權徽宗崇寧二年十二月二十九日
禮部言客有簽賜臣僚正上寒食冬至節料并到闕賜
生臘羊即日闕本色支供欲乞自今後並支價錢從之
四年七月十四日客有言占城進奉人在闕合赴起居
檢會崇寧三年十月十七日駕詣景靈西宮朝獻上清
儲祥宮燒香于闕國進奉人宣德門前起居更不隨駕
今後如有對御即隨詔依例今後諸蕃國唯此大觀元

年七月十一日詔客省四方館與閤門一同其審奏旨
揮并不隸臺察行移文字并依閤門近降指揮施行十
月十九日詔大遼國信使副入內賜酒食今後令內添
入三節人從二年十二月三日文思副使兼閤門通事
舍人范訥詔特與轉一官特授客省副使以管押偽王
子咸在撲哥等到闕朝見了當故有是命三年五月十
八日詔今後客省四方館應陳乞恩澤等並依大觀三
年四月二十日聖旨閤門提點承受等有陳乞祇應年
勞轉官差遣並仰經由閤門陳乞保明申奏朝廷推恩
如敢隔越以違制論所乞仍不行政和二年十一月十
六日詔客省引進四方館東西上閤門除今來立定外

如有該載未盡仰尚書省將自來所掌職務釐正條具
課事格法進呈取旨行下橫行職任差官員數知客有
二員知引進事二員知四方館事二員知東上閤門事
六員知西上閤門事二員右一十四員不以文武客有內外官充
掌信使到闕儀範伴賜酒食并臣僚等節儀節料生餽
之事四方館掌致仕官耆壽僧道主首蕃國貢首立班
并節旦外任臣僚進慶賀起居表章之事引進掌臣僚
蕃國等應干進奉及禮物之事仍以司稱東上閤門掌
朝會宴集視朝前後殿起居臣僚見謝辭班儀範贊引
恩禮錫賜承旨宣荅糾彈失儀行幸前導信使到闕授
書慶賀捧表宣麻引案應干吉禮等事西上閤門掌忌

辰奉慰臨莫問疾應干凶禮之事今擬下項今來分隸
所掌職務外其舊本合行條貫即無衝改自合依舊施
行一客省掌信使到闕儀範伴賜酒食并臣僚等節儀
節料生餽之事信使大遼使到闕儀範大遼使到闕管
伴奉使等相遇許相揖節儀節料立春春秋社寒食端
午初伏重陽韋王以下至觀察使簽賜節儀正旦
寒食冬至簽賜節料立春春秋社使帶送郡簽賜節料
立春春秋社寒食端午初伏重陽簽賜諸蕃國節儀正
旦寒食冬至簽賜節料檢舉生日宰臣親王皇子宗室
及不係宗室開府儀同三司職務開府儀同三司郎度
使朝辭到闕京城外賜御筵貼坐次闕所屬排辦大遼

使見前五日閏文部等處大遼使見辭預闕殿中省等處大遼使朝見訖給歇泊假三日閏館伴所大遼使常朝赴起居前一日闕館伴所大遼使到闕差承受引揖大遼使見辭上壽赴宴傳事入殿引揖祇應賜酒食闕府儀同三司至觀察使到闕簽賜伴賜臣僚酒食闕見辭賜齋食茶果大遼高麗交州副使朝見簽賜大遼高麗夏國諸蕃國溪洞蠻人入內車駕行幸高麗諸蕃國如有對御從駕車駕行幸西南蕃宣德門起居集英紫宸殿宴高麗諸蕃國人從夏國高麗進奉副使見辭伴賜差閤門祇候諸蕃國進奉人見辭伴賜前一日差舍人大遼使常朝日起居伴賜酒食教坊使以下謝衣

賜茶酒前一日闕所屬生餽正任防禦團練使刺史到
闕大遠使到闕朝見三節人從一四方館掌致仕官耆
壽僧道主首蕃國貢首立班進奉人到闕儀範并節旦
外任臣僚進賀起居表章之事立班大禮致仕官宣德
郎至承務郎道僧官主首以下諸蕃國進奉副使等立
班御大慶殿致仕官未陞朝官諸道進奏官諸蕃國諸
州貢首立班蕃夷朝貢朔日視朝正旦冬至節拜表引
揖進奉副使等入殿表章節旦外任臣僚進慶賀起居
表章蕃國進奉人到闕儀範夏國高麗諸蕃國後殿再
引外國進奉人謝酒食諸蕃夷朝集宴進宴會處與別
國須相避者並回去車駕行幸蕃夷進奉使以下赴宣

使

德門外迎駕起居職務應正冬御殿本館預先牒禮賓
院等處取索人數諸蕃夷朝貢關館押伴所詢問風俗
國邑等上元節駕幸宣德門觀燈入內省視臣關到合
赴露臺外國進奉人數諸蕃國進奉人見辭御龍直同
引入殿于闐高麗諸蕃進奉人見辭上壽赴宴譯語等
入殿引揖祇應夏國高麗諸蕃國到闕差引揖人一引
進司掌臣條諸蕃國等應許進奉及禮物之事臣條進
奉馬及金銀器并表駕幸金明池水殿晉安院進蒸餠
車駕行幸諸國苑射弓臣條進奉夏國諸蕃國溪洞蠻
人進奉夏國高麗及諸蕃蠻進奉表匣道僧進香合送
尚書禮部應臣條校進章表奏狀一東上閣門掌朝會

臣
辭

宴集視朝前後殿起居臣僚見謝辭班儀範贊引恩禮
錫賜承旨宣荅糾彈失儀行幸前導信使到闕授書慶
賀拜表宣麻引崇應干吉禮等事朝會朝賀上壽視朝
起居前後殿起居崇政殿再生視事庭和假日特旨後
殿引上殿臣僚視朝退殿坐與不坐取旨前殿坐日公
與一兩件人數不多取旨坐與不坐崇政殿引雜公事
遇臣僚奏事退日高取旨再引恩禮錫賜特旨改賜章
服大臣特恩異物賜臣僚告勅見僚等見謝賜臺賜衣
帶等分物諸蕃國進奉見辭賜例物差承受點檢承旨
宣荅稱賀宣荅賜學士院請降御札荅宣麻赦書德音
儀範贊引天寧節上壽大禮宿食致齋行禮肆赦車駕

雪

朔拜行幸後苑賞花上元節宣德門觀燈慶賀拜表臣僚上殿大遼使見值雨霜霰服儀仗並退禁衛班直等上廊諸蕃國進奉人見辭宣班蕃國進奉人在闕值集英紫宸殿宴副使首領並與生大遼使見辭前一日差舍人提點并承受就驛習儀大遼使見辭上壽赴宴差習儀勸酒舍人等大遼使赴宴人從上中節為一行下節為一行坐高麗交州進奉副使遇朔望四參日諸蕃副使首領遇朔望日赴前殿起居詣景靈宮朝獻日值雨雪差官分獻差舍人引揖宰臣執政官景靈宮恭謝差舍人引揖集英殿宴紫宸殿宴垂拱殿曲宴大輔臣僚等見謝辭班次宰臣以下謝衣等後殿班直謝時服

元日寒食冬至節假開參假臣僚給假參假臣僚等授
制告免等大遼國夏國高麗諸蕃國見謝辭起居班入
次序大遼及諸蕃國見辭傳事譯語人並免引門見謝
車駕行幸差承受貼定臣遼等幕次朔日不值假文德
殿視朝開鴻臚寺禮賓院將相遣拜合迎授或見辭勞
餞奏聞得旨申禮部糾彈失儀貢士釋褐臣僚因見還
授申中書有轉官等批歷觀察使以上及駙馬等服闋
中所屬賀祥瑞勝捷俟有定日如諸蕃在闕本處照會
臣僚朝謝并起發日限諸處進呈衣樣後殿坐值雨雪
御馬上殿門外擺立諸蕃國進奉人見辭職次前二日
支賜闕太僕寺等處溪洞進奉人見辭支賜前一日具

職次人數闕祇候庫高麗入貢見賜支賜前二日闕太
僕寺等處常朝假故前一日闕大內鑰匙庫崇政殿疎
決罪人一面。上問門掌忌辰奉慰行香臨奠問疾應干
凶禮之事。詔高麗神宗皇帝優待使命已稱國信可改
隸客有餘。並依擬定逐處看詳。如未盡未便條具申尚
書省。三年六月十七日詔知四方館事黃冕自仕祿至
今並不曾陳乞磨勘。稍釋廉恥。宜加褒賞。可特與轉遙
郡觀察使。五年二月十八日客有言皇太子養賜春社
節儀本有。今內止有宰臣親王。賜卽料節儀。卽未敢依
上件令例。發賜。詔應合賜卽料節儀等。並依親王例。欽
宗靖康元年四月十三日詔客有引進司四方館面上

閣門為殿庭應奉與東上閣門事體一同可依祖宗法
報中書省其隸臺察指揮更不施行高宗建炎元年十
二月二十一日知東上閣門使韋淵言橫行五司尚未
遵依元豐舊制欲乞將西上閣門引進司四方館併歸
閣門客省其三司印記案牘條令什物並閣門客省隨
事拘收內人吏依職次撥填閣門客省見闕餘人並罷
免致虛費廩祿恩賞詔依元豐舊例二十五日今後客
省承受闕可依元豐舊法還補施行四年四月二十二
日同管客省有四方館公事藍公佐等言本管人吏先奉
日推留越州所有臣僚下到起居旦表繳進奏狀并日
逐行移印記欲乞就用客省印記行使詔依候印記到

日依舊十一月十九日客省四方館言伏都曉示百司
留史戶部等其餘並令從便今契勘所掌職事與閤門
一同亦合量留人吏并所管擡擎進奉人兵並依舊祇
應餘人依已降旨揮令各從便從之紹興三年十一月
十四日詔客省四方館并隸臺察先是御史臺六察所
隸官司有因一時申明免隸臺察去處至是殿中侍御
史常同乞依舊制施行所貴百司嚴務有所按察不敢
違戾故也四年四月七日詔四方館客省並依祖宗舊
制隸屬中書省不隸臺察五年六月九日詔引進司西
上閤門及客省四方館官已有廢外可只依見行員數
右武大夫以上并稱知閤門事兼客省四方館事若官

糧

未至右武大夫者即稱同知閤門事同兼客省四方館
事今後並依崇寧在京通用令以除授為序稱同知者
在知閤門之下餘並依閤門事其觀察使以上即序官
緣建炎元年十二月內韋淵奏將引進司西上閤門廢
併當時止以東閤門事六員同管三司職事今來武臣
階官見遵用政和二年改定官制其吏部討論即與當
年九月內整正旨揮不同切慮又有臣僚申請更改難
以遵守故有是詔六年正月二十六日客省四方館言
逐司依格每季合破紙劄朱紅係雜物等庫支請後來
續承指揮應官司紙劄朱紅並於請受都歷內批勘逐
司自東京勘請至揚州昨據渡江散失都歷根審院阻

節不肯批勘堅要厯元放行今來運司所破紙劄朱紅
不多缺乞依格內所破逐色三分為率支破二分截自
今年春季勘請詔依舊運司請受都厯批勘今赴左藏
庫支給所破紙劄朱紅以四方為率支破一分客省格
每季表紙七百大抄一千小抄一千二百朱紅四兩閏
月加三分之一四方館格每季表紙二百大抄紙八百
小抄紙一千朱紅三兩閏月加三分之一十二年八月
十八日客省言大金使人到來朝見朝辭訖殿門外幕
次內賜酒食依格各合差客省官一員伴賜詔更不差
官十三年六月六日四方館言舊例郊祀宣德門肆赦
蕃國進奉使副大小首領并賣馬蕃部郊壇陪位及肆

敕稱賀立班係鴻臚寺具到職次姓名習儀上令承受
分任班位至日引押契勘將來郊祀登門肆赦若有工
件蕃國使副等在闕欲乞下禮部依此施行本部看詳
鴻臚寺昨於建文三年減罷除無案籍考據外若將來
大禮諸蕃國有因朝貢到闕即本部開具職次姓名闕
報四方館令依自來條例內賞馬蕃部若不因朝貢止
緣賞馬到闕即令兵部開具回報本館施行從之十二
月三十日客省有言正旦使人朝見與將來朝辭各殿門
外賜酒食合差伴賜官詔各就差館伴官伴賜十四年
正月二日詔今後使人入界止差承受一名隨逐接送
伴前去掌管一路御筵儀範所得口券食錢等並依接

國

送伴白身主管文字則例支破仍舊接送伴一歷批勘
二十五年十月八日客省言將來占城國進奉使副到
闕在驛禮數儀筵緣無舊案牘今條具到禮數行馬坐
次下項詔並依擬定一進奉使副與押伴官相見其日
進奉使副到驛歸位次客省承受引譯語赴押伴位參
押伴復作押伴問遠來不易參訛譯語作奉使副傳語
押伴官訖退客省承受同譯語入進奉使副位次使副
起立與客省承受相見揖訖客省承受作押伴官同傳
語進奉使副遠涉不見喜得到來少頃即得披見次客
省承受引首願赴押伴位參復作押伴問遠來不易參
訖退客省承受次撥人從參押伴客省承受唱在路不

易

易參訖退譯語齋進奉使副名銜分付客省承受轉押
伴訖復請押伴轉銜分付譯語訖少頃客省承受引押
伴官同進奉使副陞廳對立客省承受執展狀相見訖
揖各赴坐點茶畢客省承受喝入卓子五盞酒食畢客
省承受喝徹卓子次點湯喫湯畢押伴官進奉使副相
揖畢分位一習朝見儀其日候閣門差人赴譯教習儀
範同客省承受先見押伴訖計會譯語請進奉使副服
次客省承受同譯語引教習儀範人相揖教習朝見儀
訖相揖畢退朝辭准此一朝見其日五更人馬從物入
位客省承受計會譯語請進奉使副上馬相次上馬次
押伴官與進奉使副相揖畢行馬首願於門外上馬至

客下
省字

待漏閣子下馬俟用內門押伴官進奉使副上馬

至皇城門裏宮門外下馬至殿門外侍班幕次待班其

首領已下步行入皇城門候閣門報班引進奉使副出

幕次入殿朝見拜數禮儀並如閣門儀俟朝見畢閣門

引進奉使副出殿客省承受接引歸幕次客省承受引

伴賜舍人押伴官進奉使副對立相揖畢客省承受贊

坐點茶喫茶畢客省承受喝入卓子酒食畢客省承受

喝入卓子酒食畢客省承受喝徹卓子點湯喫湯畢客

承受引伴賜舍人與進奉使副相揖畢伴賜舍人先退

次押伴官進奉使副相揖畢引至宮門外上馬首領以

下步行出皇城門外上馬歸驛朝辭准此一在驛客省

發賜節料節儀其日俟客省承受齋到賜目管押所賜

客

節料等到驛客省承受先報押伴訖於設廳前望闕鋪設所賜物客省承受引進奉使副立定引進奉使副拜賜目跪受訖次引首領以下拜賜目跪受賜訖退一御筵其日候賜御筵天使到驛諸司排辦備客承受受取進奉使副名銜轉押伴看訖納天使擅取賜御筵天使轉銜分付譯語少頃客省承受引天使押官官進奉使副降階對立定客省承受先引押伴官至闕謝恩如儀畢引依位立次引進奉使副謝恩如儀畢引依位立天使與進奉使副相揖畢天使先退次押伴官與進奉使副相揖畢引押伴官進奉使副陞廳席後立客省承受撥首領以下謝恩如儀訖赴席後立官省承受上廳贊

揖畢赴坐點茶喫茶訖行酒俟酒食畢客省承受喝徹
卓子點湯喫湯畢引首領以下謝恩客省承受贊席後
立俟首領以下謝恩如儀畢客省承受引押伴官進奉
使副降階對立定先引押伴官謝恩如儀畢引依位立
次引進奉使副謝恩如儀畢引依位立客省承受引天
使依前位立進奉使副令譯語跪執謝表拜訖進奉使
以表跪受天^使使訖引依位立與天使相揖畢天使退次
押伴官進奉副相揖畢引分位一進奉日進奉使副與
押伴官相別其日候進奉使副以下般擔行李盡絕就
驛酒食五盃俟排辦備客省承受引押伴官進奉使副
陞廳對立相揖畢客省承受贊坐點茶喫茶畢客省承

受唱入卓子五盞酒食畢唱徹卓子點湯喫湯畢客有
承受引押伴官進奉使副對立定客有承受互展狀相
別訖分位客有承受引首頌以下辭押伴並如參押伴
儀畢次伴送使臣交割起發前去同日詔占城進奉人
到闕在驛主管諸司官就差監驛官與臨安府排辦事
務官同共管幹疾速施行十一月三日客有言占城國
人貢其進奉人非晚到闕緣本省別無見存條令案牘
檢點今具合行排辦事件伏乞施行並從之一欲乞候
進奉人到闕客有就驛置局主管事務一今來進奉人
候報到至國門日分客有承受同合用人從鞍馬等出
城幕次內計會引伴使臣祇備使用候入城到驛與押

伴相見茶湯畢排辦酒食五盞訖分位所有相見酒食
五盞今在驛御厨翰林司隨宜供應排辦其城外幕次
令臨安府於經由入國門外側近去處釘設幹辦一進
奉人到驛所有朝見日分飲乞候本省取到進奉人榜
子具奏取旨引見及朝辭日分依此施行所有皇城門
外待漏幕次付物等飲乞從本省開報儀鸞司排辦釘
設一押伴官另進奉使副乘騎素銀鞍馬四匹判官等
鞍馬一十匹乞下馬軍司差撥事畢遣發一進奉人到
闕本省置局取索文字飲乞下步軍司差撥迎文字兵
士五人事畢發遣乞從本省保明開報皇城司權閱請
初入宮門號五道逐人綴帶事畢送納一進奉人起發

日就排辦酒食五盃押伴官相別訖進奉人交付伴送
使臣起發前去所有酒食五盃食在驛御厨翰林司排
辦供應二十一日詔福建市舶司差到使司韓全等八
人押伴占城進奉人到闕回日可就差伴送前去合得
券錢令臨安府自到闕日照券批文同日詔占城進奉
人到闕已降旨揮客省置局主管日輪官一員到驛照
管合破酒菓喫食等依押伴官支破其客省使臣行首
承受典書接送文字兵士各日支食錢并合用紙劄朱
紅據數並令臨安府支破食錢自入驛日起支起發日
住支二十二日客省有言今來占城進奉人到闕別賜國
信物色已下所屬製造訖欲乞送祇候庫打角學士院

官

封題請寶訖付客省閤送押伴所施行從之翠毛細法
錦夾襖子一領二十兩金腰帶一條銀器二百兩衣著
絹二百疋白馬一匹八十兩開裝銀鞍轡一副二十七
日詔引伴占城進奉人使臣韓全等八人并譯語二人
自泉州引伴并伴送前去時與等第犒設一次使臣韓
全一百貫與占射差遣一次令吏部給據譯語二人各
五十貫衙前一名五十貫手分一名三十貫軍兵五人
各一十五貫並令戶部支給同日詔占城進奉人到闕
押伴官與衣館伴大全使副例減半支銀絹各一百疋
兩充收買私觀客省置局主管與依國信所主管官
例減半每員支銀絹各二十五疋兩並令戶部支給其

當行房分折食錢令臨安府依大金人使到關例減半
支給二十八日客省言占城進奉人回程其公路差破
遞馬宿泊飲食等並乞依引伴來程體例施行所有擔
擎人乞據合用人數令臨安府應副起發前路逐州交
替經由州軍委巡尉防護出界反依已降旨揮令押伴
所於未起發已轉牒經由州軍預行差人界首祇備交
替從之二十六年正月十四樞密院言交趾差太中大
夫周公明等管押稱賀昇平及差右武大夫李義等管
押常貢綱運同赴闕投進本省契勘熙寧四年諸蕃國
稱賀令客省官置局主管今後應緣蕃國入貢並乞依
上件省記旨揮施行今後交趾占城羅殿國小張蕃入

貢係屬客省主管置局本省已有占城國昨到闕見辭
等體例所有將來交趾國到闕見辭等應于合行事件
伏乞旨揮詔將來交趾國到闕並依占城國進貢人昨
到闕體例并內有事體輕重或該載未盡事件並令客
省逐旋申朝廷取旨今後遇諸蕃到闕准此同日詔令
來交趾到闕其見辭分物等依占城國到闕開會太常
寺檢討典故施行太常寺檢討到交趾朝見分物故例
支賜內使詳改作履一十五兩渾鍍銀腰帶改賜一十
五兩金腰帶衣著作五十匹鞍轡令造銀裹橋錦緣素
紫羅靴紫羅刺裹鞦轡間鍍稀釘銀作子副使朝見分
物依正使件數內金腰帶一十兩衣著三十匹銀器二

十兩鞍轡令造銀果橋錦綠素紫羅鞵紫羅刺果鞍轡
間鍍簇三銀作子監綢絹作一十疋內錢五千改作銀
器一十兩書狀官絹作一十匹內錢二千改作銀器一
十兩並休昨占城朝見已賜例各賜一十兩金花銀腰
帶絹寬汗衫小綾夾襪頭袴幘頭絲鞋孔目官防援官
行首都衙常押衙各絹作七疋內錢二千改作銀器五
兩各賜絹汗衫絹勒帛絹夾襪頭袴幘頭麻鞋通引官
行首通引官知客衙官行首看詳公人各賜絹汗衫絹
勒帛絹夾襪頭袴幘頭麻鞋絹五疋其使副以下朝辭
分物並休昨占城已賜例其通引官行首通引官知客
衙官行首看詳公人朝辭特各賜銀五兩絹三匹令所

所屬先次製造排辦候會到的確人數稱呼如有該裁
未盡名色可比擬等第給賜施行二十四日詔令伴送
三佛齋進奉人使回程除日用喫食蔬菜熟藥外並不
得應副買賣金銀匹帛生藥等物仰經由州縣其應副
過物件中尚書省樞密院并各省四月三日詔將來交
趾進奉人到闕押伴并一行應辦人並依昨占城進奉
人到闕著紫衫帶子體例施行同日詔今來交趾到闕
懷遠驛差監門官一員機察出入兼提振火燭管轄祇
應軍兵鞍馬從物等仍與諸司官同共管幹其差取日
支食錢並依押伴所差破引接已得旨揮施行二十七
日客省言據客省主管文字張彥中狀伏覩本有元豐

格主管文字大禮畢銀器四十兩衣一襲昨緣紹興十
三年八月內有主管文字劉揆差充奉使大金賀正旦
國信所都轄至當年十一月內郊祀不在省祇應因而
不曾批勘伏乞自紹興二十五年郊祀大禮畢為始批
勘詔依本省見行元豐格批勘今後准此六月十七日
客省言交趾國入貢應事件並依占城體例外今續有
合行事件欲乞施行並從之 一押伴官并進奉使副
乘騎素銀鞍馬及判官以下并本省使臣人吏鞍馬候
會到的確等的確等第稱呼人數乞從本省據合用數
目開報馬軍司差撥事畢發遣其一行鞍馬欲乞差管
押使臣一員并空馬人各日支錢於押伴所料次錢內

支給一將來交趾進奉人到驛切慮諸色人亂有出入
應入驛人並置牌號機察出入無牌號人輒入者乞從
本省送所屬依條施行仍每名立賞錢三十貫犯人名
下追取一本省使臣人吏置局行移文字事體繁重欲
乞依國信所使臣人吏等第添破食錢並乞減半支給
自進奉人過界日起支出門人住支三省禮房樞密院
廣西房提點職級至主行人依客省使臣體例施行守
關減半支給點檢催驅印房依條施行並隨逐處大歷
內批勘今來係是時暫乞不理為名色也次數今後諸
蕃國入貢乞依此一懷遠驛差監門官一員欲乞於
見任寄居待闕大小使臣內指差進奉人到闕前三日

赴驛若係寄居待闕官其本身請給仍令臨安府按月
幫勘候進奉人起發日住支七月十三日客省言昨占
城國入貢本省差承受一名入驛掌管儀範引接祇應
今來交趾到闕切慮一名祇應不前欲乞每綱各差承
受二名詔遇蕃國到闕特貼差承受一名入驛引接祇
應今後準此八月二十七日客省言每歲正旦生辰大金
人使到闕合賜簽賜亦是本省依格繳進謝表今來交
趾賀昇平常貢兩綱使副朝見依本省格繳進九月十
五日詔交趾到闕令內藏庫支絹四十九匹錢二十貫
五百文客省使臣以下銀絹三十匹兩支在驛諸司官
絹五匹支在驛監門官錢三十貫支學士院點檢文字

等並充犒設十月三十日詔今來三佛齋到驛懷遠驛
差監門官一員機察出入兼提振火燭管轄祇應軍兵
鞍馬從物等仍令諸司官同共管幹其差取請給食錢
并所破喫食等並依昨交趾已得指揮體例施行十一
月二十二日詔諸蕃到闕日輪客省客一員在驛宿直
內監驛監門掌儀承受巡視祀門親事官應在驛諸色
祇應人等自合依國信所隸客省官主管日食支錢并
事畢依例支賜犒護令客省有官奏請支散客省押班所
行移案牘如敢拆截隱漏當行使臣手分並從徒一年
科罪十二月二十四日詔昨占城交趾進奉人到闕客
省已差承受二人國信所掌儀一名赴驛同共祇應今

來國信所已降指揮更不差客省添差承受一名充添掌儀祇應今先次施行鞍馬食錢依國信所差到掌儀則例支破同日詔押伴官鄭應之遇在驛闕官職事相妨令申閤門免赴起居事同日詔三佛齋進奉人到闕正月一日合赴拜表待班幕次於南宮門外以西廊上管軍知閤幕次鸞司釘設令出入麗正門其管軍知閤門幕帷於宮門裏以東廊上釘設孝宗隆興元年八月十七日右諫議大夫王大寶等言客省史額一十五人今減典書二人以典書五人為額四方館史額一十一人今減貼司二人詔見在人且令依舊將來遇闕更不遷補撥填

閤門司在紫宸殿前南廊掌供奉輿朝會游幸大宴
及贊引親王宰相百寮蕃客朝見辭謝糾彈失儀置使
副使亦有通事舍人

永樂大典卷一百一十五

宋會要閤門使

紹興元年詔主管閤門宋錢孫轉橫行一官落權字上

曰錢孫乃藩邸內知客稍習閣門儀注而法非橫行不許知閣門故與轉橫行一官 紹興五年詔左武大夫以上並稱知閣門事若官未至右武大夫者即稱同知同兼序在閣門之下即副使也 永樂大典卷一萬三千三百三十六
宋會要引進使

真宗景德元年十一月二十八日契丹遣左飛龍使韓杞朝于行在宮命知澶州引進使何承知郊勞翰林學士趙安仁接伴之 乾興元年仁宗即位未改元二月遣崇儀副使薛貽廓假引進使使契丹以真宗崩告哀

全唐文

內侍省

宋會要

國初有內班院淳化五年改黃闈院又改內侍省內侍班院景德三年止名內侍省所領舊有監少監內侍內給事內謁者內寺伯宮教博士掖庭宮闈奚官內僕內府五局令丞令置左右班都知左班右班都知副都知並景德三年置以諸司使副使已上充初左右班各有押班後止為押班內殿崇班已上充其屬官有東西頭供奉官殿頭高品高班黃門六等掌分番入直宿出使之事行幸給使押班已上領省事又有前殿祗候高班內品祗候內品後苑內品北班內品散內品及寄班供

寄案史志
東頭供奉
官上常補
內字

卷一百四十五

奉侍禁殿直奉職小底其內府局丞以上為加官自小
黃門以上皆有加官至內常侍止內侍已上不常置亦
有特為內常侍以檢校官為之在內東頭供奉官上
兩朝國史志 內侍省有左右班都知左班都知副都
知右班都知副都知押班東頭供奉官內西頭供奉官
內侍殿頭內侍高品內侍高班內侍黃門都知以諸司
使充副都知以諸司使副充押班以內殿崇班以上充
領省事然不備設自供奉官至黃門一百八十人為定
員凡內侍初補曰小黃門經恩遷補則為內侍黃門自
都知至黃門皆番休直宿或奉使中外車駕行幸則供
給使又有前殿祗候高班內品祗候內品後苑內品其

掌與黃門以上同凡以罪出者降為灑掃院子今北班
內品散內品是也又有寄班供奉侍禁殿直奉職小底
日奉內朝以備乘傳急詔凡天子巡幸則執乘輿服御
其史屬則有前後行各二人典二人元豐改制具載職
官志 太祖乾德四年六月詔曰宦者四星著於垂象
給事官掖自有定員人臣之家豈宜私養因而規利尤
紊舊章准唐開元七年詔內侍五品以上許養一子以
同姓者充初養不得過十歲又准寶曆二年詔百官及
方鎮之家不得私置白身內侍者自今內官不許班品
須年及三十以上兼見在朝廷繫職方許養一字若是
自有養父見在不得轉置養子餘依開元寶曆中處分

如降詔前已有養子數多者不在此限內外士庶不得將童男養為宦者及規求財利所在嚴加覺察違者不赦開寶四年七月詔曰前詔內侍不計官品高低逐人許養一子以充繼嗣近日訪聞多有論訟爭競資財宜令宣徽院曉示見在內侍自今日已前已有養男者不計人數明具姓名年幾報宣徽院置籍收係今後如年滿三十已無養父欲收養義男者本家具姓名年幾年幾宣徽院陳狀以聞候得指揮給與憑據收養若私養者許人糾告處死者賞錢百千以犯事人家財充如詔前已有義男者不許人數分析久後資產特許諸子均分如帳籍無名不在此限太宗太平興國六

年五月詔內班舊著黃者自今令著碧 雍熙三年十月以內中高品都知王仁春為落苑副使仍舊都知初領諸司副使也 淳化五年八月改內班為黃門以崇儀副使兼內班左都知竇神興充莊宅使兼黃門左班都知初領諸司使也九月改黃門為內侍以黃門院為內侍省 真宗咸平四年七月詔內侍省差出內品所賜盤纏錢候見樞密院劄子請赴班當面給之五年五月溫台巡檢內品徐志通坐養百姓李敬男四人作男得十二日懼罪還本家又縱軍人奪婦人鄭氏男致鄭氏抱兒入海死詔決杖配掃灑院子因下詔曰內侍許養一子前條具載編敕年歲稍遠不知有此明文致陷

深刑良增惻憫再行告示庶俾遵依其今日以前已有
數人許令仍舊自今宣徽院置籍收係姓名分明告示
一依乾德四年開寶四年詔命施行十月詔內侍省應
抽公人當直者至日發遣各歸逐處不得令宿班院十
一月以內侍高品張仁恭為內侍省內侍殿直仁恭從
晉國長公主積歲願勤幹主為言求遷秩 真宗以仁
恭當近內侍殿頭高品而給事主第其名非便故置是
職命之而給殿頭高品俸料仍令與殿頭高班衣同排
連自今止以轉補月日排名六年十二月詔崇德長春
殿坐朝日內侍省差使臣四人更番於板郭觀步如有
窺覷者密具名聞 真宗景德三年二月詔比者入內

內侍班院分遣使臣於內東門等處勾當建置名目細而甚煩詳其所掌甚有可省去者其內東門取索司可併隸內東門司餘入內都知司內東門都知司內侍省入內內侍班院可立為入內內侍省以諸務隸之仍令逐處各提合行事件條列以聞即降詔條約各令遵守遂定入內內侍省管勾下項事凡三司及憑田司等處提諸處支遣過物取索同否非傳宣行遣公事出劄子赴逐處在內庫務及造作所合條本司除破物色具帳點勘印書除破詣王宮院及公主郡縣主宅奏乞物色皇城六指揮及翰林儀鸞司御廚輦院宣給特支皇親下財出室迎娶內降尚書內省劄子取物入內供奉官

已下勾當公事諸班內品勾當及出外監當收補入內供奉官已下及料錢依糧請受日奏宿直并私身係名內侍季帳定諸色人恩賜及身亡孝贈應宣奉聖旨合係本班勾當公事皆著宣命指揮五月內侍省內侍班院言准淳化五年詔內班院改為內侍省內侍班院入內黃門班院改為內侍省入內內侍班院已止稱入內內侍省本班亦請稱內侍省及賜新印從之八月詔內侍省逐月差使臣於禮賓院監嚴蕃部酒食馬價若無得給食直錢仍令勾當崇政殿門者提舉賜蕃部酒食大中祥符元年四月詔今後入內內侍省內侍省巡更至逐年差使臣巡黃汴河堤十月東巡詔自來車駕

出入止差中使二人祇候傳宣自今令行在入內侍
省選中使五人逐日入闈內承旨二年正月詔內侍俸
薄比以銜命出使事例不藉俸給自今一切止絕糧增
俸給因言內臣以高班內品廣南舊有此名宜改為入
內內侍省黃門高品視秩如舊二月詔入內內侍省供
奉官改為入內內侍省內東西頭供奉官殿頭高班為
內侍殿頭高品為內侍高品高班內品為內侍高班黃
門為內侍黃門小黃門如初收補且稱小黃門候該恩
轉迂方得補內侍黃門內侍省供奉官殿頭高品高班
內品準此四月詔曰入內內侍省都知李神祐等首冠
禁庭總轄內省屬普行於慶澤俾精考於勤勞而乃自

與公平殊虧整肅致煩瀆之滋甚在寬慢以何多聊行懲戒之文尚示優容之旨其都知李神祐石知顯副都知張景宗藍繼宗並可守本官內供奉官范守遜皇甫文史崇貴張延訓安有覲覲頗為煩瀆適行慶賜尚示優容可內侍省內常侍先是封禪迴內臣有扈從升山者有至岳下不升山者有不從祀者帝令都知司第其勞績親閱之以勞叙迂而守遜等競述勤効皆望起擢言神祐等品第不盡公當止之復來數四神祐等不能禁止故有是命是日又詔內臣任諸司使副使有子入內內侍省內侍省經恩未遷者並特迂補一人十六日又詔鄧永遷已授入內都知內中職官不欲更

在他旬其先勾當皇城司整肅禁衛御軍院並罷之七月詔內使宣賜有送錢者宜令本省差定其數勿使過當時軍校有亡歿者賜錢五十千其家以十千奉使臣上封者言故命條約九月改灑掃院子為散內品請色請受差役悉如院子例十月內侍省言本省使臣保任子弟咸不乞隸本省並補入內內侍省望行禁止從之三年二月詔內侍省每車駕出入差內侍二人與御厨同散隊食三月詔內侍省內品關馬及馬病乞納換者須具名奏送群牧司四年三月詔內侍監捕賊者無得製非法凌擠物仍每差下使臣既知委狀以聞六月內供奉官張承素請為故父贈豐州觀察使崇貴立

神道碑帝曰中宮立碑恐無體例如李神福竇神興曾立碑即聽七月帝謂近臣曰昨覃慶中外迁官唯入内侍省内侍省官若依例以轉即自来在朕左右經歷指使勤墮勞逸不能均矣因取兩司姓名入仕年月勾當度數及祗應汾陰人數現自較量勞績改轉則勤勞息易者有所區別遂詔從祀至雖上及河中府入仕及十年者至四京入仕及十五年者留司掌事入仕及十七年者並與改轉將命在外者亦如之其請長假及事故人仕未滿年限者量增俸給内諸司使有子者恩例外更特改轉一人十月詔先差内品往諸州勾當場務其内皆是充復廣南後即選識事強明者任之今老不任

事若別用後生者多不能幹自今有內品負闕精加選
擇如闕人即改差使臣 五年二月入內侍省言前
行費遜乞依陳瑩例轉職帝曰陳瑩太宗尹京日宅庫
前行故特補殿直入內侍省止有前後行曹司名目
自今不得別置勾當官餘罷之四月詔內侍省本班內
今後所招人力並須審聽行止保誡分別方得引赴內
侍班勾當人處仍勒與見在班人力五人逆相合為一
保委不作過重結罪文狀於本省收附如是班內稍有
疎虞若許令陳告無人保委者即發遣出班其有更巡
兵士亦取索三人共為一保如無人保者亦替換及令
寅夜常切經畧巡檢及不得令庫務倉場當直公人在

班上宿先於東西八作司抽差到廣德指揮節級長行共四十二人作兩番每番二十一人寅夜在班分作四鋪每鋪五人分定經次巡宿打火割移名糧係內侍省充打火從人逐日皇城司差親事官節級點檢其入內內侍省所招人力亦仰皇城司入內內侍省依此指揮十一月內侍楊懷恩言家婢開謀父母欲各居帝曰中官皆是養子亦宜深察此弊特杖一百隸唐州內品六年正月詔比來內臣將命出外不許干預州郡事如聞有收受牒訴送所在州縣官吏不敢拒之恐緣此或致枉抑自今宜切禁絕違者重論之州郡受而不奏者同罪八日詔如聞入內內侍省遣親事卒於京城采察

公事因緣搔擾並止絕之二月帝作內侍歲并注賜內侍副都知閹承翰等請刻石本省從之七月詔入內內侍省內侍省內供奉官已下并寄班等自今有乞差遣者並送逐省勘會定奪取旨候得處分者即却送樞密院勘會定差 七年七月十六日詔每崇政殿軍頭司引公事差內侍高品二人整肅祇應人不得誼譁十九日詔內侍省使臣差出勾當者勘會有已滿三年或元定二年替者逐旋申奏差替八月詔入內內侍省內侍省使臣今後須三年一替或有績効及曠怠不治者有司考第以聞升陞差遣增損俸給先是臣寮上言內中西省使臣有差遣請給不均者故條約之 八年五月

廢內侍省黃門其高班內品改為前殿祇候高班內品
九月詔入內內侍省自今命使臣勾當後苑御園內東
門司龍圖閣太清樓並報樞密院給宣 天禧四年四
月詔寄班祇候自今並依三班使臣所定年限磨勘十
二月詔自今中使傳宣齎手詔御寶文字赴中書樞密
院係遷秩加恩事並先赴入內都知司上籍覆奏訖仍
給付施行 仁宗景祐二年九月詔今後內臣入仕三
十年已上累有勞効經十年不曾遷轉者仰勘會保明
取旨十二月三日詔入內都知押班今後經落職只得
前殿都知押班今後前後殿都知押班不勾當皇城司
見勾當者年滿差替其張永和皇城司闕更不差人前

後殿都知押班親戚不得差勾當御藥院 四年二月
十七日詔自今內品犯罪並勘罪檢刑名杖數聞奏降
所屬處斷遣時高品陳崇祐抵罪贖金令未得與差遣
因有是詔 五年十月二十一日入內侍省言乞依
景祐二年九月詔內臣勾當諸般差遣了畢除依久例
合與遷轉外不得投進文字及御前乞改轉及乞今後
勾當內東門龍圖天章閣並本省選擇差使從之 慶
曆元年七月詔內侍省押班關員取嘗歷邊任累有功
者補之 四年九月四日入內侍省言文武臣僚在
京勾當並依外任批書所抵曆子其使臣係二班院出
給諸司候至閣門祇候係樞密院出給入內供奉官已

下緣各有差遣勾當去處欲並從本省出給所抵批書
勞績及過犯從之 六年九月詔入內殿頭李繼和為
擘畫春馬等勞績於轉官年限內與減四年仍不理入
仕及三十年今後有酬獎勞績並准此 皇祐元年三
月內侍省言自今內供奉官有過且勒歸班給半俸候
復赴入內祇應方許全給從之十一月以昭宣使眉州
防禦使內侍省內侍副都知楊懷敏領梓州觀察使為
三陵副使罷副都知舊制內臣都知以過罷去者不許
再除懷敏頃以宿衛不嚴被黜至是復用臺諫共論列
卒罷之 二年十月十二日詔內臣東頭供奉官如內
有情願回授或對贈父母亦聽從便 三年正月十二

日詔入內侍省內侍省供奉官已下至內品自來每
因勾當過勞績事件合得指射差遣者只得各於本省
差遣內陳乞指射其已授下未赴賦勾當及見勾當者
並候將來年滿一依今詔并有限違礙對移差遣亦
只得於本省差遣內回換 四年三月十一日詔近來
入內供奉官已下承領傳宣者並須躬親赴逐處仍令
承准傳宣處依近條覆奏審取指揮若是使臣依前封
齋傳宣文字投下不得收接 五年閏七月詔內侍省
自今內侍供奉官至黃門一百八十人為額八月十四
日詔入內侍省使臣為不合直批聖旨特與放罪今
後奏乞事件並依條約申中書樞密院取指揮九月詔

內臣有自陳勞績而求遷改者自今並下入內侍省
定奪當否令樞密院取旨其明合賞格者即與施行是
月以入內侍省內侍都都知延福宮使武信軍節度
觀察留後王守忠為入內侍省內侍都都知兩省都
都知國朝未嘗除也於是御史俞希孟乞今後更不除
前後殿都都知乃詔自守忠後更不差除十二月詔入
內侍省內侍都都知押班非年五十以上歷任無賊
私罪者毋得除至和元年十二月詔自今內臣傳宣
令先至都知司出劄子其被旨處仍覆奏之二年二
月詔入內侍省內侍都都知應內臣曾犯罪停降復得敘
名職者不許通計舊勞以規恩賞二十七日內侍押班

武繼隆言乞今後應係前後兩省內供奉官已下至內品等如有授到諸般指射轉官優等差遣及朝廷興減守年代轉官劄子等若或因為公事決配勒停降責者自後却漸經赦恩叙復內侍省名職更不得再將未犯罪已前所授文字陳乞使用及內侍省不得施行內有本非已過因事緣坐累及者不在此限從之嘉祐四年四月四日臣僚上言乞今後應係宮禁閣分祇應內臣諸色人等不得請求嬪御乞批降指揮僥倖恩澤如實有勞効合該酬獎即令經所屬官司自陳具狀取旨施行如違令二府依舊條奏刻使臣特降名諸色人並凌配詔令後請求內降刑名並依自前詔約施行五月

十一日詔入內內侍省內臣員多自今權住進養予入內從翰林學士韓絳之奏也至治平元年十一月十七日始有旨壽聖節南郊許奏薦也六月詔入內內侍省自今選內臣年五十以上無過犯者勾當內中諸閣分五年二月詔入內內侍省內臣曾犯贓私罪勒停雖經赦免復隸入內省十一月六日詔今後內臣更不得理大使臣資序內勾當御藥院特旨留者候出外掾所留歲月比類優轉應已理者依已得指揮外今後更不再與遷理資序六年七月八日入內內侍省言乾元節合得食祿人准慶歷六年五月聖旨收一十人為額其諸班內品則無定數請補入內內侍高品五日言

等四人各男一並為入內黃門祇候高品內品雖成寧
等三人各男一並為貼祇候內品從之十月五日樞密
院奏乞自今前後省內臣入仕並理三十年磨勘有已
經歷勘者理二十年其以勞得減年無得過五年從之
自祖宗以來內臣未嘗磨勘轉官唯有功乃遷至景祐
二年九月詔內臣入仕三十年累有勤勞經十年未嘗
遷者奏聽旨蓋猶無磨勘定格慶曆以後其制漸墮黃
門有勞至減十五年入仕纔五七年有遷至高品以上
者兩省因着十年磨勘之例而減年復在其中至是樞
密院惠其幸進者不已故釐革之十一月十六日樞密
院言勘會兩省使臣磨勘條例欲除景祐二年九月詔

并入內省自來黃門轉高班例依舊外並依今年十月五日指揮其餘條例更不施行詔合該改轉高班已上內元因勞績者及無勞績有公罪杖已下者並理十年磨勘無勞績有賊私及公罪徒已上者並理二十年磨勘內私罪情理輕取旨餘並從之 七年正月以又思使帶御器械李繼和為內侍省內侍押班近制兩省都知押班並選年五十以上及有邊功者參用之去年繼和當次補而年四十九至是始命之八月六日詔自今祇候殿頭以下不許乞入內職名 英宗治平元年十一月十七日樞密院言勘合自來內臣每遇聖節安排兒男食祿嘉祐四年五月十一日全權住養子詔今後

遇壽聖節及南郊奏薦並依自來條貫嘉祐四年五月
指揮更不施行 二年五月四日詔兩省今後應有本
省使臣已得聖旨與改轉及差遣等並仰具元進呈因
依供申樞密院覆奏取旨六月十五日詔今後內臣除
御藥院依嘉祐五年十一月指揮外自餘合轉內殿崇
班特旨留住者如年月理至供備庫副使便令轉出
神宗正史職官志 入內內侍首都都知從五品都知
副都知押班並正六品內東西頭供奉官從八品殿頭
高品並正九品高班黃門內品並從九品無定員都知
押班掌禁中供奉之事凡中外官私應用內侍首辨其
所治之事按供奉官以下闕闕以瀆選焉乘輿行幸及

祭祀朝會燕饗諸以省給使者皆前期戒令辦具即奉
使若督察國事亦如之頒詔札之附疾置者邊奏或機
速文字則受而通進袒免以上宗女出嫁則視服屬給
其資貲宗室中都官若賻贈之物則賦以品式禁養餘
子為私身願進外官者推恩加等遷至內殿崇班則寄
理資級押班以上秩高者加昭宣宣政宣慶景福殿延
福宮使領刺史至觀察留後止其要近職任則善善閣
延福宮遷後苑次龍圖天章寶文閣東門司御藥院乃
除帶御器械或押班而遷除皆檢勘上樞密院雖兼治
職事計於臨時而設宮置局者有四掌契丹使介交聘
之事以檢察茲偽則歸管勾往來國信所都知押班領

之哲宗正史職官志云凡奉使往還賜之物若非汎項索則準例以給無例者亦索應掌儀通事詳語使臣皆以各府分其職承旨須索給要驗以授府庫則歸合同憑由司正史職官志云監官二人掌禁中宣索之物給其要驗凡持古賜于宗室外戚及文武官皆具名數憑由仕有司準給造服用之物以供禁省則歸後苑造作所正史職官志云後苑司官無驗員後苑造作所正史後苑司官志云後苑司官無驗員後苑造作所正史作所掌造禁中服用之物凡工作所需具飲阻稅之課數泰東畫旨取給有司而理其出納之令飲阻稅之課入以修營佛祠則歸提點寺務司哲宗正史職官志云侍領之凡分房二設吏十有四哲宗正史職官志云班都知副都知押班無定員並正六品內東西頭供奉官殿頭高品高班黃門納品總一百八十人與前同

掌內朝供奉之事應遷官任子選授給使將命之節依
入內省法日直禁省則視其多寡而番休之天子行幸
則執乘輿服御以從後省官闕則承詔選補押班以上
仍聽玄遷凡分案三設吏六唐宗正史神宗治平四年
神宗即位
未改元二月詔內侍內臣聖節唐宗正史神宗治平四年
神宗即位
未改元給奏兒男今年已經

壽聖節收錄將來同天節權罷奏罷四月七日詔應兩
省都知押班帶御器械及內臣大臣使兼職及正勾當
去處差遣自來無年限替者今後並以三年為滿差人
承替如內有合且令勾當即候滿日臨時取旨是月把
密院言檢會內臣所領在京職局自來並無更代之期
詔內臣正領官局并兼職並以三年為任滿六月詔入

內侍首今後諸閣分闕使臣選差謹畏有行止別無過犯者充仍常切覺察及令開封府皇城司察探如有內臣於街市作過即密具名聞時侍御史吳申言乞今後諸閣分祗應內臣並令入內省結罪保明素有行止別無過犯方得差充仍不得諸閣分指名勾喚及乞下開封府皇城司常切覺察應有內臣於街市作過重行決配庶使闕寺謹畏宮闈清肅因有是命 熙寧元年二月九日入內侍首言乞將太皇太后殿等十二處使臣依舊祗候及十二年無過餘閣分祗候及十五年無過即並與放轉一資出閣仍乞依舊令內東門司使臣保明如果累在閣分不得通理年月只以新差到後來

閣分年月酬獎從之 二年正月十九日翰林學士承旨王珪等言詳定內臣諸司副使奏薦兒男須是年五十歲者方得奏薦詔內臣諸司副使須自入仕後經兩省祇應及三十年者方許奏薦 三年三月宣慶使遂州觀察使入內副都知石全育言臣歷任四朝今老且病願罷本有乞一宮觀寺院詔為係先朝攀附特依所乞與免職轉官提舉東太一宮仍依石全彬例免朝參仍遷節度觀察留後十月二十八日詔兩省都知押班歲滿當遷自今令樞密院契勘施行 四年四月二日上諭樞密院內臣宮中凡有勾當須稱聖旨若一一關申中書樞密院則傷繁碎或稽緩不及事可令本有具自

來合依久例施行事節件抗以聞時以內侍直批聖旨
獲罪因降是旨也十月十六日詔樞密院入內內侍省
內侍都知押班并帶御器械係外任差遣時暫到闕者
除有旨及兼領在京司局並供職外每日起居退更不
供職從所請也是日詔內侍省內臣不係禁中祇應及
入內省人數寔多今後前後省內臣轉至承制崇班內
常侍許進一子與下班殿侍三班差使內侍省東西頭
供奉官殿頭許進一子與下班殿侍諸班內品更不許
進入內內侍省所管諸班內品每年通許進五人餘悉
仍舊內供奉官以上至黃門如願進外官者比內侍省
並加一等推恩其內臣諸司使副合該奏兒男充前班

者今後更不得奏內臣時上諭樞密院曰方今宦者數
已多而隸前者又不入內空絕人之世仁政所不取
且獨不可用三班使臣以代其職事乎吳充對曰此曹
盛衰前代或繁興亡聖朝固無茲虛然人君重絕人繼
嗣此盛德之舉也臣等敢不奉行 五年閏七月九日
詔入內內侍省供奉官以下至黃門并本省所管諸內
品見無兒男充內食祿者許養私身內侍一手為繼嗣
初養日不得過十歲須已身年三十無養父或養父致
仕方許具狀經本省與狀充係內侍遇聖節依名次收
補食祿如未進名及已係名間淪亡亦許依上項條約
別養子若已有一子更養次子為私身內侍首當行處

斬不在自首之限外並依前後條令入內內侍省明諭
之六年七月六日以内侍押班蘇利沙為內侍省右
班副都知仍自今入內省內侍省押班五周年無違闕
並除副都知十年十一月二日以昭宣使嘉州防禦
使入內副都知王中正領果州防禦使初樞密院奏中
正當磨勘上以其軍功故特遷之仍詔自今兩省都知
押班已轉至觀察使如該磨勘及雖有功止遷使額其
有特旨者令樞密院執奏元豐元年正月十二日詔
皇城使達州刺史入內副都知蘇利沙領海州團練使
時利沙校年當遷詔以利沙先朝攀附而有是命二
年三月六日上批前內侍高班梁堅坐監嵩慶陵自盜

職貸死編管襄州該恩已放逐便令貧窶無所歸內臣
執事兩省更無他所安排可與一內侍省把門內品遂
錄為後苑散內品五月十八日內侍押班張恭禮為邠
州觀察使恭禮事上藩邸歲久故也八月十二日詳定
編修諸司敕式所上入內內侍省敕式詔行之四年
四月四日入內供奉官王懷政差管押軍器往瀘州欲
不停見幹當後苑西作別給驛券上批瀘州道路半在
陝西與廣南不同可止依條給驛券或本任添支令入
內省取問懷政妄陳乞五年三月十四日詔自今入
內內侍兩省初除都知押班中書樞密院同進呈五月
十一日詔內侍省入內內侍省於三省用申狀尚書六

曾用牒不隸御史臺六察如有違慢委言事御史彈奏
七月二十一日詔西京左藏庫使吉州刺史內侍省內
侍副都知石得一為入內內侍省副都知東作坊使嘉
州刺史帶御器械劉有為為內侍省內侍押班仍自今
遷補都知押班並三省樞密院同取旨八月四日詔入
內內侍省聽御史長官若言事御史彈糾先是置監察
御史分六察隨所隸察省曹寺監而三省至內侍省無
所隸故以長官言事御史察之十月十一日詔西京左
藏庫使果州刺史張九誠為內侍押班以連事英宗藩
邸也十一月十八日詔都知押班除授歸樞密院六
年正月二十二日大理寺言內侍黃門宋訪下直日入

需雲殿宸幙被當闌入殿門私罪徒該赦原詔勒歸本班
八年十二月二十四日延福宮使軍國軍節度觀
察留後入內內侍省都知張茂則為入內內侍省內侍
省都都知以太皇太后手詔昨建儲及祇奉皇帝即位
有勞故也 哲宗元祐元年八月十八日詔入內東頭
供奉官勾當御藥院馮宗道見寄石騏驎使梁惟簡見
寄文思副使宗道為係隨龍惟簡久在太皇太后殿祇
應各力勤績可與改寄正官並特除內侍省內侍押班
公事更不簽書內侍省公事餘人不得援例同日詔入
內內侍省押班梁從吉久更遷任宣力居多特與轉遙
郡團練使遷入內內侍省副都知十月二日詔內侍押

班梁惟簡在太皇太后殿祇候近二十年累有勤績今
轉出可特帶遙郡刺史後母為例二年三月二十八
日詔內侍省供奉官以下至黃門以一百人為定額遇
聖節許進子二人與收條額內有關於已收條人內從
上撥二人食祿願依舊進借差殿侍者聽奏三人餘依
着為令仍自今年為始四年六月二十九日左諫議
大夫梁燾言准朝旨差賜大寧郡王化生日禮物緣有
書送事例恭聞祖宗差官有親信左右之人並為非次
恩澤後來頗及侍從近年多在言官大懼墮損朝廷政
事寢失祖宗馭臣之意望許免行詔改差入內供奉官
勾當御藥院閤安八年十一月十八日三省奏刑部

侍郎豐稷言近取內臣大使臣寄資充入內供奉官不
便上曰前取此輩但充場務差遣耳外人不知以為盡
在左右呂大防曰禁中事雖從官亦無緣知然陛下恕
其不知而容其直以招來言者此明主之事也臣等若
見諸臣當諭以聖意 紹聖元年取內侍有張士和等
為入內省祗候及選私身內侍二十人為入內黃門閤
四月十七日詔宣政使忠州團練使趙世長為宣慶使
昭宣使梁從政為宣政使吳靖方為昭宣使落帶御器
械添差內當皇城司六宅使周看等各遷一官以神宗
皇帝隨龍人也六月十二日詔入內內侍省闕使臣差
使令本省於供奉官以下兒男私身內侍人數內選長

立二十人先次食祿是年內侍省奏闕員請於私身選
十人詔許選五人又詔宗室詣位都監不許指名奏差

二年九月七日詔內侍省人吏並行倉法三年四

月七日詔宣慶使階州防禦使內侍省內侍押班李祥

昭宣使榮州團練使內侍省內侍押班權主管入內內

侍省押班公事馮世寧宣政使瀛州防禦使內侍省內侍

押班宋用臣依例自授押班日與理磨勘自今內臣橫

行初除兩省押班以上如之內臣昭宣使以上無磨勘

法唯押班以上例皆取旨自初除理五年磨勘故因祥

等著為定法元符三年徽宗即位正月二十三日詔

內侍省官因元祐責降之人如滕州嘉管梁知新高州

監稅曾盡並與依例轉官兼內侍者見今開官廳見責
降在外監當人已經大赦並放還赴有供職入內內侍
省人因黜責降元前省者悉召還二月二十五日管勾
御藥院郝隨劉友端並與外任宮觀輔臣對因請問郝
隨劉友端所以述上云禁中營造過當非先帝意皆此
曹所為因命太常少卿孫傑等驅磨兩人所領後元作
書畫先詣逐處封鎖文籍則用及拘留干繫人二十八
日輔臣奏內臣劉瑗乞磨勘瑗這防非押班無磨勘法
上頗稱瑗循理然例不可改遂已四月二十六日取入
內省祇候使臣二十員赴內侍省以本省額百員而見
管止三十員故也九月十六日詔入內內侍省都知劉

有方等各更遷一官以故事覃恩知內侍省官合遷兩
官非止遷一官而有以及梁從政皆自陳詔使願至延
福宮使還郡至觀察使無可遷者回授十九日入內內
侍省副都知劉瑗等各遷一官職上法者回授有官有
服親十月十六日詔內侍裴彥臣追五官勒停送吹州
羈管令開封府差人押送其前降依隨龍人例指揮勿
行坐勾當御藥院園守勳在御前進呈文字而彥臣輒
扣守勳之冠斷僊不恭侍御史陳次升彈奏乞正典刑
故有是責 徽宗建中靖國元年七月二十八日宣慶
侍成州團練使入內內侍省押班管勾蔡王府閤安責
授高州刺史有府吏鄧鐸有狂悖之言不能伺察故也

崇寧二年五月四日詔入內內侍省昭宣使以上正使以下各繫真官

謂如謂休奏為恩例入內內侍省皇等並依本官無寄資

城使之類內侍省依此八日改入內內侍省都知為知入內內侍省事副都知為同知入內內侍省事押班為簽書入內內侍省事

大觀三年九月十七日詔王仲

千前後在彰善閣及勾當內東門司帶御器械如通及七年特與依在閣條例轉資施行勅會王仲千條四方館使耀州觀察使帶御器械通理前後彰善閣祇候月日計六年有零通理勾當內東門司及帶御器械月日共七年有零依已得指揮特轉引進使餘依舊政和三年九月二十二日詔帶直睿思殿人繫銜序位等在

不帶職人之上十一月十五日詔通直大夫保寧軍節
度觀察留後知入內內侍省藍從熙特與落通侍大夫
依舊保寧軍節度觀察留後罷知入內內侍省除直睿
思殿及今後餘人不得援例雖奉特旨亦令中書省執
奏仍令御史臺彈奏 宣和元年五月二十三日刑部
奏入內祇候黃門內品趙頌狀伏為舊係黃門蒙刑部
却叙充黃門內品名目而不復元官及醜梁毅因罪犯
序充入內祇候黃門內品理訴舊係黃門乞改叙黃門
承樞密院劄子特與叙入內黃門了當切念頌與梁毅
並是刑部約定只叙黃門內品之人欲乞比類敷奏與
頌叙充入內黃門詔與叙入內黃門 四年十月十一

日內侍省奏今後應發過入遞御前文字立定日限收
附并將金字牌子同封報省所責驛程不致阻滯兼於
本省易為勾考詔限到日三日回報如違以違制論
欽宗靖康元年二月十六日詔內侍轉出或致仕者通
侍大夫與換武功大夫正侍至中侍大夫換武得大夫
自餘以差降等元帶遙郡者悉去之其已轉出者依此
改正仍今後轉出內侍並至武功大夫止二十一日詔
內侍官陳乞寄資復祖宗法除省官已降指揮外所有
轉出或致仕已立新格緣其間未照未備可依下項已
轉出或致仕者依此其合改正之人令入內內侍兩省
具名申尚書省給降付身見帶太尉換內客省使遙郡

承宣使節度使

帶禮官同

換延福宮使還郡承宣使正任承

宣使換宣慶使還郡防禦使

曾任省官者換還郡觀察使

省官通侍

大夫還郡承宣使昨來城作昭宣使還郡防禦使今來

不係省官已別改正其省官通侍大夫還郡承宣使人

依不係省官正任承宣使換宣慶使還郡防禦使

并曾任省

官依見帶通侍大夫換武功大夫正侍至中侍大夫換

武德大夫中亮大夫至親衛大夫換武衛大夫拱衛大

夫換武經大夫左武右武大夫換武翼大夫以上見帶

還郡承宣使者與改還郡防禦使帶還郡觀察使者與

改還郡團練使還郡防禦使團練使者與改還郡刺史

還郡刺史使無可換者仍舊武功至武翼大夫見帶還郡

者止依本官轉出內有戰功人依祖宗法合除帶御器械者依祖宗法下準此通外官共六員武功大夫以下不帶遙

郡人八階並換武功郎以下將來轉出或致仕如依祖

宗法合轉所資官祖宗法合寄即依祖宗法二十四日

詔入內侍省更定御前金字牌子制度以舊所發牌

間為金賊欄截竊去恐有倣效也三月一日詔每歲

遣內侍一員往川路謂之詔使自今勿遣六月二十六

日殿中侍御史胡舜陟言昨降旨揮內侍領外局職事

並依祖宗法後又詔除熙豐稟闕依舊外餘並罷今都

水將作監有承受官非祖宗制乞賜罷廢從之高宗

建炎元年十月二十七日詔入內侍省今後

兩省使臣不許與統制官將官等私接見往來同出入如違追官勒停編管遠惡州郡二年正月十六日詔內侍即成章不守本職輒言大臣自祖宗朝未嘗有曰侍言大臣者可特除各勒停送南雄州編管七月六日詔內侍三嗣昌不可留禁中送吏部與差遣上謂宰相黃潛善曰嗣昌見為門司好大言議國政朕前後屢誡其曹各恭乃職勿預他事嗣昌不可不斥潛善曰陛下初踐祚臣便聞先以訓教內侍致治之本也三年四月十日詔自崇寧以來內侍用事循習至今理宜痛革自今內侍不許與主管兵官交通假借饋遺借役禁軍非所管職務擅行移文取索貼占屋宇陳乞提領外朝

官職事干預朝政外朝非親戚亦不得往還如違並行
軍法委臺諫糾察彈劾仍許諸色人告陳如委得實量
事加賞 四年六月五日上諭宰臣曰比遣內侍蕪湖
賜韓世忠茶藥回聞世忠喜甚淵得銀二百兩奏聞朕
以往來稍勞特許之受朕凡遣內侍不容輒受一毫私
餽或因使命有但非得旨不可受朕待此曹每告戒約
束凡小過失或畧而不問至於故犯則必痛懲之未嘗
恕免七月二十四日詔入內內侍有法司程德巳年滿
出職補承信郎可特留充依舊祇應應見請諸般請給
等權於本有文曆內批勅 紹興元年五月二十六日
詔諸陵香火并都監令入內內侍有差十一月六日詔

差內侍省押班岑釜充主管迎奉溫州景靈宮等處神
御其應行移文字並與同宗厚同街由發其餘內侍並
依已降指揮不得一面行移由發文字十二月十五日
詔遇內殿日有急速事令入內內侍省引對 三年四
月二十六日詔今後內侍官不許出謁及接見賓客今
敕令所立法十二月二十五日詔自今後內侍並不得
收養禽蟲等并市肆遊行如違以違制科罪 五年四
月七日詔入內內侍省候臣今後遇泛恩特許轉武功
郎止並寄資 六年二月二日敕令所看詳內容有候
至昭宣使東西頭供奉官至內品靖康元年已降指揮
內侍官稱一遵祖宗舊法今參照元豐紹興法官品雜

歷修立諸內容有使至內侍省內品為內侍官從之先是入內侍省言本省官稱於元豐條令備載今來紹興新書即未詠載故有是命七月十一日詔內侍官已裁減外各有定額今後不得額外增添七年十二月二日詔約束本省使臣不得將分毫銷金翠毛入內令互相覺察奏聞九年六月二十三日詔內侍省寄班祇候依元豐法今後以十五員為額十二年十月二十七日詔已降指揮本省使臣冠帶出入皇城門仍今後不得依舊紫犀帶十八年閏八月二十八日詔入內侍省聽喚使臣今後以六十人為額二十二年十二月八日詔睿思殿祇候見係二十人為額今差慈

寧殿使臣二人充嘗恩殿祇候今後以二十三人為額

二十三年六月一日上諭宰執曰近差內侍往盱眙

軍賜北使宴却擅買北地物貨實為不便已令拘收沒

官庶人懲誡

二十七年十月十一日詔今後差往川

中賜夏臘藥內侍經由去處如敢收受例外饋送及非

理須索買賣騷擾仰守臣具申尚書省樞密院取旨施

行三十年九月二十五日詔內侍首所掌職務不多

張官置吏徒有冗費可廢併歸入內內侍省 孝宗紹

興三十二年

未改

十月二十二日左奉議郎殿中侍御

史張震言乾德間內臣年及三十以上兼見在朝廷繁

職方許養一手至皇祐五年始詔內侍省自今內侍供

奉官至黃門以一百八十人為額熙寧中每年止許進
五人自渡江以來一時草創人數闕火故權充試便行
勾喚供職近年人數比舊寔多宜立為定制使久遠可
行欲令入內內侍者立定員額限以官品年格遇有闕
依條施行從之先是震上殿論此事請創方數行上曰
朕有此意久矣祖宗以來止許進一子朕意欲依祖宗
法震讀畢上曰此曹人多則黨盛今人數已不少若平
居無事猶可設使當母后少主之時豈不能為禍漢唐
之事是已震曰陛下聖慮及此天下之福也因奏曰祖
宗時聖節許其進子今年天申節已進子矣將來會慶
節乞且住罷上曰固然豈可再也又曰此事當即施行

隆興元年十一月十五日入內內侍省奏自朝廷調發大軍節次承發過御前降下軍期機速金字牌文字共二十餘封並無稽悞詔官吏委是勤勞可各特轉一官資內礙正法人依條回授白身人吏候有名目或出職日作一官資收使如不願轉資人支絹二十匹 乾道三年正月二十七日詔內侍以二百五十員為額先詔內侍昨以二百員近緣差赴德壽官四十四員應奉朝殿傳宣撫問齋悻香表關人數多可自今以二百五十一人為額以臣僚奏請故也 六年閏五月十四日詔令入內內侍省今後差官抽摘諸食支遣軍未料于臨安府呈撥糾級前去盤量如有以剩數目取旨施行 七

年七月十七日詔入內內侍省今後本省祇候班使臣
轉至入內祇候殿頭如因恩賞得轉一官止與落祇候
二字

宋會要

內東門司掌受機密實封奏牘及取索庫務寶貨之名
物貢獻之品數市易之件直以納于內中并給皇親賜
衣節料之物內中修造筵宴之事舊止名內東門取索
司景德三年二月改今名勾當官二人以入內內侍充
後或增差踰舊制也兩朝國史忠內東門司勾當官四
人以入內內侍充掌宮禁人物出入周知其名數而譏
訶之承接機密實封奏牘內外功德疏回賜僧尼道士
恩澤凡寶貨名物貢獻品數市易件直咸宣索於有司
受而納于禁中凡禁中須索修造宴設皆先期排辦若
太醫診視則引押入內凡皇親衣物節料則以時給之

押司官二人前行五人後行八人典四人 真宗景德

三年二月詔內東門司每承受尚書等處降出御寶憑
由及內降劄子取索錢帛賜與等即翻寫劄子於諸庫
務取索應諸州府及在京諸處進奉物並收接上曆進
呈若支皇親院俸錢衣賜節料並降御寶支散三月十
九日詔內東門於諸軍務取索物乞破憑由於通進司
投下二十三日詔鑄內東門司印給之舊行文字無印
驗至是始給之神宗正史職官志內東門司勾當官四
人以入內內侍充掌宮禁出入之事凡人物關由以法
武進止之若承認有所須索錫予則騰報所隸而留其
底貢奉之物則受而注籍以進奏封干機速亦如之太

醫診視則為之帥宮中慶賜則視其名數等差以時頒

給凡七年進一官分案四設吏十有九

世宗職官志置吏九神宗

熙寧二年二月二十三日御史中丞呂誨言乞下三司

取索內東門司自大長公主而下請受則例編入祿令

詔令三司於內東門等司取索文字詳定以聞八年

九月六日詔今後勾當內東門使臣滿七周年與轉一

官仍不隔磨勘元豐三年六月二十二日詔醫官入內

祇應并看驗病證醫官隸內東門司七年九月二十

六日詔會通門承傳文字并祇候使臣委內東門司

責本番上名內中不犯賊盜請求獻遺賣買同罪保明

狀經保明後改節事未發許經內東門司陳首上名亦

責相保明狀並許通相覺察陳告施行上名三年無遺
闕酬獎外更減磨勘三年 哲宗元祐六年閏八月十
四日詔今後管勾內東門司使臣年滿合該轉官如未
係皇城使者非有特旨不許改轉遙郡 高宗紹興二
年四月八日提舉內東崇政殿等門梁邦彥等言本司
職事自來係入內省官提點皇城司官提舉在京日舊
例差皇城司第一房人吏兼行遣文字緣本司在京額
管使臣人吏等副共六十一人分隸諸房主行事務昨
因巡幸舊人止有三五人見在即今事務比舊繁重若
令皇城司人吏兼行委是相妨詔令入內內侍省人吏
兼行遣文字 二十七年三月二十日詔宮中首飾衣

服並不許鋪翠銷金仰幹辦內東門司常切覺察不得
有違若失覺察以違制論如有違犯之人令會通門捉
獲先於犯人名下追取賞錢一千貫如不及數令內東
門司官錢內貼支將犯人取旨重作施行其元經手轉
入院子儀鸞等從徒三年科罪 紹興三十二年八月
十七日詔孝宗即位未改元太上皇后生辰物色令內東門司
並依元豐令數全取索本色供奉 孝宗乾道元年九
月六日詔皇太子合取賜生日等物色令內東門司比
親王例三分增一分取賜三十日詔皇太子妃錢氏請
給令內東門司依婉容祿式則例出厯支破供納

合同憑由司

在宣祐門內東廡掌禁中

宣索所須之物而給其要驗監官二人以入內侍省
充兩朝國史志合同憑由司監官二人以入內侍省

卷一千九十八

四

掌禁中宣索之物而給其要驗典四人主管官二員以
內侍充人吏五人通御前及宮禁取索并破除金銀
寶貨錢帛合同事 淳熙六年正月十一日大社令葉
大廉言內侍省遇有宣索之物合依舊法給合同憑由
二本一本付傳宣使臣取索一本省畫時實封差人置
歷付所取庫務官勘驗支供仍將合同繳奏降下戶部
除破南庫封橋庫下提領所底絕姦弊從之二十一日
詔自今取索犒賞軍項并非泛物色等並出給合同憑
由司合同付所屬支取從臣僚所請也十四年七月七
日詔合同憑由司減親事官一人以司農少卿吳煥議
減冗食下敕令所裁定故有是命

宋會要

主管往來國信所

主管往來國信所掌契丹使介交聘之事景德初選內
臣排辦禮信四年改爲契丹使至則有館伴接伴送伴
使副使管押三番諸司內侍三班及編欄寄班等以諸
司使副二人管勾詳語殿侍二十人通事十二人初雄
州常用兵之際每有密事擇副謹吏主之號機宜司及
契丹請和改爲國信所兩朝國史志管勾往來國信
所管勾官二人以都知押班充掌大遼使介交聘之事
舊大遼使至有管押三番諸司內侍三班及編欄寄班
等皇祐二年置初緣路州軍大困於三番使臣須索知

諫院吳奎極言其擾既罷遣三番而預置什物並令逐
州官自辦之 神宗哲宗志具在篇首 主管官二員
以內侍充前行一名後行四人孔目官二人係名貼司
四人守闕私名貼司各二人掌行大金賀生辰正旦使
人到闕應干合排辦事件及遣發奉使大金賀生辰正
旦行遣事務諸官司撥下判文字發放行遣架閣庫案
牘并日常書寫文字 真宗景德二年五月詔將來契
丹使至翰林御厨儀鑾綠路供張完飭都亭驛及所過
州縣官舍在京內侍省右班都知閻承翰管勾承翰請
徙在京勃海契丹諸營於外真宗曰本因通好重勞斯
人非吾意也罷之 十二月命鎮安軍節度石保吉賜

契丹使宴射于玉津園自後皆命樞密或帥承主之是
月契丹使辭歸國賜宴崇德殿發日遣近臣餞于班荆
館自是歲以為例 三年九月詔如聞契丹緣諸色人
將書籍赴椎場交易自今除九經書疏外違者紫罪其
書沒官是月閻承翰等又上言朝廷遣賜契丹國信其
使副隨從兵士已差馬軍員察一人部轄望更令使臣
同共管勾帝曰若更差使臣則志本國恐難為禮但令
增差軍頭 十一月詔入契丹使從人不得過百人帝
以使臣奉命外境應其事體不一令有司每奉使以近
年體例諭之令其遵行無輒改易其書題有辭者皆樞
密院送學士院看詳俾令中禮 四年八月帝謂近臣

曰契丹使到闕見辭及在館接伴支賜例物并朝廷遣使合行之事並有規制行之二年已成定例可特置管勾往來國信所一司差內侍副都知闕承翰供備庫使帶御器械秦政敏勾當每年依時申舉遵守施行朝廷更不臨時處分舊正云排辦禮信所至是建局置印大中祥符二年二月詔國信所祇應通事張榮李達可與除流外散試官十一月八日詔先差充北朝國信所副使及曾接伴人等每有北朝人使到闕並令依所借服色官位稱呼立班坐宴三年正月帝謂樞密曰管勾國信闕承翰等累奏應副契丹使事件及管設次第多有增損不同事繁長久可盡取本司應承宣敕劄子

起請事件看詳事有過當於理不便者並改正之咸令
遵守緣路修飾館舍排當次第已曾畫一指彈不至勞
煩近累據臣僚上言多欲添修改易朕思之恐州縣因
緣勞人可降宣命悉令仍舊是月又詔送伴契丹使回
日依程赴闕不必赴忽遽時王隨送伴遽回故有條約
十一月一日閻承翰等言每年伴契丹使至遣使侍
宣撫問人使游藥等望定每年五七次令內侍省差人
押賜詔內侍省與定五次餘令入內內侍省均勻定差
十一月臣僚上言都亭驛每年契丹使至所差殿侍甚
多詔以付閻承翰等相度今後的實合銷人數以聞
十二月監察御史劉謹請今後接伴使到闕於契丹使

未見前光對從之 五年正月詔契丹使所送與臣僚私覲土宜物數已不少各有定例近年倍多恐因誘致事可降詔示自前有例者賜與無例者不得給與是年河東安撫司言契丹遣人至寧化軍自來止泊於橫嶺鋪望量造館舍從之 八年十月詔入北界持禮國信使緣路支用錢物並依體例不得輒有更改并接伴使管押二者使臣等不得妄有言說及詢察契丹事宜務存大體各須齊肅無令隨行人等多酒率易并與契丹語言戲謔迕程妄有呼索擾民其管押三番使臣據言給料例常切點檢盡數供給 天禧三年十二月臣僚上言每見押賜契丹高麗使御宴樂人致語不依體例

亦無迴避聞於四夷頗失大體自今賜筵教坊令舍人
院撰詞衙前於開封府僚屬中選撰已從所請後開封
府又乞請直館撰亦從之五年二月詔三班差使殿
侍自今入契丹祇應隸三班與優穩差使者無得更差
接送仁宗乾興元年十月四月詔接送契丹使自
今並須慎重禮貌穩密言語不得因循別致猜疑管押
三番使臣亦須用心鈐轄常令齊整供應豐備巡欄使
臣亦須提舉覺察不得作過違者牢固送所屬州軍劾
罪以聞自今每年依此施行及取責知委結罪狀天
聖元年四月臣僚上言繼好已來每差臣僚奉使尤須
經濟得人欲乞今後差文臣給事中武臣選郡以上每

至還差入國之次預行詔敕專委奉舉行止方得差充
候回關別無曠職優賜差遣以旌勞効宰臣言自今後
欲止令中書樞密院選擇充使從之是月內殿承制馮
仁俊上言每年迎接契丹使三番祇應頗有未便之事
欲乞擘畫定奪詔仁俊與禮賓副使張懷則同相度以
聞 八月樞密院上言入界三節人從舊條並令逐處
揀選有行止無過犯者須都將委保定差候到國信所
更相責成勵狀非不丁寧昨國信使張師德劉諧趙賀
等隨行二十五人因醉酒不謹言語遂致釁隙內親從
長行李達已行處斬自餘亦合決遣宜令管勾當國信
所應每半年差祇應人去處依條揀選交付使副若顏

情因莽失帶無行止有過犯人等在內當職官吏劾罪
嚴斷其國信亦常切鈐轄仍曉示三節人等遞相覺察
或有作過仰同保人或知次第人密於使副處陳告候
回雄州交付本州勘勘情罪牢固押送赴闕其同保與
免連坐量與酬獎若不陳告亦當重行斷遣即不得虛
有告報所差親事官即令皇城司子細揀選 十二月
詔自今管押三番使臣凡有起請擘畫未便事件或乞
添差脚乘抽取諸色公人并製造行李物等並令關報
國信所檢會前後條貫不得一面聞奏直送所屬庫務
二年三月內殿承制馮仁俊言管押三番接送契丹
使回據隨行司錄司貼司李元稱自天禧五年至天聖

二年接送往回八次並無遺闕准舊例若不就本司違
轉即於撥輕庫務安排令御厨係第二等重難見闕後
行情願就填許之仍詔自今後接送三番所帶公人不
得更指體去處奏乞酬獎五月國信所言客省傳事
郭榮稱每年契丹使到闕祇應了當乞改班行詔稱三
班借職依舊祇應止約依傳事例不得援使臣年限違
轉三年三月管勾國信所言翰林御厨儀駕司每年
所借入國接伴三番器物陳設多破損脫落望自今須
揀選新好者四日別貯詔自今後所差使臣管押三番
者並預先三五日前請領赴國信所呈驗訖打角裝發
五年三月管勾國信所上言每年接送契丹三番使

臣於在京庫務將帶物料不少及至緣路州軍又更取撥錢帛回日逐番各造帳赴當司投下却從當司移公文取索動經五七月未足況逐州軍係京西河北轉運管轄雖逐度移文緣不相統轄延遲不赴乞自今後每接送三番回京日令使臣專差逐番元祇應親事官監逐管勾官物軍大將長入使臣等據合條回納吏使不盡物限半月內須管納了取索收付齊足即先發遣親事官歸司其三番手分吏與限十日依舊例攢帳赴國信所投下繳牒三司乞限半月內先次勘會結絕其使臣軍大將須送候納齊足見得歸着即歸逐處差使從之五月詔自京人使到京並令接三番管押諸司使

臣與長入使臣及管押暖車殿侍醫官等同共押領一行禮物車乘鞍馬綱擔暖車於人使後面隨逐仍令編欄寄班量押驍捷兵士三二十人編欄同都亭驛於監門使臣處據一行物色車乘一一交入人使位內候交撥了足別無遺失疎虞具狀申訖即得各歸所屬去處其醫官即須每日在驛祇候至進發時除三番諸司使臣先行外只令編欄寄班內輪那一名量押統捷兵士三二十人候進發日於人使後編欄管勾 七年六月審院官上言大理寺丞封直知瀛州河間縣祇應契丹使往來了當檢書大中祥符三年九月詔應係祇應國信所驛知縣並與邊差遠四年五月又奏定合入近者

與升陟差遣合入遠者與近使詔自今祇候契丹使者
更候一任知縣即與同判差遣 景祐元年二月九日
國信所言通事趙萬祇應九年人使四十餘次欲乞與
下班殿侍從之 康定元年十一月二十六日禮部郎
中知制誥賈昌朝等言奉詔差館伴契丹回謝使所有
郭植奉使及張奎接伴語錄並乞關送及更有言語事
意乞令密諭臣等詔國信所郭植張奎語錄封送昌朝
等仍今後並依此例 慶曆五年十月二十三日國信
所言奉詔相度王平奏乞今後令河北州軍破隨處公
用錢置衲襖權借祇應人使兵士裝著欲依所請及乞
逐處不係支給口食即依三番兵士例給口食詔令逐

處以不係省頭子錢收置如無即破係省頭子錢餘從
之 七年五月二十七日入內都知張永和言乞替國
信司詔永和管勾年深別無遺闕自陳乞罷特降勅書
獎諭以宣和慶使遂州觀察使初契丹通好其後迭使
人皆自今差三番使臣緣路州軍大困於須索知諫院
吳奎極言其擾既罷遣三番而頓置什物並令遂州官
自辦之 三年三月勾管國信所言自今通事殿侍與
契丹私相貿易及漏泄機事者以軍法論在驛諸色人
犯者配流海島若傳飲鬪爭欺竊及損壞官物書門壁
者亦行配隸從之 十月知諫院吳奎言近送契丹使
三番之弊所經道路如被寇賊自寢罷以來大河之北

人人利之特於私昵不便故浮議紛紜將有功奪乞以
言者姓名付外施行 五年二月二十一日詔令國信
所申明舊條密諭河北州軍今後人使驛舍不得供設
置州府幽陟先是戶部副使傅永言臣昨奉使契丹接
伴副使李翰問並州事臣詰其由乃是嘗於都亭驛見
並州圖詳此非便故有是命 治平三年九月二十三
日國信所言點檢公事侍禁劉宗顏已再留點檢三年
有無勾當去處欲乞差劉宗顏無勾當德寧公主宅每
遇人使到關即乞長上祇應從之 神宗治平四年冬
改元六月詔應差入國接伴等職名位銜有北朝名諱
者並回避 熙寧三年四月七日國信所言接伴大遼

賀同天節使副吳幾復等牒使人到臨清驛有契丹下
節迪列子夷離根夜刺同宿契丹使者四人傷者十二
人除孝贈錢絹外未敢支對見生餽御衣朝辭例物等
並依病忠身死人例賜與其迪列子夷離根亦賜見對
生餽等如身死亦賜與孝賜贈 五年六月二十五日
入內副都知張若水押班藍元震言乞罷北使西人赴
闕訖例賜管勾國信所及都亭西驛所官銀絹從之
八年八月三日詔今後國信從人於宣武以下軍差人
代車營致遠務尚衣庫所差人從國信所司請也 十
二日權三司使公事章惇言乞今後國信所於近上庫
務權差人祇應者令一面關報差撥不須牒省從之

九月十六日國信所言裁減大小通事大通事以五人為額小通事難以裁減止以六人為額從之 哲宗元年四月二十二日國信所言遼國賀正成節人使赴闕合差接伴祇應人及給散行李等未款比附神宗皇帝同天節例施行詔令比附 紹聖三年三月十八日詔國信所今後祇主不諱勿傳與北使以司勳員外郎王柏等言順祖翼祖係祧廟至今錄與北人北人既以為諱則經由州府每與北人交語通書並不得干犯故也 元符二年六月十八日接伴遼國正使朝散大夫試秘書監曾牧等言新國信教令儀例中不無增損而事干北人者恐難改革又泛使往來新條元不該及乞下

詳定編敕國信條例所取合用書狀條式參詳修定編
寫成冊送國信所照使 政和六年十一月十三日詔
已降指揮管勾往來國信所使臣祇應並及三年已上
謹畏詳熟各與旌賞大通兼掌儀韓士廉見任準備將
領可就陞充正將其霍弼韓士廉可特各轉一官所有
霍弼與權發遣中山府路都監韓士廉陞充正將指揮
更不施行 宣和七年十一月十九日南郊赦書河北
京西京畿國信經由驛路近因使人連併往來州縣應
辦不易內有借買過諸般物色未支還者並限一日須
管支還盡絕 高宗紹興三年六月五日奉使大金國
信所言近差到有官人許帶行前任新任見任請給如

無前件請給每月支贍家錢三十貫每日各支食錢五
百緣今來本所內差有到見任官請給不一往往不願
帶行舊請今欲乞應所差官不願帶行舊請之人乞依
已降指揮止支破贍家食錢並有下節充代軍兵之人
隨身日支食錢五百并贍家錢等並於行在或寄居州
軍從便勘支內軍兵除帶破舊請今逐營依舊批勘應
一行官兵等請給隨家願改移往所至州軍乞依已降
指揮勘支並從之 十一月十七日三省言北使非晚
到來除已將大金國諱是嚴二字行下經由州軍照會
如榜示牌號內有此二字並權行貼改外所有見張掛
應干文榜及民間賣物等見出牌榜如金銀疋帛鋪之

額亦合指揮照應北使經由州縣并臨安府仰於北使未到已前將牌榜推行收歲仍委官照檢不管稍有違戾亦不得貪緣搔擾二十六日國信所言本所大小通事傳語指使使臣等遇人使到關引接使副三節人從殿庭并在驛抄劄聽審語錄押送喫食酒菓等及入位承領傳語計會公事輪差奉使接送伴覺察祇應無已奉旨差歸朝人教習譯語亦合差撥遼色人習學祇應即目止有一十二人實見分差不足今不敢依舊額差填欲乞比舊裁減貼差其所破請給輪差祇應等並乞依見行條例內大小通事最要慣熟詳審之人仍乞從本所於見在人內選揀撥填一舊額管再留通事傳

語指使使臣共二十四人見在止有八人今裁減乞貼差六人通共一十四人閤習祇應並乞從本部於見任得替待闕已未到部大小使臣內踏逐指差及許拘收舊曾在本所充再留使臣填闕大通事祖額五人見在一名今乞貼差二人通共三人小通事祖額六人見在一名今乞貼差二人通共三人傳語祖額五人見在二人今乞貼差二人通共四人指使祖額八人見在四人今乞添差一名通共五人一舊額指揮使下班祇應共二十人准備祇應五人見在止有四人今乞添差內六人充入額指使二人充准備祇應並乞下殿前司先次剋刷曾在所充指使下班祇應如不足即行選差發遣

赴所從之 十二月十七日知臨安府梁汝嘉言人使
非晚到行在昨來在京合條三街差軍巡人把巷約巷
今來本府依做下項一自候潮門裏并朝天門裏候人
使到並於一更三點斷夜一朝天門裏欲每十丈或十
五丈置一鋪每鋪差軍十名或五名一所宿泊一門外
欲令臨安府巡尉分地分約開候潮門裏乞朝廷選差
施行一地內如有遺漏乞加等斷罪詔第一項依第二
項每十五丈各置一鋪每鋪差軍兵五人其軍兵仰神
武中軍差撥第三項令神武中軍并臨安府各差兵將
官二員分地分約開仍具姓名申尚書省依四項依仍
出榜曉諭 四年正月二日樞密院言大金元帥府差

到奉使元不曾分使副今來並作一等錫賜其人從自
入界諸處並不曾到中分三節並已依中節錫賜今據
館伴所中到奉使下咨司書表司係是上節詔今後應
有錫賜內書表司各司並作上節餘依已降指揮作中
節 七十日知臨安府梁汝嘉言人使到館自候潮門
至朝天門裏每一司十五夫置一鋪每鋪差軍兵五人
令神武中軍差撥外及令本軍差將官二員分地分約
關已據神武中軍兵五百七十五人及將官溫全左宏
兩員并每員親兵一十八共五百九十五人及蒙朝廷
差到左右兩廂巡檢并兵丁六十二人專在驛前晝夜巡
邏其前項軍兵及將官巡檢共四員自人使到館兩

晝夜巡防安是勤勞別無踈虞並不曾支破食錢欲乞朝廷候人使出門即行放散仍乞指揮量行犒設一次詔特與犒設一次並令戶部日下支破見錢餘依八年五月二十八日詔將來大金人使到行在應干錫賜物色等並令有司預行排辦製造十二月二日詔左僕射府權充使館之臨安府日下差人排截九年十二月一日國信所言本所舊額官人吏後行四人係名貼司四人守關貼司人私名貼司不限人數不下十五餘人今來見管後行三人貼司二人所有見關後行一名貼司內不可選填其見關係名貼司二名今於守關貼司內試補今來又無守關貼司又緣已差官奉使大

金切慮不測有使人到來人力不勝詔見闕後行一名
依例於本所孔目官內選填請給遷補出職並依見行
條例其退下孔目名職依條例差填施行無本所掌行
事務繁重不可闕人自今後依舊額內裁減差置守闕
貼司私名各二人更不支破請給向去遷闕依條遷補
十二年三月十六日臨安府言修蓋都亭驛了畢乞
闕報所屬差人前來交割照管詔令管國信所交割
八月十八日詔引人使朝見并朝辭並不作常朝九月
十二日館伴所言人乞使要前去上天竺燒香從之
十五日詔主管往來國信所大金使人見辭所有下節
人從並許於皇城門裏宮門外上下馬 二十八日

詔仰福建路轉運司將逐年供進京銚茶料製造作大
龍餅子依數如法封角依大龍茶題寫充國信使用令
別作一項差人投進 十三年十一月二十四日主管
往來國信所言大金賀正旦國信使副來程於盱眙軍
排筵館待即未審將來回程合與不合筵待詔內侍省
差使臣三員沿路賜御筵一員於平江府排辦一員於
鎮江府排辦一員於盱眙軍排辦 十二月五日知臨
安府張叔獻言主管往來國信所報舊例大遼國賀正
旦使人赴闕開封府少尹一員往陳橋迎接茶酒於班
荆館賜御筵酒菓入門赴驛本府契勘已降指揮於赤
岸賜御筵所有本府東倉排辦接見茶酒係在御筵之

後即與舊例不同詔於臨平鎮排辦十四年二月十八日知臨府張叔獻言近者鄴國遣使講明脩正之禮辭意恭順無異昔時而朝廷待過一遵舊制郡縣奉承莫敢少辦切慮天申朝賀與夫泛使之來從此當絡驛於道然郡縣制度或至情文差忒豐饒失中刻復其間科借搔擾不無病民欲望稽考古事立為定式頒降沿路使之遵守其供帳之屬則量行支撥製造俾置國信庫以貯之嚴立法禁不得擅用詔令兩浙淮東路轉運司取見逐州軍已行體例并見在陳設供帳物色等開具申尚書省八月十八日詔今後奉使入國內上中節自辦本色衣服令使副點檢並要新鮮無致故弊

十二月十二日國信所言舊例北使到闕王津園射弓畢觀看馴象其年去賀正旦使人即不曾觀象所有近賀天申節使人到闕準馳坊申宣押象赴驛觀看了當切慮今來賀正旦使人到闕亦要觀象臨期備辦遲誤欲令馳坊常切依例祇備施行從之 十七年十

一月十六日詔置國信所面易庫幹辦官二員從主管

陳瑛請也 十八年正月十一日宰執進呈淮南轉運副

使錢端禮言本路應辦國信使宿食程頓乞省併只作

十二頓上宣諭曰如有不須排辦去處自宜省併亦元

官吏乘時搔擾 五日詔大金使人到闕今後應臨安

府排辦御筵及觀朝冷泉亭飲食並要造作如法供應

仍令本府差慣熟人兵依赤岸例托引如稍有減裂不
前仍令國信所奏劾十五日詔今後使人到闕雜劇
並令鈞容直騁化成殿親事官前一月赴教坊依舊例
互相分付仍令教坊將已分付所排定雜劇名色語言
報國信所關館伴使副閱視二月二十六日詔景福
殿使寧國軍承宣使入內內侍省副都知主管國信所
陳永錫武經大夫和州團使練入內內侍省押班主管
國信所李珂並特轉行一官以應辦人使有勞也十
九年十一月二十二日禮部言主管往信來國信所陳
永錫等檢會在京舊例北使赴闕及人從身故體例已
下有司看詳降付本所以備照用本部今欲依具到體

制并勘會到事理施行詔令國信所照會今據太常寺
開具到正旦接送伴語錄元祐七年契丹賀正丹使尤
番係賀太皇太后耶律迪高端禮右番蕭仲奇劉彥國
來程六年十二月五日到瀛州尤番太傅耶律迪遣人
傳語欲得醫者看脉并要覿轎十五日到磁州金陽驛
中使王慎押到醫官楊文蔚過位地立聽口宣看脉十
六日早離磁州上馬行次高端禮云左番太傅不安蒙
朝廷遣醫一行人皆放心魚來得甚速必是朝廷留意
二十四日入內內侍高班蘇世長傳宣館伴所北朝人
使耶律迪不安與放免朝見其例物就驛交割七年正
月二日入內內侍高品康承錫傳官伴所大遼國使人

耶律迪為患所有玉津園本人射弓例物令就驛使仍
免次日引謝六日入內內侍黃門邵琦傳宣館伴所大
遼國使人耶律迪為患與免朝辭所有例物令就驛交
割又入內東頭供奉官張士良傳宣宣問耶律迪春寒
安樂知所患未得一向康和入辭不得已差醫官元常
楊文蔚二人隨行看醫調治途中切在加愛耶律迪令
人答小人上感聖恩願太皇太后皇帝萬萬歲尋左番
副使代跪謝表一道與天使七日入內東頭供奉官馮
世寧傳宣問耶律迪春寒安樂今特賜湯藥一銀合御
酒一十瓶途中宜加調護耶律迪令人答自到館累蒙
聖恩差天使宣問賜湯藥物件及差到醫官上感聖恩

只是為急不瞻見得聖人心裏慙不好左番副使代跪
謝表與天使是日回程到班荆館耶律迪乘檐子先行
九日到滑州通津驛遣人傳語為左番太傅昏因欲
來日住一日往復一兩次遂許之十日住滑州至晚蕭
仲奇差人傳語左番太傅身亡告令聲鍾及請僧於靈
前道場十二日住滑州遣伴呂希績李世昌過位澆奠
與蕭仲奇等相見遣人送耶律迪襖衣銀裝棺及棺衣
奠酒銀器物等既訖希績等又過位奠酹及慰蕭仲奇
十三日住滑州希績等過位澆奠與高端禮等相見揖
次遣人持迪時贈下饗銀器及三節人從孝贈等與之
端禮等我謝脫中王慎至齋仲奇等詔書并迎本家客

賜仲奇等受賜拜表謝恩如儀十四日早離滑州過河
馬上高端禮謂送伴李世昌云耶律迪不辛物故諸事
皆感激昨日蒙朝廷差中使降詔撫問及密賜耶律太
傅本家上荷天恩唯祝二聖聖壽無疆也十九日早離
驛馬上相揖次希績等諭蕭仲奇等昨日得朝廷文字
皇帝為耶律太傅輟視朝一日北副使劉彥國云左番
太傅雖九泉之下亦有榮耀本寺契勘上項事理內襪
衣數目今按穀梁氏云襪者衣服之名故送死之衣亦
名襪也衣多少之數喪大紀小殮之衣皆十九稱大殮
之衣大夫五十稱士三十稱歛衣稱數不同則所歸襪
服亦當有異但所歸者未必具其稱先儒無說不敢斷

其多少又按喪大記祀必有表不單衣必有裳謂之一稱杜預云衣單復具曰稱今來若北使有似此身故之人其大使欲賜五十稱副使欲賜三十稱切緣古今衣製不同亦參酌大使賜綾羅絹各五十疋副使折賜綾羅絹各三十疋其銀裝棺及棺衣各合用一件內奠酒銀器合用注碗一副銀盤盞三副係三次澆奠銀棧茶盞托一副其大使身亡合得賻贈欲賜絹六百疋布一百五十疋生白龍腦一斤燭六十條濕香茶各三十斤酒六十瓶副使欲賜絹五百疋布一百五十疋濕香茶各三十斤酒六十瓶下餐奠爵銀器大使賜銀三百兩副使賜銀二百兩若副使身亡大使合得孝贈欲賜絹

三百疋布一百五十疋大使身亡副使賜絹一百疋布
一百五十疋三節人從孝贈上節絹一十疋中節七疋
下節五疋其家賜本家合聽臨時指揮又元祐三年七
月三日本所據隨從接伴大遼國賀正成節人使指使
楚珣等申六月二十三日堯山縣驛人使傳語有下節
契丹一名身死准條北使三節人沿路身死使仰焚燒
造木匣絹袋盛貯骨殖候回日分付仍作朝廷意度隨
處州軍取條省絹三十疋錢三十貫接送伴使副分付
人使充賜與身亡人從孝贈又條三節人沿路及到關
身亡應合給例物並賜與又紹興八年十一月二十三
日大金遣使張通古等過界當日人使呼索輜于一項

前去至青陽驛宿泊問得係上節書狀官承議郎行臺
尚書省主簿魏千運一名見患不安二十八日到高郵
軍本人身亡委高郵知軍劉舜士營辦棺木盛殮了當
請本軍僧衆作佛事誦經文設香燭酒菜繇繒等供
養於公詔院用埽灰擲次日差提舉官趙時前去燒奠
又留錢委本軍知軍請僧續作節次齋七追薦九年正
月四日到闕在館賜使人張通古等金銀數內身故書
狀官魏千運賜銀六百兩二十二日回程至高郵軍張
通古等傳語前時死者魏千運恐將來出陸臺牌不行
不若燒化了送伴仗副莫將等傳語甚好遂令高郵軍
燒化用小棺木盛去本寺契勘數內三節人身亡支賜

數目今照得止有魏千運一名體例今叅酌將來若有
上節到關或回程身亡之人欲賜銀二百兩如未到關
在沿路身死欲依魏千運體例止賜六百兩其中節人
比附上節減半給銀三百兩下節人却比附中節減半
給銀一百五十兩依所有中下節人沿路及到關合給
例物並依前項本所條例支給 二十年五月二十六
日尚書省言使人往回渡江不測值風竊慮拘於排日
程頗濟渡不便詔今後使人渡江值風不拘所定日分
候濟渡却令無程進發 十月八日詔今後入國使副
令常切錄未三節人從不管與北界承應等人相等作
開慮失國體以三人為保如有違犯之人仰國信所差

指揮使等覺察候回日具姓名中所聞奏 十二月十八日詔使人到闕赤岸等處錫宴其排辦供須不及經過州府甚非朝廷撫勞遠人之意可行下臨安府并賜御筵等官今後須管躬親行事視並要排設豐潔不得減剋料例仍令國信所主管官依條抽閱點檢如稍有減裂具事因申尚書省應干主辦官吏等重寘于法二十二年六月一日主管往來國信所言今重別參酌到大金都管上節到闕未回程身死支賜欲都管錫銀五百兩上節賜銀四百兩其都管上節沿路到闕應合給例物並賜所有支賜銀如到闕下左藏庫支供今館伴使副給賜沿路下轉運司應副令接送伴使副給使

並作朝廷意度其中下節支賜銀等並依紹興十九年十一月已降指揮施行所有三節人孝贈錢絹緣已有支賜銀今後依近降指揮更不支給從之 二十四年十二月十八日上宣諭翰林臣曰大金人使將到并接送伴等一行應牽挽人夫聞多未嘗支破錢米或值雪寒不無凍餒有至死者深可憫惻今所差州軍依已降指揮優加存恤無令少有失所如違在內令御史臺覺察在外轉運司按劾 二十五年十二月二十四日工部侍郎丁燾明等言被旨差充接伴使副陞辭日令措置淮南打凍牽挽人兵毋令所失已具奏聞如遇河凍乞將打凍及牽挽人逐日分作三番輪替如遇交番即

預設先犒設酒肉蒸糊令飽暖方得上船乞下淮南轉
運司每遇河凍年分即於係省錢內支破三百貫充應
上項使用浙西路亦乞依此從之 二十六年十二月

二十六日詔大金使人赴闕接送館伴諸官司應差祇
應人姓名如有犯大金名諱吳晟幹亮四字并同音及
軍民人面上刺有避忌字並不許差赴使人前祇應雖
不係使人前祇應人如有似此刺字犯諱者仰所屬權
管迴避 二十八年十二月二十五日國信所言自來
使人朝見禮物檐妝鞍馬於紫宸殿門以西至過道門
外一帶陳列候入殿進呈今來使人經由新路入皇城
南門若依舊陳設有礙館伴使人等下馬及入殿班路

除國書合依舊在紫宸殿門上其餘禮物檐牀等欲乞
於紫宸殿門內兩壁陳列庶無妨礙及使人應入內絰
由上下馬去處詔大金使副體宰相上下馬及於麗正
門外西廊從北第一至第三間為待漏幕次餘從之
二十九年二月五日詔年例接送北使浙路牽挽人夫
素無支請晝夜暴露或至羸乏可委兩浙運司自今遇
接送每船預給米二石或遇阻風及大寒極暑令各於
人夫具牽挽人姓名各日支米二升炊飯俵散候接送
畢具數中所屬出豁 十九日國信所言每遇大金使
人到驛告覓物色自來止據排辦驛御馬直一面於本
府取索供納至晚開具告覓物色中所照會似此無以

國防欲乞今後遇有告覓物色專差通事指使應各一名在位次門外置厯逐一抄轉赴所書勘結押至夜令排辦官具日下的實告覓過物色中所叅照從之同日國信所言大金使人在驛打造銀器自來係通事承領分付排辦騎御馬直依例一面計會本府書手鋪戶取索造作徑赴通事處交割遂致銀料出豁不明欲自今每遇轉出打造銀器委當管通事具名數申所行下排辦使臣收索銀料應副候交納了當開具用過銀數報所屬出豁從之五月五日詔大金賀生辰使人王可道等到闕尤都管為病兩浙轉運司差到管船使臣二人更不經由館伴使副等徑行呼索臨安府卧轎應付

入門卽本司將逐人依條施行仍鈐來自今後所差人如遇使臣呼索告覓須管計會所屬館伴送伴等官司訖方許遵行如違以違制論 十四日國信所言在京日都亭驛附近皇城外廊火禁嚴切今本驛亦與皇城相近況係安泊使人去處兼見收貯在京案牘及官物沽濟事體至重欲之過使人在驛除合停留燈火官司許行在留委監驛使臣同提點監門常切巡覷照管仍置厯拘籍所有其餘不合留燈火去處並令本驛禁止施行詔非使人在驛國信所除過檢照案牘書寫緊急文字許權暫闕燈用畢即時打熄餘並禁止 六月四日國信所言本所被旨奉使大金所有行移文字除

申朝廷合用公狀外其餘去處依例合用劄子從之
三十年正月十八日詔去年以來汝命往還淮南州郡
如有買過人戶諸般物色不支價錢及有虧價令人戶
赴本所陳訴具姓名聞奏 二月二十一日國信所言
准御寶批隨使副下節額二人聽御前差今後改充中
節從之 三月二日知臨安府錢端禮言本府排辦國
信多緣闕乏錢物臨期於鋪行收買物色過期則不支
價錢致使行戶失業自紹興二十八年以後未還鋪戶
國信等買物錢二萬九千四百八十餘貫若更歲月漸
久人寧戶無緣請領照應本府級去年揀汰將兵見今
按月將揀汰人料錢并折糧米錢四千五百餘貫赴左

度庫送納欲望自三月以後將欠鋪戶錢數截撥上件
案名盡數當官支還從之 四月十一日詔差親從四
十人充人使到闕都亭驛充代刺員使人位看房等祇
應令皇城司於使人過界前半月交割事畢日發遣今
後准此 十二月二日臣寮言每歲接送伴使副所差
將校軍兵三十餘人每名起發借請及沿路批券再借
用緡錢無慮百餘又皆爲合無甚願藉影帶商貨避免
官征詔使副各差將校一十三人軍七兵人 五日主
管往來國信所言昨對境報到大金廟諱其吳字項內
有文字一字今來賀正旦使虞允文有犯元報到諱內
一字詔令虞允文權改名允 三十一年七月十八日

臣寮言遣使金國往來所有得語言率皆大事往往先
照不相照知酬應之間不無差舛此為非使每遇使回
有所受事不載語錄誠為闕典欲自今後奉使回程各
具所得之語實具劄子關奏降付三省密院編錄成冊
不許泄漏過遣使命則令通知前後事宜如此則其知
首尾應答之間無失詞之患可以專對從之 三十二
年四月十九日國信所言本所舊額管指使祇應二十
人准備祇應五人昨裁減差置指使祇應一十人準備
二人逐年輪番隨從奉使入國及差赴接送伴使副下
掌管引攝儀範聽審語錄并遇使人到闕在驛祇應全
籍備熟語人今來見管指使祇應二人準備祇應二人

到所日淺未諳使事其見闕指使祇應若移文殿前司
差撥又是新人竊慮生疎難為倚杖欲乞依已降指揮
從本所於殿前司踏逐曾經差入驛祇應人充填及許
依再留使臣例拘收舊曾在所充指使祇應人填闕請
給等上依權留指使體例施行詔依今後准此 孝宗
隆興元年八月十四日主管往來國信所言依指指條
具併省吏額本所見管使臣二十一員點檢通事指使
傳語使臣共二員指使祇應一十員欲並減半從之
二年十二月二十一日國信所言勘會已降指揮將奉
使金國傳語宣問意度今後令國信所錄白一本使使
副赴都亭驛閱視日主管官當面分付使副遵執仍取

卷之二十一

三

知委聞奏昨奉金國上尊號本所傳旨陳誠之修寫聞
奏所在金令來金國賀生辰傳語意度遂具奏聞詔令
洪适修寫大金朝見日傳語宣問意度一本赴國信所
進呈 乾道元年正月二十四日洪适張綸言接伴金
國人使已到楊州於泗州虹縣北境虞姬墓界首取接
不發遠迎狀兩朝廟諱御名彼此不傳兩朝皇帝聖躬
萬福彼此免問相見叙忘彼此稍前三節文公叅盡冠
服接伴只著紫衫上節先叅稍起不還揖中下節則坐
受其禮舊制止曾與賜御筵中使口宣人有敕中使北
使相揖各只依位御筵勸酒傳語稱聖恩隆厚送私覲
彼此用日子上件事理元係逐一往復議定欲降付三

省樞密院劄下主管往來國信所照會如已差館伴及
日後接伴并賜御筵中使等並令通知庶免異同詔令
李若川張說照應叅酌施行 二月二十四日國信所
言勘會金國國信使副非晚到闕訪聞經由州縣以准
備應辦物色為名遇有科取欲令逐路監司嚴行戒約
魚人使經由州縣將醫人獸醫工匠行鋪戶等人預期
科差顯是搔擾今後如有合用之人令接送伴所報所
屬臨期據數和願所有賜宴更不用妓從之 三月九
日中書門下省言提舉修內司承受提轄劉慶袒狀今
來人使赴闕沿路御筵已承指揮用樂其到闕合用樂
人等乞令臨安府差撥仍委本府承受官主管教習令

勒前鈐轄教坊所人吏并教坊省記到舊例行人自起
教日並赴教閱處教習庶得應奉詳熟從之 二十四

日國信所言檢准紹興三十二年三月二十五日尚書
省劄子館伴使徐嘉副使孟思恭奏今來館伴金國報
金寶位使人高忠建等自接見至出驛有更改到事一
十三件一館伴與北使初相見通狀彼此只用一張雙
銜一使副相見彼此只各就船同上轎擺定入館內並
魚立一本所掌儀以下與北上中節各不恭叅一使副
在驛每遇過位彼此只就設廳上對立相揖一使人入
內使副於宮門內隔門各上下馬一三節入於皇城門
外上下馬一使人相朝見并意度儀範並係臣等與北

使副面議事朝廷降到指揮今來與近例更改不同一
使人在驛遇中使賜到物逐次拜謝恩一使人觀潮天
竺之游今更不往一臨安知府送酒食并膳儀與北使
副更不門狀于一使人朝辭捧受國書等禮儀並從舊
例一夜筵解換館伴請都管已下就筵勸酒與都管以
下相揖彼此使副皆起身一勸都管以下酒只令通事
勘勸伏望降下有司今後館伴參照施行詔並依內
觀潮天竺燒香依旦正體例施行 六年十一月十九
日詔兩浙轉運司每次應辦人使管船使臣往往逐州
施行差到不能管轄今後專委臨安府於緝捕并應管
使臣內選差每船各一員管轄及添差八廂一名親從

一名作管船軍員名色同使臣自盱眙軍至行在往回
管幹機察如覺察到違犯事件當行推賞若失覺察重
作施行 七年四月二十九日詔金後使人往回所差
防護人令浙西安撫司行下沿路諸州府依臨安府例
於禁軍內差撥逐州交替其鎮江府諸軍所差人更不
差發 十一月二十七日詔今來奉使所差三節人內
都轄禮物官引接儀範指使執旗報信醫官小底共十
二員令樞密院將國信所見管并曾出疆及三省樞密
院等處簡熟儀範人置籍從上銓擇取旨差書狀官書
表司親屬親隨指使職員共十員令正副使選差下節
四十人令樞密院於三衙并皇城司等處選擇差以臣

僚言切見入國使副循習舊例盡將三節人從窠關公
相眾易皆有定價多出權貴轉相薦送分金入已所費
已多且正使副不敢揀擇合行約束故有是命 八年
三月三日詔今後奉使往回經過州縣統兵帥臣監司
知通除有職事行移公文外不許投接啟狀書劄除巡
尉防護外餘人並不許迎送接見以賀正旦國信副使
孫顯祖言切見國家遣賀正旦賀生及并接伴送伴使
副一年凡八往回自臨安至盱眙千有餘里所過州縣
投下啟狀書劄為使副者回答不服統兵帥臣監司知
通已下出門伺候又須接見稽留行程彼此疲勞非徒
無益實妨職事故有是命 九年十一月九日國信所

言已降指揮應辦奉使并使人到闕通及二十番官吏
與轉一官緣官吏一等推賞初無緩劣內主管乞與改
作每任滿無違闕特轉行一官礙止法人依條回授從
之

續宋會要

國信

淳熙三年四月十四日記國信所都轄謝良弼掌儀乾
趙選各降兩官掌儀乾陳斌降兩資並特送千里外州
軍編管良弼等隨湯邦彥出使金國還良弼言邦彥等
舉動乖謬因併責之六年正月四日臣僚言生辰正旦
國信往來正當嚴寒沿路捧駕舟船人夫衣裝不辦多
致凍死今歲尤衆平江府界死者一十八人而官司不
為措置乞特降指揮應經過國信人使往來州縣多備
牽駕人夫衣裝常加犒勞今次沿路凍死人去處令州
縣每名量支官錢埋瘞詔逐路轉運司措置存卹令平
江府及沿路州軍將實死人數於係省官錢內支埋殯

錢四月一日知常州李結言國信使副回程河道水淺
乞將禮物權寄留鎮江府使副等人出陸先歸候水通
日行船上曰使副回程只有國書一封並無禮物聞三
節人多有私貨豈可勞擾人夫可依所乞 七年正月
十日詔國信所大小通事指使傳語使臣自今與依元
符詳定國信一司條法叅部止令注授臨安府庫下并
行在合入差遣願就同監臨安門者聽 十月四日詔
自今的實應辦處方許差官不得泛差冒賞以右正言
葛邲言每年人使到闕自盱眙軍至臨安府一路州縣
應辦官員皆有酬賞緣此盡以應辦為名往來將迎動
費數日並不存留一員在州縣乞自今應辦人使官在

州常留當職官一員在縣常留佐官一員與免應辦故
有是詔 十一月十九日詔自今奉使入國下節人除
親從并譯語親事官外及將不轉資八人許使副差親
隨厨子其餘人並令殿前馬步軍司輪差毋得於諸處
抽摘令各司排定軍分於每一軍一將內有職名家口
無過犯人充曾經入國人不得再去仍於本將內選差
正副將一員部轄正將充上節副將充中節本將人數
不足許於別將內差撥 十二月二十四日詔每歲奉
使金國上中節內除部轄引接并國信所指使定例外
吏留二員聽候御前降下自今使副許辟差親屬二人
書狀官一員掌管私覲職員一名其餘人數令吏部於

見在部籍定名次經任無過犯大小使臣內差乃委長貳公共選擇親魁偉年六十以下無殘疾人充諸軍班換授人免行差撥在部人不足申樞密院令三衛輪差入隊准備詩將訓練官揆數已曾經入國人不得再去差定姓名申樞密院訖發赴使副收管依舊赴國信所審量 八年十一月十九日詔自來年為始令六曹將合差奉使金國正旦生辰使副并館伴接送伴下引接儀範人每曹籍定一十人於差使副前兩月遇旬休日分輪一曹所籍人數發赴都亭驛令國信所掌儀通事使臣指教閱習儀範節次 十一年六月二十二日主管往來國信所言賀金國正旦使副舊例係九月二十

三日差官十一月九日起發約至二十三日到盱眙軍
二十九日過界今來盱眙軍中準泗洲牒權改定寅正
旦十月二十一日過界十二月二十七日到京小盡並
二十五日到京賀金國生辰仗副舊例係十一月十九
日差官次年正月九日起發約至二月十三日到盱眙軍
二十九日過界今來盱眙軍中準泗洲牒權改定寅正
辰十二月二十一日過界二月二十七日到京得旨令
國信所照應舊例并今來盱眙軍中到事理約度開具
合差官反起發約程到盱眙軍并關報過界月日逐一
疾速指定中中書門下省本所今指定賀金國正旦使
合於八月中旬差官於九月下旬或十月初旬選日起

發約半月可到盱眙軍依今來改定用十月二十一日
過界賀金國生辰使合於十月中旬差官於十一月下
旬或十二月初旬選日起發約半月可到盱眙軍依今
來改定用十二月二十一日過界其關報過界月日乞
照應自來體例施行從之 十二月七日樞密院言盱
眙軍申泗洲報來歲正旦生辰使彼此權止一年 十
三年十二月九日詔國信所減私名貼司一人譯語親
事官二人投送文字教駿長行二人以司農少卿吳煥
議定冗食下教令所裁定故有是命十五年七月八日
樞密院言新差京畿第二將臨安府駐劄國信所小通
事田愿乞將報謝國信使副下祇應回程特轉一官恩

例候新任滿日乞特派差差遣一次從之 十六年正月十一日詔國信所大小通事指使傳語使臣與依舊法注擬一千一百里差遣 十七日樞密院言國信所檢點使臣安傑依舊通事等例赴部先次注授差遣詔依特令赴部注擬授合人入差遣遇使人到闕前一月赴驛祇應事畢還任餘依見行條法同日照國信所點檢公事郝守二魚同監臨安府嘉會門敷武郎彭林魚同監豐豫門帶行本等驛料供給不理名色次數今後准此 先是七年詔國信所等事許同監臨安府諸城門近有赴部注授差遣多有不願就者故有是命十八日詔武功大夫特添差兩浙西路馬步軍副總管湖州

駐劄掌儀大通事王舜臣與轉運郡刺史武功大夫新
特差權發遣兩浙東路兵馬鈐轄衢州駐劄掌儀大通
事李鐔與轉郡刺史以舜臣等在國信所應辦引辦使
副陞殿六年轉一官令己及九年未經推賞故有是命
淳熙十六年二月十二日國信所言報哀使人到關所
有修飾驛舍什物差破在驛祇應人并館鞍馬館伴使
人行李從物等及應干合行事件乞照應金國使泛到
關依正旦體例施行從之遺留使到關亦如之二十三
禮部閤門太常寺國信所言報哀使人到關皇帝衣服
欲乞權易忘日之服禁樂一節緣目今國樂未舉外所
有報朝日分欲乞報朝三日其典故內所載待制以上

就驛予慰今乞不行予慰之禮其報朝日分自使人朝
見日為始檢照建中靖國元年三月四日北朝哀告使
人朝見依御幄殿坐今來報哀使人朝見御殿合取自
朝廷指揮使人服著鞍韉欲候接伴接見使人見得服
著是何衣服鞍韉闕報所屬叅酌申取朝廷指揮其館
伴使副服著鞍韉乞照應接伴使副沿路體施行所賜
衣帶例初合依自來體例給賜陳設幃幕除金國使人
位次用茶外其餘陳設去處並合照應淳熙十四年^正三
體例如使人辭免聽從其便如北使到本位欲用青聽
從其請詔第一項過人使見辭權易忌日之服第二項
報朝三日第三項御後殿令問門修定儀注餘依討論

到事理施行 四月九日閤門言檢會紹興三十年金
國賀天中節并紹興三十一年賀正旦人使朝見其日
紫宸殿坐人使朝見畢垂拱殿不設樂賜酒五醖免宣
視醖兩次宣勸令來金國報登寶位人使朝見未審合
與不合賜酒并宣視醖詔依例賜酒五醖宣示醖 八
月二十四日禮部閤門大常寺國信所言將來賀登寶
位使人到闕合於紫宸殿賜筵宴不用樂不替花從之
以高宗照制故也十二月三十日館伴金國人使所申
北引接張侂言來時得處分往回沿路并在館遇筵宴
乞並免替花舉樂掌儀王舜臣答云皇帝方行慶禮殿
庭免替花舉樂斷難稱此禮非專為使人設張侂言殿

度舉樂國信固不敢辭花宴日乞免簪花詔依例賜花
仍免簪花熙元年賀重門節亦如之紹熙二年二月八
日國信所言金國報哀使人到闕所有宴殿合與不合
排辦給賜宰執親合受相使人并諸免祇應人等花朵
禮部太常寺國信所檢準國朝會要大中祥符三年正
月五日契丹告哀使辭宴于崇殿政不作樂以輟朝故
御便殿以契丹國母喪自後契丹國有喪其使者見皆
不作樂今來金國報哀使人到闕照得前項典故即不
該載給賜花朵不合排辦從之 十七日禮部閣門太
常寺國信所言金國報哀使副過界檢準淳熙十六年
三月報哀使到闕見辭日權易忌日之服御後殿今欲

依上件禮例欲候接伴接見使人見得服著是何衣服
鞍轡闊報所屬恭酌其館伴使副服著鞍轡照應接伴
沿路體例所賜衣帶例物合依自來體例給賜陳設幃
幕除全國使人位次用紫外其餘並照應淳熙十四年
正旦體例如北使本位欲用青聽從其便賜宴并出入
觀游等亦乞依自來體例如使人辭免亦從亦岸班荆
館都亭驛御筵欲照淳熙十六年體例不用樂棚止絞
縛一字照壁用紫絹釘設從之 五月十六日樞密院
言檢準淳熙八年十一月十九日奉旨令六曹將合差
奉使金國正旦生辰使副并館接送伴下引接儀範人
再行遴選十人於差使副前兩月遇旬休日分輪一曹

所籍人數發赴都亭驛令國信所掌儀通事使臣指教
閱習應用儀範節次中國信所照會尚或違戾令國信
所具申樞密院取旨施行臣僚言上節有引接二人見
係六曹輪差平時不諳禮儀一旦責以引揖進退鮮不
錯誤詔令國信所申嚴行下令後教習務要詳熟 紹
熙五年十二月十五日都省言皇帝見行三年之制今
來金國賀登寶位使人到闕其都亭驛使人位陳設簾
額等依例見用紫色所有館伴使副位詔並用青色今
所屬疾速排辦 慶元元年八月二十六日禮部言今
來瑞慶聖節賀生辰人使到闕係在孝宗皇帝小祥之
後所有平江府往還排辦陳設等欲並令用紫色其餘

經過州軍準此從之 嘉泰元年九月二十三日臣僚
言國朝自中興以來講修睦使命禮儀尤為詳備故前
後使者罔不恭順相安於無事已四十年矣為國信之
吏豈不知此近者此輩多自謀利不卹大體前後出使
反為接待館伴者皆求以逃責不暇與較且掌儀小胥
也二使王人也今掌儀之權重於二使有私求則不容
不遂所求欲接坐不則容不與之對夫二使非不知自
有階給今乃遂其所求而與之抗禮者亦曰姑惟上下
和同以辦國事而已而此輩不知以此自重蓋欲擁歸
於己多是密與北引接等私相交誘以甘言啖以告覓
虜人貪利既中所欲則凡事聽從或因本朝國信使接

送伴一儀之稍失一語之稍差遂教使虜人生事然後掌儀通事等卻從調而護以為己功若本朝銜命之人無事可指亦復多方挑摘得以邀功且銅禁畧降指揮非不嚴切其三節人使及座船兵梢等或作禮物籠篋或作隨身衣裝所至公然差撥人夫瞻擎般運火帶過北界者正以掌儀等與之通同作弊皆有所恃略無畏憚乞自今以往一切責辦掌儀二人凡國信使與接送館伴使應有疎失並先將掌儀重行謫罰至於與北界引接官私交通行禮酬酢並乞嚴行止約毋使依前往來所有銅錢之禁亦責令掌儀專一覺察如敗露首罪以坐自今掌儀以下依條合得差遣之人並只與臨安

府添差不釐務差遣使之專意國信所職事不得干預民事庶幾可以革去前弊而重國體從之 二年九月二十日主管往來國信所言今來賀瑞慶聖節使人到關係在光宗皇帝禪除之前近接伴所已申請到指揮將來十月三十日光宗皇帝禪除畢自十一月一日從吉所有今來接送伴金國生辰使如在禪祭之前欲令照應嘉泰元年體例施行至十一月一日及以後在路御筵受賜謝恩舞蹈山呼作樂供帳陳設等並合純吉所有今來使人到闕本驛使人館伴位及赤岸班荆館仁和館等處陳設簾額等欲照嘉泰元年體例並用紫色釘設內被褥有紅錦緋紅顏色亦乞用紫色排辦從

之四年二月九日賀金國生辰國信使劉甲副使郭倬言已回程結局先恭承宣諭指揮節文數內一項私覲腦子香藥等并生白絹換易之弊甲等除已恭稟聖旨指揮逐一措置并弊外所有諸庫元納到私覲香藥足帛等並皆就都京驛當官受納差委使覲官打角掌管過界支用甲等自到泗洲至燕京并回程沿路所送私覲逐一對衆抄轉簿歷同都轄掌儀私覲等官公共點檢指實書押文簿分明今據私覲官開具收支見在細數狀帳已行繳申朝廷將見在物件特賜指揮給還元來庫分外今來欲將文送私覲簿于一冊送所屬錢版成冊永為定例及乞每遇差奉使賀金國生辰給降

一冊赴奉使所照使從之 開禧元年十一月十日尚
書省言使人到闕自紹興十三年近差下禁軍充入位
祇應例皆年高情然村麤行之二十餘年初無闕事後
來改差親從四十人入位亦係揀選有行止無過犯該
陞揀選轉之人充應至淳熙七年始令皇城司籍定入
位之人遇闕補填竊慮因而漏泄詔除譯語人外令皇
城司於親從親事官皂院子內選四十人並年六十以
上不識字有行止無過犯人差撥祇應已差人不許再
差 十二月二十七日金國賀正旦人使朝見宣名訖
國信使副不肯折身掌儀葛宗喬等云久例折身如何
今此不行此禮北使趙之傑云僚例冊上無折身兩字

整會數次終不肯折身續閣門傳旨且令歸館別聽候
指揮朝見舊宗裔等即時引出殿歸館有旨領正旦使
人令改作正旦日朝見至日朝見如常儀次領正旦嘉
定五年四月十五日臣僚言國信所禮物並從朝廷支
降一色精細金銀製造積弊既久往往減裂乞下文思
院自後遇製造上件禮物須管監官躬親監視仍須於
人使未行半月以前預期齎至都亭驛交納以憑稽考
施行詔令文思院如遇製造禮物須管監官躬親監視
不管稍有減裂候差使副畢限五日齎合用禮物赴都
亭驛交納稍有情弊從使副朝申取朝廷施行 同日
臣僚言每歲遣使下節所差之人例轉一資照得軍兵

資賞止可轉至五次過是則為寄資俸既不增何苦冒
涉萬里緣是往回頻數與北界承應合千人稔熟多有
貿易物貨交通言語漏泄國事乞自後不每名不許差
過三次小帖子稱其上中節亦乞准此照得奉使官屬
已降指揮從朝廷於在京見任文武官內點差其下節
軍兵已降指揮於殿步馬軍三司輪差詔奉使官屬其
有礙止法不合轉行官資之人軍兵應寄資者並不許
差其弩子教頭排軍私覲庫子或有生疎許使副臨時
申取朝廷差換施行已上各不得差過三次 同日臣
僚言每遇遣使之時殿司差撥官馬四匹以備乘坐又
於兩浙漕司差二舟載至鎮江卻寄留軍中養飼別易

四匹前過北界遂致虛破草料多差船隻今已免於殿
司發馬止就鎮江都統司或楊州差撥前去如至回程
日帶北界所得馬繳進之時卻令乞淮東漕司及鎮江
府接續差船載至庶免煩費又照對正副人從自殿步
馬三司輜差下節之外逐廳止可申差不轉資控攬四
名以備使令自過界之後凡般取私覲禮物及飲食衾
裘行李登車下馬盡是四人執役往回萬里委是有關
使令所有差到下節人除庫子排軍外沿路更無人專
聽使令乞後遇遣使日剗下各廳使副收管執役其都
轄掌儀許於正副廳下各止許借一人過界使喚如至
泗洲東京燕京合般運禮物執打從物之際仍舊歸官

聽候差使從之 六年三月三日臣僚言國家以遣使
為重三節官軍皆其屬也上中二節必由廟堂之選差
而下節軍兵取于禁旅之更迭所以示至公絕倖僥也
然有名稱未正事權不一樊律尚多者合議施行且曰
親隨曰親屬必使副至親可以相依者也今或以勢奪
或以賄售以非親而為親得非名稱之不正乎曰將官
曰排軍必下節軍兵素所聽命者也今以今軍之將而
使為之將他軍之卒而經營為排軍不能相統攝得非
事權之不一乎上中節官皆受差于朝廷今乃欲徇利
以便利托疾以求免者官屬俸給各有抱券之人今乃
黃緣而求幫請恃勢而行減剋者此又樊律之不可不

去者也。今後親屬親隨必令使副差本宗有服紀之親將官排軍必令主將差本軍見部轄之人官屬委有不可行者使副牒所至郡州差見任一等官替行不許私自抵兌官屬有合得俸給各隨所任令元把券人幫支不許分文減剋夫名正則言順權一則令行俸去則請安將見士夫易慮而廉靜知恥矣軍旅革心而行伍知禮矣詔從之其接送伴一體施行今後准此 閏九月十日給事中曾從龍言伏覩聖旨令承旨司籍定國信所慣熟行遣人姓名各與出給文帖遇差使副畢日從朝廷輪流點差兩名發下奉使所著投放應仍將帶過界於下節準備差使安內排卻發四員準備差使內

除去兩名如有過犯遺闕仰使副回程日期具申朝廷重作施行仍永不許充應內白身人祇應四次無遺闕過犯從吏職補授法補一資有官資人祇應三次無遺闕過犯轉一官資或稍有違慢不理為數白身人以補授後從有官資人例施行所有支賜之類並照舊例支破仍令承旨司國信所籍定祇應次數或違慢因依姓名以憑參考推賞施行臣竊謂國信之有司行非省部寺監胥徒之比也游手之徒本無顧籍一遇遣使則宛轉請囑求以厠名兜攬商貨以避關征私帶禁物以博虜貨管俸給則恣行剝過州郡則並緣騷擾皆利之以為姦爾今許之出疆豈不益滋其奸邪而白身人祇

應四次又許從吏職補資以歲次計之不過八年則所謂八人者皆可以得資矣豈不濫乎自爰興以來銜命出疆不知其幾未聞其不帶行司而有乏使之慮乞只令承旨司籍定名姓遇差使副日從朝廷輪差兩名發下奉使所著役以羊請託之弊如有遺闕過犯即行銷籍永不得充應其過界補資等指揮乞賜追寢從之

九年正月十九日臣僚言近將明指護迎虜介所見一路應辦自江以北供帳食物之屬其間有合加損者事雖至微實關國體夫宴勞飲食之供不過如羊豕鷄鵝魚蝦果蔬酒茗醢醢苟葷蔬乳水陸之物不至闕供而已今乃紐於紹興間虜使一時之需官吏循習並緣妄

以所需必辨為辭科擾百姓如雜蟲怪禽生麕麋兔鼠
胎羊羔長蛇文雉以至鼃蚌鼠蝟之屬瑣細必備皆生
致之以告覓水載陸負憧憧道塗與夫先期追集整辦
伺候動涉旬月不得著業甚為可念夫飾供帳之屬以
禮賓客此吾國體之當然而備不應備之物以過奉之
殆若有所畏而幾於失國體凡百必加之意而意外過
奉之物則一切畧之以絕科擾以幸民生以全國體從
之

後苑造作所

在皇城北掌造禁中及皇屬婚娶名物舊在紫雲樓下
咸平三年併於後苑作改今名以內侍三人監始領作

七十四曰生色作縷金作燒朱作腰帶作釵作打造作
面花作結条作玉作真珠作犀作琥珀作玳瑁作花作
蠟裹作裝鑲作小木作鋸匠作漆作雕木作平撥作錫
作旋作寶裝作纓絡作染牙作研作胎素作竹作鐵鏤
作糊粘作像生作靴作折竹作稜作匙筋作拍金作戔
作小炉作錯磨作樂器作毬子作輪棒作毬仗作絲鞋
作鍍金作揀洗作牙作梢子作裁縫作拽條作釘子作
剋絲作綉作絨羅作條作傷裹作藤作打絃作銅碌作
綿臙脂作臙脂作桶作雜釘作響鐵作油衣作染作戎
具作扇子作鞍作冷壁作傘作鈕鞘作打線作後增置
金線作裹劍作冠子作角翹作浮動作澁水作照子作

兩朝國史志後苑造作所監官三人以內侍充掌造禁中及皇屬婚娶之名物專典十二人兵校及匠役四百三十六人舊有西作掌造禁中服用之物舊在皇城司天禧五年徙置於拱宸門外慶歷二年罷西作舊在皇城司天禧五年徙置於拱宸門外掌造禁中之物以入內部知押班一人提點以班四人監別以二人監門兵校及匠一百七十一人真宗景德二年八月詔後苑造作所應傳宣製物請領憑由不得著所造物名止用字號請撥物料若除破之時自依舊例太中祥符元年正月詔後苑造作罕毛不得言七寶字天禧元年七月詔後苑造作所自今每製造物色樣合使物

料勘會委是管庫見無此物名件即得下雜買務收買
供應不得將官庫所有物色一例收買別置撥行戶
仁宗慶曆四年六月二十二日詔後苑今後不得似
別句當處一例三年一替如非次有關即差人填闕
至和元年十二月詔後苑作金箔只令本所作造除製
造皇帝頭冠禮物及北朝禮物即便使用并毛頭金仍
據合使數目施行計料拍造供使所有其餘應係製造
諸般生活並不得使用及更不得準備拍造本作以句
押官前行各一名後行曹使共八人為額凡係翠毛造
作不得七言寶只畧言事宜除乘輿禮衣頭冠國信禮
物使用外其餘並不得使用 二年二月詔本作左右

當聽喚使臣製造金銀并諸般物色等令於貼黃上不
得開說名件數目只其實重斤兩並稱內降生活十
月詔後苑造作所要真珠並於見管庫務取索更不下
行收市餘應製造物色物料名件委的管庫無者方下
雜賣務收市 嘉祐元年三月詔應本作除後製造御
前要用物色并官中所造生活即破物料所有其餘製
造生活即不得破官中物料應所製造生活係合使金
銀諸般物色合下諸處取索并雜買數目並令本所具
數關報合同憑由司取索仍仰本所只以所造生活字
號為名取索使用 六年十二月二十二日詳定利害
所言文思院定每鈺銷金百兩破火耗五錢雜白銀百

兩破一兩每成錫銀百兩破五錢並不使行人後苑
每鈇銷金百兩却破火耗二錢半雖白鈇銀破五錢須
要行人承受斤兩銷折不盡至界滿收為出剩如火折
過勒行人陪填看詳兩所鈇銷並同收耗不等乞應令
後諸行人赴後苑作鈇銷金銀並依文思院所破火耗
則例從之 治平四年四月二十四日神宗即位未改
元詔後苑造作所諸色工匠以三百人為額 神宗熙
寧元年八月二日詔自今諸司局取工匠聽三司一面
指揮先是內侍楊枕等已得旨差後苑工匠造舒國祁
國公主下嫁禮物而後苑奏留不達中書奏令兩所祇
應上批此末事也自今可止令三司一面指揮故有是

詔同日詔今後除每歲合造契丹迎時禮物外應有諸處降下本渾渡金生活並畫時令所降使臣於所奉指揮來處請領金貨本作更不得中三司計料仍自今內降指揮到日為始遵守四日詔今後除朝省指揮製造生活依舊中請金貨外應有諸處并使臣下本作製造生活及柏連六毛頭金并渡金物色其合使金貨並依前日內降指揮更不得取索令得旨使臣並於元奉指揮來處請領所有諸般物料即令依例申請 二年十一月十日詔應內降指揮製造羅綃花印並用然草德蓄仍著為永式非特有指揮令用羅外餘不得輒有變易 元豐八年十二月十四日詔罷後苑作西院 徽

宗崇寧元年五月二十一日提舉後苑作修造所言內
中殿宇修造合用金箔五六十六萬餘斤詔要金用為箔以
飾土木一經糜壞不可復收甚無謂也其請支金箔內
臣令內侍按治宣和三年正月十二日詔訪聞提舉
後苑作生活所以度牒下兩浙淮南等路收買紗帛頗
見撓擾可立行止絕更不收買度牒拘收焚毀七年
十二月二十一日詔後苑作生活所自元豐年置建外
及火來局所合存留外本所供奉局今罷歸本所

燒朱所

後苑燒朱所掌燒變朱紅以供丹漆作繪之用太平興
國三年置令僧德思德隆於後苑中令鍊成平末權亭

卷一百一十五

四

大中祥符初復置天禧五年僧惟秀省其法以內侍一人監之

宋會要

兩朝國史志軍頭引見司舊稱御前忠佐引見軍頭司
勾當官五人以通事舍人以上或都知押班充掌崇寧
殿供奉諸州駐泊捕捉權管之事并軍頭之名籍諸軍
揀閱引見分配并馬直步直後殿起居軍員之政令及
諸司引見之事勾押管二人前行二人後行四人神宗
哲宗職官志但稱軍頭引見司提點官一員幹辦官三
員以開門官充使臣二人押司官二人前行一名守闕
前行一名後行九人貼司五人守闕貼司五人本司所
掌事務進目司三房所掌祇候軍員等遷補開收事故
諸般請給及引見公事并春季體量祇候軍員等忠佐

司所掌御前忠佐遺補開收事故諸般請給等下名房
所掌祇應正副指揮使并散員刺員曹司等遺補開收
事故諸般請給等開拆司收發諸房生事并朝旨大字
等 太宗端拱元年六月詔每差撥馬步軍士朝辭訖
仍傳宣戒諭本管人負鈐轄隊伍愛惜鞍馬磨銍甲器
閱弓弩沿路毋擅離隊伍先後擾人及差員僚輪番管
押如有違犯當行嚴斷 二年正月改軍頭司為御前
忠佐軍頭司引見為御前忠佐引見司 真宗咸平四
年八月詔軍頭引見司自今如傳指揮公事未審會者
須再取旨九月詔軍頭引見司應管軍頭每事須聽
受本司指揮如有奏陳機密許實封於本司投下畫時

以聞即不得非時接便出頭奏告違者勘斷奏裁景
德二年四月二十一日詔軍頭司自今引見罪人召法
官先定刑名時本司言開封府獄囚當引見不坐格律
請再送司錄定斷真宗慮其繫滯故有是詔九月詔
取箭鏃醫官自今令軍頭司上簿具取得不得姓名逐
季申奏三年又令具報著十月詔軍校充川陝馬步軍
都副指揮使者如元授宣有候三年差替無過犯還轉
者督回具有無功過引見三年正月詔軍頭司每差
軍頭權軍王都虞候合入得軍頭者五人前一日具然
位姓名脚色進呈次日引見如不及五人即據合差人
數進呈若差往巡檢捉賊駐泊守城指使閱教即每差

一人以二人引見不當輪差遣即置簿依資次差定引見七月詔三班院每引見磨勘差遣使臣內有御前記姓名者仰軍頭引見司今後並令喝謝恩 四年閏五月四日詔軍頭司如諸軍人員補忠佐者許移家於馬步直營或諸軍空營屋住不得令泊舊營六日詔軍頭司忠佐入殿起居多不齊整自今差忠佐二人提舉仍令勾當司官鈐轄八月詔御前忠佐軍頭應有病乞假者給訖乃奏之十二月詔吏部流內銓引見官員凡得旨與京朝及職事官加階循資起資大縣令萬戶簿尉府界簿尉左右相巡判官諸處法直官御史臺主簿優與注官令錄知令錄初入令錄人依例與官却與河北

官並送引見司施行 大中祥符元年正月詔每車駕出入內侍省送到接駕進狀人本司官密切詢問事宜如未經諸處者即以所進狀曉示若勘罪即抵徒刑如乞不施行即不問坐如堅乞施行者取狀繳連仍定本合送去處或合放實封聞奏候御寶批降即得施行七月詔御前忠佐軍頭引見司今後應引見軍頭差充諸處管軍及權管並具本人舊請受并新差定職名請受則例一處比類取指揮如無新職名請受即行公文與三司取索九月詔軍頭司今後不得令殿前司抄劄引見公事 二年正月詔置軍頭司祇候指揮使副指揮使都軍頭副兵馬使副都頭名目自今遇赦敘理降配

軍兵依此安排每後殿磨於軍頭司祇候軍員別行立
三十七日改軍頭司伴飯指揮使為散指揮使五代以
來軍校立功無闕可補者第令與諸校同其食膳因
以為名是後自為冗秩惟被遣者處之且以名品非正
故改焉 三年三月詔諸軍寄位忠佐軍頭自令人給
屋止七間 四年五月詔軍頭司應諸軍乞出箭鏃者
押送樞密院呈驗乃先問中箭年月願出取者於本司
官前出訖引見不願出者置簿管數十月同勾當軍頭
引見司焦守節言每遇駕出有諸色官貧僧道軍人百
姓等進呈文狀洎至詢問又別無異見冤枉情理各是
無例施行事件自今欲望有此違犯者並令軍頭司收

送開封府依先降勅命嚴斷從之。六年十一月詔諸班直謝賜衣日不引公事。七年五月知徐州李昉言引見司科罪人於崇政殿門外切為親近有虧嚴肅欲望自今並送開封府或皇城司決遣真宗曰外人不知近年每月不過一二次決罰人皆杖笞以下此事已久不欲遽改八月詔軍頭司罪人瘦不任決者並送配所軍州區分九月五日詔軍頭司應回軍兵士在京者若老病合配州處軍分及草場倉場神衛看營三等刺員者限駐泊半月後編排引見見訖更與限五日般移其經過軍士編排引見後令歸本營限十日般移二十六日詔軍頭祇候散副指揮使自今更有降補者須經恩

方與差遣 仁宗天聖三年十月皇城司言自今遇筵宴及駕出內其軍頭司迴軍并招揀到兵士直至引見公事即依例放入所貴整肅詔軍營在京并招到兵即依所奏若營在外處經過合門見者即放見依例又賜給食茶酒錢等 四年九月軍頭司言本司元額勾押官已下七人內勾押官前行三人都大點檢書押本司公事并入殿內抄劄聖語祇應外餘四人各更分擘行遣諸般公事不少望許招收貼司三人本司守住更不於三司抽揀候及一年別無過犯即補充守闕後行未及請受如有正後行名闕即依名次引見轉補仍依軍頭司後行例支給請受從之 慶曆五年六月罷

軍頭引見司引不急公事十二月二日勾當軍頭司錢
晦言本司條制見任故任臣僚及兩省都知押班合破
兵士剩負額定人數內有闕並許別差人承填即不得
額外抽占即未有替換指揮有牒到逐處作過病患者
未敢便行差替欲乞今後並許別差人替換即不得於
額外抽占乞下步軍司遵守詔尚書兵部殿前司侍衛
馬步軍司依奏施行 嘉祐五年十月二十七日樞密
院言軍頭司狀支散在京諸軍兵士等來年出軍春衣
勘會自來開坐合支日分并所支色額數目勾當本司
前後省都知押班閤門使副於宰臣未起居班次前進
呈衣樣然後支散勾當本司王道恭在假欲權令閤門

進呈今後無都知押班閣門使副勾當亦乞准此從之
六年十月十四日軍頭司言馬步軍司關合行引見
配填諸軍兵級三百四十六人緣每日引見不得過三
十人慮更有諸處揀來軍士轉至積壓詔增至五十人
引見刺槍打刀相撲每番各呈兩對射弓踏弩亦添人
數候無留滯却依舊例 神宗正史職官志軍頭引見
司勾當官五人以內侍省都知押班及閣門通事舍人
以上充品視其官掌禁衛軍人見之事應戊選及選閱
分隸則具名以進詔其進止之節若供奉便殿馬步軍
都副軍頭仍總其名籍頒其禁令凡乘輿行幸有自訴
者審詰書狀稟奏分房六設八

神宗正史
職官志同

神宗熙寧三

年十二月十二日軍頭司備軍元額一千九百六十人
闕一十一百九十八人應副差使不足舊等五尺五寸
乞減二寸詔今後以一十人為額如闕白直即差步軍
司刺員 四年十二月二十二日詔軍頭司步直并馬
直闕馬者撥瑱步軍司虎翼有馬者填雲騎按馬直雍
熙四年置步直端拱元年置請給優厚不差發也戊唯
給軍司官白直驅使而已最為優倖故撥廢之以內批
軍頭司見管馬步兩直令撥入殿前步軍司請受一般
軍分故也 元豐二年正月二十一日上批軍頭引見
司所管東京司備軍借事聞自來差科無優重之別勞
頗偏一出於主轄官受禱私意間雖有守公之人患無

法守以拒干請宜依昨詳定刺員差科例委燕達具約
東條目送承旨司看詳聞奏頒降其備軍借事隸步軍
司差使 六年八月二十一日詔軍頭司自今諸路解
撥到武藝高彊兵級雖有減退如尚在同解發武藝最
下人之上者並依元豐令施行元豐令於八年四月八
日詔軍頭司應後殿引見事如呈試武藝人申樞密院
令承旨司官與軍馬司同試有妨嫌即與不干礙軍司
同試如並涉干礙即與軍頭司同試以聞上未御後殿
故也 高宗建炎四年五月十五日詔今後選人改官
如不及甲亦令吏部報軍頭引見司先次引見十一月
十六日樞密院言御前忠佐軍頭引見司勘會本司所

管祇候軍員悉依祖宗舊法差往川廣等路州軍權管
克寧牢城等指揮三年一替過闕依令由樞密院下車
馬司差取承替填闕散員係差往福建路權管保節清
化等指揮三年一替過闕合差興仁潯昌府員寮刺員
直該期法量移取充散員之人如無合入人依條例許
借差祇候軍員承旨填闕其應干案闕簿籍見管祇候
軍員散員見在東京軍頭司收管差使如有年滿事故
合使闕之人並免引見申乞給降宣命前去承替填闕
近緣道路梗阻其東京約二年有餘並無差到權管軍
員若不別行擘畫顯見在外權管年滿之人卒無承替
期限本司今相度欲乞令川廣福建等路監司勘會開

具見今軍頭司祇候軍員散員職次姓名人數權管是何指揮到管年月日如已事故之人案闕各元係本司是何軍額職位姓名權管指揮的實於甚年月日為何事故後來曾未差到人填闕並各錄白逐人元授付身宣命或本處信宣及本司元差充文牒從本司依自來條例重別起置簿籍並乞理逐人到營權管年月日三年為滿逐旋收係抄轉文簿挨排資次將已係年滿并事故合行使闕之人依自來條例申樞密院乞行軍馬司差取候引見訖給降宣命前去承替填闕並從之紹興元年七月二十四日詔軍頭司續到行在正額等子因金賊燒毀請受文曆并承局等東京不曾分擘到

請受文曆令使屬將逐人依舊有曆人例一等支破請
給今後更有似此之人依此十月二十一日詔軍頭司
正額等子彭過等久在殿庭祇應近因閱教閃撲傷病
不堪充扈衛祇應特與免引呈依合出職人例陳乞外
處院防監及廂軍見闕員寮二年六月九日詔軍頭
司等子內見有轉充將校人并今後有轉充將校至副
指揮使已上人為見隨逐行在全闕舊人並與留充依
舊扈從祇應七月九日詔軍頭司幹辦官今後不許替
成資闕仍常切遵執立為永法如被奉特旨內降聖旨
指揮只具奏知更不施行三年正月二十五日詔幹
辦軍頭引見宋錢孫為人殿引呈公事詳熟候令任滿

日特令再任二月四日軍頭司言正額等子趙壁等四人合該陳乞出職已被旨並留充依舊祇應指教新人候將來引呈陳乞其逐人並不依前項指揮出頭陳乞出職詔趙壁不合敕唱無時陳乞先次斷訖特與郴州牢城都頭日下出營餘人免斷依舊收管四年正月二十五日詔除義郎軍頭司見司主管文字郭仲祥引見公事祇應詳熟候今任滿日依舊留充主管文字祇應依舊支破請給不理為資任與不妨叅部注授三月十四日詔軍頭引見司頭名押司官依政和五年指揮今後滿三年出職先是本司言近降吏部之司條法作五年出職即與本司見行條令不同緣人吏為係殿庭

應奉東京舊人故有是詔十一月二十二日樞密院言
軍頭司申神武中軍今來內教引見射射人教拜習儀
引拽入殿引呼起居謝恩及前一日闕報合經由門戶
乞令本軍依自來內殿引見內教射射體例從之 五
年四月十七日樞密院言御前忠佐軍頭引見司申樞
密院得旨大禮次年二月諸班直將校親從親事官合
依自來條令排轉一次本司契勘今來轉員引見諸班
直年代上名出職呈試事藝弓弩破體槍刀標牌手輪
贏格法分作三等推恩前行後行第三行並係依格法
當殿傳喝推恩今有元自東京抄錄到傳喝格法乞詳
酌施行從之弓箭手前後箭滿不破體為前行前箭滿

破體後箭滿不破體為後行前後滿破體存箭一指兩
指三指射箭不去掉下箭第一第二次為後行前箭滿
或存箭一指兩指三指後箭一把為第三行箭存一把
三次掉下箭弓了弓掉下弓身倒為第三行弩手踏上
躬得踏上望山子一次射箭不去踏上滾了謂脚離鎗
子後滾了為前行獲不發脚踏掉下箭兩次射箭不玄
為後行三次踏不上掉下弩身倒為第三行槍手贏為
前行輸為後行輸却與闕對人闕贏為前行掉下槍身
倒為第三行刀手贏為前行輸為後行輸却與闕對人
闕贏為前行掉下刀身倒為第三行標牌手贏為前行輸
為後行輸却與闕對人闕贏為前行掉下標牌下滿掉

下牌身倒為第三行二十九日詔軍頭司見闕準備等
子相撲打捍子共一十二人係隨從行在扈衛祇應可
將見闕人數特令軍頭司踏逐少壯有筋力二十四人
指名牒軍馬司抽取一次不許占留引見訖贏者收充
祇應輸者遣還十一月十四日軍頭司言等子人員已
下並係禁衛依令後殿祇候退分番上番人東華門外
準備昨自隨從車駕駐蹕並未曾依令差撥祇應欲乞
自今後每日入皇城門裏於南宮門外祇應俟朝殿退
分番上番人於行宮北門外準備下番人趑赴本司等
抹軍兵差使又契勘東京日東華門外有等子外房二
間今踏逐到行在宮北門外六部南街西墻脚下空地

一段欲於本司雜支錢內修蓋席王間充等子祇候外
外房從之 六年正月十一日詔軍頭引見司今後應
射殿特坐內教引呈軍馬射射馳逐弓馬等依舊制令
軍頭司官量將帶人吏并合入等子隨引呈人入殿祇
應四月四日詔軍頭司準備等子見日逐與正額等子
哀同祇應自今後如遇入殿排立等并令入殿祇應十
九日軍頭司言準備等子元符二年爭揀入額昨自崇
寧四年本司申請到指揮理到司月日資次從上發填
入額祇應其等子在司更不閱習止是等候歲月發墮
事藝坐守撥填切慮無以激勸詔如遇正額有闕將見
管準備人并額外準備人先次依元符二年所降指揮

爭揀逐色事藝精強人次依崇寧四年指揮理元取揀
到司月日從上撥填今後闕額並依兩項已得指揮間
行收補六月二十三日軍頭司言準入內內侍省李存
約奉旨軍頭引見司御前忠佐步軍都頭張明該過天
申節特與奏次男張永堅依御前忠佐張青等例仍不
候覆奏臣僚言契勘忠佐奏補軍頭司自有成法所奏
子須年十歲以上仍召保驗實聞奏今來張明奏補男
張永堅係是特降指揮未審應與不應條法若別無違
礙自可付之有司條法施行伏望特降睿旨應事有條
法者諸司不得取降特旨一切付之有司從之 九年
正月十四日軍頭司言正額等子十將已下依令引呈

輸祇應及一十年許乞外處院監并廂軍見闕員寮
內有已轉正員寮并將校之人得旨留充依舊色衛祇
應即未有立定許陳乞出職年限若不別作擘劃顯是
授宣將校即無出職格法却不及後來轉授十將之人
今欲乞將等子內有轉充自案及正副指揮使之入今
後引呈輸依十將以下陳乞條例祇應及一十五年許
陳乞外處院防監并廂軍見闕將校內員寮許陳乞副
指揮使正副指揮使許陳乞指揮使仍與帶過舊請受
從之 十一年十月二十一日詔軍頭司使臣人吏係
殿庭應奉人數所職引呈公事委是繁重可將見請糧
米與依步軍司已得指揮隨寺監人吏教分一等支給

十二月十五日軍頭司言供內儀鸞都虞候翁政近因
年勞合轉一資不就改轉乞改正元舊御前忠佐馬軍
頭職名詔持令軍頭司收係名籍餘無干照放停之人
不得援引為例 十二年五月十三日軍頭司言貼司
守關貼司自南京隨從巡幸楊州係與押司官已下一
等支破巡幸券錢自隨從至溫州一例住罷紹興元年
內已降旨揮押司官至後行與支破巡幸食錢貼司守
關貼司當時全闕未曾支破巡幸食錢今來見管貼司
守關貼司為係殿度支應人數除見請請給外並欲乞
依諸司庫務貼司見請則例一等支破巡幸食錢從之
十三年二月二十五日詔軍頭司押司官張珣等係

昨隨從迎奉皇太后祇應人數與依閤門客省四方館
例檢照昨平江府已經批勘犒設則例將見今人數依
近降指揮增倍犒設批勘以張珣等言軍頭司正係隨
從車駕往回汭路收接唐突人取責文狀聞奏聽旨祇
應人數比之他司事務不同自合依閤門客省四方館
已降指揮增倍犒設其糧料院未肯批放故有是命七
月二十一日軍頭司見司言見管使臣人吏共二十一
人引見公事入殿應奉并隨從車駕行幸祇應人數依
在京例於行在文思院打造金鍍荔枝銀腰帶二十一
條軍夾紫羅公服各一領單夾紫羅窄衫披襖各二十
領充入殿引見公事隨從車駕儀注從之十月一日記

已降指揮軍頭司等子轉充員察正副指揮使出職陳
乞外處院防監并廂軍正副指揮使之人今後與免會
問逐處依軍馬司病切將校陳乞州軍體例令軍頭司
據陳乞州軍窠闕去處徑申樞密院給降宣命發遣前
去依職名高下管營餘依已得指揮十一月二十二日
詔軍頭司幹辦官並不得占破等子當直亦不許差借
并承局係殿庭排撥引呈公事投進日奏勝子投下朝
廷諸官司文字身役自今後幹管官各差承局一名止
令隨逐起赴朝殿祇應俟朝殿退發遣歸司起赴本司
差使如敢違戾以違制論 十四年三月六日詔幹辦
軍頭司監師夔為在假多日與罷幹辦軍頭司六月二

十一日詔軍頭司人吏等子承局刺字人及不以是何名色子弟並不得投充本司人吏祇應見充手分貼司者且令依舊候出職日吏不得占留在司數內見充手分貼司人日後作過與勤罷 十五年十一月五日詔軍頭司見闕軍醫一名可差翰林醫官局翰林醫學或時充依令支破請給候依令召募到人即依舊 十八年十二月十五日軍頭司言所管承局昨在京日年及七十許指射看管養老即今別無指射看管養老去處緣為久在殿庭祇應欲乞自今後如有年及七十之人特與依舊支破請給額外執役養老指教新差到人殿內引見公事儀範從之 二十六年閏十月十三日詔

軍頭司使臣人吏係殿內引呈射射等公事日逐趲赴
朝殿祇應與依客省四方館使臣行首承受例令步軍
司差破兵士使臣職級依使臣例手分依承受例其錢
米就本司大厝內批勘十一月十五日詔辦軍頭司知
閣門官每日輪差等子二人承局二人隨逐宣贊舍人
已下各一名內等子止合趲赴朝殿祇應歸營止宿餘
依已降指揮不得借使及過數差撥 二十八年十二
月十三日軍頭司言等子每遇車駕行幸收接唐突人
除宗室宗子宗女宗婦外餘人自合便行毆擊比來諸
官司人亂有詢問急於得知擅行指約不得毆擊理宜
禁止詔自今後除親從仗行接表當詢問八廂入殿御

卷之三十一

三

前祇應許毆擊訖量問事因外餘人不得詢問如尚敢
違戾及本司人漏泄並依無故輟入通進司法斷罪仍
令本司覺察聞奏 二十九年二月二十七日詔軍頭
司承局今後遇闕如殿前司無年五十歲以上人特令
軍頭司於軍馬司上四軍內指名踏逐年五十歲已下
識字人填闕十二月四日詔軍頭司踏逐捧日充等子
自今後可於殿前馬步軍司據人數均差 三十年二
月五日詔軍頭司見起赴後殿起居祇候軍員今後遇
忠佐併作一班起居 孝宗紹興三十二年未九月
二日詔幹辦軍頭司知閣門官兼改作提點請給等依
幹辦舊例今後兼者准此以閣門宣贊舍人祇候充幹

辦司知閤門官一員亦乞幹辦名稱一同遂改易之四
日詔軍頭引見司窠闕見差宣贊舍人及閤門祇候充
幹辦司為有奏陳文字例差知閤門官一員兼管亦稱
幹辦與宣贊舍人閤門官候稱呼一同可將兼幹辦知
閤門事官改作提點其請給等只依舊幹辦例仍自今
後差知閤門官兼者准此十四日詔軍頭司人吏已稱
官人如轉至保義郎除有引見公事合赴殿內祇應外
依內諸司有官人吏例與免每日朝參 隆興元年二
月二十日御前忠佐軍頭引見司言本司人吏額管二
十七人見管二十五人外有後行并貼司共二名自建
炎年間交番至今存留逐人名闕欲乞開落使闕施行

從之四月十七日軍頭引見司言檢會紹興八年轉員
後引呈諸班直年代上名合出職長行共七十九人奉
旨作兩日引呈續奉旨作一日引呈勘會今來殿前司
開到諸班直年代上名合出職長行共一百一人欲乞
依逐次體例作一日引呈從之七月十六日詔軍頭司
踏逐等子可自今後遇闕十分為率殿前司踏逐六分
馬步軍司各踏逐二分揀選填闕二年六月六日軍
頭引見司言臣僚言州縣民戶尋常訟訴事不當冒干
干清蹕今後許詣登聞鼓院進狀敢邀駕唐突者依法
斷罪已獲旨依本司欲乞今後遇有收接到唐突人更
不責狀聞奏徑送臨安府依已降指揮施行從之十一

日詔軍頭司今後如遇收接到唐突人依自來條例責
狀聞奏 乾道元年十月十五日樞密院言軍頭司自
今後補忠佐乞令並遵大觀三年宣和七年逐次指揮
施行從之檢准大觀三年十二月八日指揮補御前忠
佐一除隨龍人御前幕士察視親從大字外庫巡視
班直禁軍並許補充及許轉行外餘並不得遞補一
免體量并養老除係隨龍人并御前幕士察視親從文
字外庫巡視可依已降指揮特免外餘並依條體量宣
和七年七月二十一日指揮補御前忠佐除依舊法外
一皇城司親從親事官大小園子化成殿樂藝監作諸
軍巡視等并諸局工匠一時特轉入者給見詣俸給俸

從之半奏補子孫間歲許一次奏補一輩官車子官健翰林儀鸞司太官局等處轉入者並請俸僚從並給三分之一奏補等切並只依元來處都虞候或指揮使法如願請元來處舊俸者聽一養老人並給半俸奏補亦在之 三年五月十七日詔幹辦軍頭司王正臣已降指揮令赴新任軍頭司閻更不差人今後提點幹辦官共以四員為額 四年四月三日詔今後押等子人員遇闕更不於軍馬司差取二十六日詔御前忠佐步軍都軍頭張成年有勞依條補乞臨安府崇節第一指揮馬步軍副都指揮使與支半分請給不令管人送軍頭司祇候依舊本司居住八月二十四日詔軍頭引見司

所管等子係扈衛祇應等子長行神衛沈勝逃走令步
軍司臨安府捕捉候獲不得令充等子祇應送步軍司
依條施行十二月四日臣僚上言軍頭引見司奏壽聖
太上皇后親姪秉義郎閤門祇候吳玟特添差幹辦御
前忠佐軍頭引見司臣契勘添差文武官及宗室戚里
歸明并恩例或特差之人並不釐務已有近降指揮吳
玟以戚里恩例與添差於近制自不合釐務此門一開
攀例者衆欲望聖慈將上件特令幹辦指揮更不施行
從之 五年三月三日軍頭司言勘會等子人員闕自
來係於上五對內差填內事藝精強之人沉壓在下無
緣陞進欲乞遇闕將上五對依公爭揀填闕祇應其上

五對闕將正額人爭揀正額闕却令準備人爭揀釵棒
手依此如五次爭揀不中正額委是事藝生踈發歸元
來去處從之二十六日詔將來引呈諸班直年代上名
出職換官射弓弩下項射兩石力弓人如射不得依格
補將校射一石七斗力弓恩例人如射不得更不射以
次斗力弓依一石五斗力弓免引呈例推恩換官展二
年磨勘射六石力弩如射不得依格補將校 七年八
月十一日軍頭引見司言奉司人吏自今過後行闕乞
將貼書揀試行遣五道取優長者充從之十月九日詔
軍頭司自今後收接到唐突人除事干機密利害實負
冤抑外有所訴事不經次第輒敢唐突之人令所屬從

杖一百斷罪 淳熙二年正月二十九日詔軍頭司官
依舊堂除 五年閏六月一日詔自今軍頭司踏逐三
司禁軍充等子於逐月已揀填班直外方許踏逐其輸
者同家屬遣還本處收管不得額外占留以殿帥王友
直言軍頭司踏逐等子每闕一名還二人同家屬前去
其贏者撥填作等子輸者臨時降留作額外祇應更不
遣還故有是詔 十三年十二月九日詔軍頭司減手
分正貼司守闕貼司共三人承局三人以司農少卿吳
燠議減冗食下敕令所裁定故有是命

翰林院
宣入內
侍省

翰林院在宣祐門內東廊掌供奉圖書奏琴阮之事常以翰林司兼領待詔藝學無定員有書畫琴阮碁合香裝畫塑等名兩朝國史志翰林院掌天文御書供奉圖書奏琴阮之事以執授事上待詔藝學裝鑒塑型無定員元豐改制具載職官志舊置提舉官一員以內侍官充今置同舊置前後行九人今置前行一名後行四人貼書二人本院舊總天文書藝圖書醫官四局今掌行管轄翰林醫官局天人局事務分四案承行醫官二十階酬獎庶勸轉官奏薦遺表致仕恩澤擬差諸州軍駐泊參局候額改換服色及陳乞入品并依省記政和格出給醫官翰林祇候醫學醫候醫外醫證醫愈六階付身兼直丞御前降下聖旨指揮差診御脉御醫等醫官之類 祥符六年十二月詔祠祭用香令太府寺要用香前一月具數牒翰林院差內侍一人與監官修合勾本寺手分一人封印送寺封掌供用神宗正史職官志翰林院勾當官一人以內省押班都知充掌藝學供奉之事總天文書藝圖書醫官四局天文局掌瞻候十筵以參贊太

文之異同日具所占事季定星圖以進有天文官局生學生書藝局掌書

詔命賜日及供奉書籍筆墨琴奕有待詔藝學書學祇候學生圖書局掌

以繪事應奉若塑造則課工為之有待詔藝學祇候學生醫官局掌以醫

藥人侍及承詔診療治眾疾有使副使直局藥奉御太醫丞醫官醫學祇

候副使以上五年一遷雖應東班使副亦兼領本資其賜服叙品選任有

法而翰林院皆統隸焉公案四設更五世宗正史職官志同紹興二年八

月十一日詔內侍省押班監建差提舉翰林院紹興十八年十二月十

三日詔自今後應奏試補授翰林名目之人限五年許到局候職及有乞

改換科目者並依太史局生附省試法仍令試所各逐名色分場引試

淳熙十三年十二月九日詔翰林院歲後行一人以司農少卿員瑛議決

元金下教令所裁定故有是命翰林御書院在崇政殿東北橫門外掌御

製御書及供奉筆劄圖籍之事以內侍三人勾當御書侍詔以同正官充

亦有正官在院祇候者皆不常置又有翰林書藝在院祇候遷翰林侍詔

者則隸學士院後亦有依前祇候者祇候十七人筆匠十七人裝界匠九

人印碑匠六人雕字匠五人嘉祐五年正月詔省御書院并翰林圖書

院侍詔以下額外所增員二月六日詔宣徽院勅會御書院圖書院見今

額外內有合係請受者即且令依舊額內有關發項其額外未有請
受者即依三司詳定所奏並減罷仍今後不得額外添人 英宗治平元
年七月二十二日以翰林書藝時君卿為太常寺奉禮郎以舊在翰林
應故也 熙寧三年十二月十六日以明州鄞縣草茅王珣為御書院祇
候珣進所篆證宗要覽三卷并印樣一軸故有從命紹興十六年十一
月十七日詔御書院建炎三年罷可依祖宗法度且依舊隸翰林院本院
今省記到一幹辦官一員係差落思殿祇候一印以紹興御書院印六字
為文一書寫待詔掌行書寫三元八節奏獻祖宗神御表詞并大禮畢奏
謝諸宮觀寺院表詞道場醮儀玉簡及書寫國書御試舉人主行陞降進
卷題寫諸王字頭春帖子端午帖子待詔以下每季進呈所習書札并書
寫錫賜牌額等事務一置局舊在崇政殿門裏次遷臨華門北次遷拱宸
門次遷闔闔門裏北城下一押宿官二員於書待詔出職人內奏差一使
衙官直長充書待詔三人書藝學七人書學祇候一十四人書學生不限
人數並無請給一諸色祇應彈琴一名着基四人學阮一名寫字三人點
筆班一名描邊花一名裝界三人造墨一名雕字二人畫細文一名打碑
二人礪紙魚印書二人繫筆三人繫飛白筆一名造琴阮一名裁縫一名

恭作一名小木一名鐫作一名剪字一名鐫鏤作一名鍛作一名一專知
官一名前行一名兼副知後行二人貼司二人庫子四人背印守門投送
送文字親事官共四人翰林司二人雜役兵士一十人內節級二人一書
學侍詔等資級依年限出職補授合得官資書學祇候滿一十五年補承
信郎書藝學滿一十年補保義郎直長充書侍詔滿五年補保成忠郎諸
色侍詔祇應轉祇候次轉藝學次轉着錄侍詔次轉賜緋侍詔次轉賜紫
待詔到院十年差充廟令差遣待詔四等職名遇有闕取旨中翰林院選
日休試書學生試五體書札王書虞書鍾繇書真小字書批答書學祇候
試六體書札王書虞書鍾繇書真小字書批答勾勒書藝學試七體書札
王書虞書鍾繇書真小字書勾勒批答玉柱篆直長充書侍詔試七體書
札王書虞書鍾繇書真小字書勾勒批答玉柱篆三等侍詔中吏部給告
藝學祇候由翰林院給帖 十七年四月十七日翰林院言御書院近降
指揮於皇城宮門裏資善堂後修蓋置司去處令欲了畢本院應押宿官
并諸色祇應人等合分舊本院止宿及造作合用頭刀逐旋據合用數目
欲乞闕入在院收掌祇備製造御前所須物色使用今後遇有修整頭及
等放令出入并通進司許令收接本院人宿奏牘子投進乞指揮皇城司

等處從之二十二日御書院言樞密院官曾正臣等狀近奉指揮內書學
待詔王書學生武法考試官係初覆審詳定四次考校合書生待詔出職
人并本院待詔藝學別無妨礙人考校契勘日近選試書學生緣自建炎
三年後宋至今即無本院待詔藝學目今雖有舊書待詔出職人止有七
人近取到投試人親戚師弟狀抱照得逐人往往有師弟若將來差試官
已見妨礙委是闕人考校詔特權免迴避應所差考校官如有不當從從
二年科罷七月五日翰林院言御書院合差庫子四人內召募人即未有
指定請給去處詔依行在御藥院庫子請給例自到院日支破 紹興三
十年正月十七日詔御書院可罷本院葉牘文字并諸色人請交文歷等
並送翰林院收管十一月二十二日吏部言前御書院藝學雷晉等狀依
本院指揮書藝學滿十年出職補保義郎濟等歷過年勞實及九年四箇
月少八箇月近因有罷乙休年等出職條法上降等補官詔並與補承信
郎 翰林醫官院在宣祐門內之東廊掌供奉醫藥及承詔視療衆疾之
事使副領院事以尚藥奉御充或有加諸司使者直院醫官醫學無定員
醫官醫學以服色為差如同正官至尚藥奉御者或加檢校官其直院奉
御及同正官皆為之多目醫官特獎命校又有祇候之名 太宗在熙二

年三月翰林醫官使檢校戶部郎中劉翰責按和州團練使時武成軍節度使劉遇疾遣翰候之復言必殤未幾而卒太宗怒遣中書簿責降職
真宗景德元年八月魯國長公主薨授翰林醫官使趙自化尚食使兼醫
官院事不許先是雍王元份亦嘗請除自化遷領判使帝諭以非朝廷典
制不可至是謂樞密使王繼英曰自化為本院使居太醫首安可更有請
求宜召至院試之 祥符五年六月翰林醫官院官見開醫學祇候醫人
詔令召方脈醫五人傷折一人仍稍加考擇 天聖六年七月翰林醫官
院言醫學事歲十年當改轉其人免頭嘗有負犯請不遷改自今後醫學
祇候醫人如滿校十年有過犯一度者並不在補轉之限從之 景佑五
年七月十二日宰臣張士遜言翰林醫官宇文冷之自入仕至今得二十
年不曾經差押衣襖其人本貫晉州有父母墳塋欲亡差押番絳路衣襖
一次所費省拜松楸從之 慶歷二年五月詔翰林醫官有勞者止還本
院官毋得換右職及兼差遣六月三司減省所言比來醫官多使兼官俸
至有尚藥奉御而其人多於醫官副使者請自今並依例折更從之 六
年二月十一日詔醫官院令差入國醫官不以名次選人如兩次醫職人
數稍多別無道闕與改轉酬獎先是國信使楊察言自來只憑本院輪差

不惟緣路無醫兼恐貽外國輕笑故有是詔八月五日太宗正司言乞下
提舉醫官院所指揮醫官醫學祇候人今後如有皇族宮院醫治不許告
囑奏免本院差違如有皇族下來到本司乞行劾問從之是月詔令貢
翰林醫官院犯罪並依敕品例以贖論 皇祐三年正月詔翰林醫官院日
輪近上醫官一員在貢總領詔科醫官以備應奉七月三日醫官使齊士
明等援例乞同官勾本院公事仁宗曰士明等敢違條妄陳以供奉藥
餌時有功效特免初罪令提舉所嚴加戒勵十一月詔翰林醫官自今選
年四十以上無過犯者以三十二人為額仍令三番入宿院中十二月十
五日詔醫官之屬今後有闕遞還不得額外差置先是帝謂輔臣曰醫官
愈人之疾乃其職爾而每治後宮及宗室愈輒僥倖以遷故條約之 至
和元年四月四日翰林圖畫院言通年畫造忌辰并諸處所獻圖障等及
準御前降送畫造等生活不少並是指定時日要用呈進全藉手合供中
帳目欲自今應有諸處酬獎并特與人不許指射本院學生工匠前後行
等名目祇應如有闕額乞從本院招填或踏逐抽取從之六月七日內侍
省內侍押班提舉醫官天文等監院或繼隆言乞今後於御脈并內祇應
醫官閑人即於近上大方脈或所闕科目內揀選有行止會醫藥者試本

科經義或方脈用藥次第一二道以通六七分以上者為合格仍自今後凡有所試醫官乞下入內侍省差近上供奉官一員與管勾本院公事醫官使同共揀選問題試驗所貴精選得人祇應詔今後試十道以六通為合格仍將通粗相折封彌卷首考試餘並從之至和二年九月詔提舉醫官院自今試醫官並問所出病源令引醫經本草藥之州土主療及性味畏惡修製次第君臣佐使輕重奇偶條對之每試十道以六通為合格嘉祐二年十月詔翰林醫官院自直院以下自今以一百四十二人為額神宗治平四年未改元六月十四日尚書王黼言醫官副使仇鼎治瘡瘍平愈乞與轉正使詔仇鼎與轉醫官使其副使闕更不添填只以使副四人為額熙寧五年五月十三日詔應妃主臣寮等不得奏尚藥奉御大醫丞乞轉直翰林醫官院已上名目先是陳國長公主奏太醫丞李永昌用藥有効乞轉直翰林醫官院名目止與兗男一名乞醫學仍別立法遂定此制六月十九日岐王黼言試國子四門助教張延年換額外翰林醫學詔特與依例免試換額外醫學今後應陳乞醫人換醫官院職名並依條不許免試時奏為醫官皆乞免試上慮方技不精家有傳進故申嚴懲罰以革其弊熙寧六年十月二十一日以鄆州醫人杜壬為翰林

醫學仍賜銜壬醫術有名於京東知鄆州邵亢薦之召赴闕試於御藥院諸醫稱其能故有是命 八年六月四日詔醫官使副並埋五年磨勘

年限自醫官副使每遇推恩即改正使今後理五年磨勘依資轉東班諸司使副仍舊兼醫官使副內副使候轉至軍器庫副使即次遷醫官使八月四日以三班奉職秦迥特換授尚藥奉御直翰林醫官院充診御脉祇應以迪能醫世其家也 元豐元年四月二日詔翰林醫官院選醫學二

人馳驛給券往修開決河所以以上批塞河役衆闕醫治疾故也七日詔軍器庫使並翰林醫官使陳易簡等五人幹當御藥院李舜舉四人各轉一官易簡與今年上路衣襖并舉等四人聽寄資餘減磨勘二年及與中下路衣襖共二十二人以上批近太皇太后服藥康復醫官內侍供奉有勞

可推恩故也八月二十六日詔翰林醫官使朱有章治知樞密院事馮京疾有勞可特與一子翰林醫學十月二日神衛副員王舉為翰林醫官賜

紫及絹三百以治太皇太后疾有著効也 二年正月二十日詔直翰

林醫官院沈士安候選副使減磨勘二年醫學吳有成選一官以治嘉王

顯疾有勞故也七月二日翰林醫官院能日嚴與一子醫學以治嘉王顯

疾有勞也 三年五月十八日醫官陳易簡罰銅六十斤沈士安三十斤

杜士遠兩官國子四門助教楊文蔚退一官並勒停治蜀國長公主疾無
驗故也六月二十二日詔醫官使以下診御脉并御藥院祇應者隸御藥
院其入內祇應並看驗疾謹醫官隸內東門司 四年三月十七日詔醫
官前皇城使嘉州刺史陳易簡等降舊官一資叙以皇太后服藥累月康
復也 五年五月十五日詔直翰林醫官院至祇候依舊更不改換其見
帶太僕丞至化外主簿並罷仍今後更不除授令詳定官制所立法以聞
先是官制所到醫官院為翰林院唯使副尚藥奉御依舊外直院而下隸
大醫局今復如故 大德月十四日詔翰林醫官院改為翰林醫官局使副使
副已下如舊 六年十二月二十四日詔翰林醫官副使能中復尚藥奉
御張介臣並除名編管中復滁州介臣郴州翰林醫官副使姚元善翰林
醫官秦介各進一官勒停皇城使康州團練使陳易簡西綏錦副使沈士
安各罰銅三十斤皇城使朱有章翰林醫官使秦迪直翰林醫官局王永
和郭震翰林醫官曹應之各務本各罰銅二十斤以治魯國大長公主疾
無效也 七年正月十一日軍器庫使兼翰林醫官使李永昌張昭文各
進三官免勒停以治中國公主疾無效也四月十日詔翰林醫官副使卓
順之李永昌張昭文各降三官孟永和李肩各降兩官醫官副使仇鼎醫

學龐希道各降一官以治華國公主疾無狀也 八年三月七日診視大

行皇帝醫官陳易簡朱有章秦迪沈士安王永和郭震高務本曹應之劉

全方並除名勒停編管杜士張濡張德用張宗古張純臣秦玠齊宗和郭

化及席延賞潘瑒並奪官罰金 哲宗元祐三年七月六日貶權易副使兼

翰林醫官副使能日嚴而下六人坐醫制王不効入內侍省東頭供奉

官朱遠梁和各追兩官坐制王疾奏聞不以時太皇太后臨問不及故也

元符二年閏九月二十八日詔醫官卓順之等六人醫治皇子無効並

除名勒停卓順之送衡州李士央永州張倚全州王周道隰州李士夷徐

州胡完唐州並編管十月六日詔翰林醫官張永元追一官勒停石與齡

班公權並特勒停以療魏國公主無功效也 徽宗崇寧元年五月四日

詔今後醫官供應湯藥有常特旨令改轉者授皇城使須實及五年已上

方許除送郡刺史授送郡刺史須及七年已上方許除送郡團練使授送

郡團練使須實及十年已上方許除送郡防禦使止已上如勘當得理年

未滿止許將恩澤回授與本色有官有服親改轉 三年六月二十日講

議司言契勘熙寧九年詔旨興置太醫局教養生員分治三學諸軍病患

歲終比較等第支給食錢激勵生員責其成効元祐裁減浮費遂行廢罷

今來除別置醫學教養工醫外所有本局並令興復熙寧元豐舊法今參酌刑潤修立到教令格式并對修條已頒付太醫局施行從之 五年二月四日詔醫官兼官觀可並罷今後更不得差管勾官觀同日詔判太醫局可從上留元額定人數餘並罷 政和二年十一月五日面上閣門使德州防禦使直詹思殷譚積言奉旨差點檢翰林醫官局令相度條畫如德一本局前後被受條制錯亂不一及官吏失於檢詳或致引用不當令已將醫官局及翰林院應前後被受條令并續降朝旨與本局見行條制送所屬責近限先次參照修立頒降奉行一本官見管醫官副使已下至翰林祇應醫人數多除入內內宿諸科醫官已有專切管轄入內內宿醫官所差注外其餘醫學已下磨勘轉資及應遷補職序改換服色今已令本局將醫官副使已下至翰林祇應醫人各取脚色一本依下項格日中納抄上文簿如脚色內有一事隱漏增減不實已依命官供吏部家狀不實法科罪過有遷轉移任等諸般事故之人限當日銷注今已擬本局批書格目增立如法具職位姓名本州縣某鄉里某人為戶一三代如謂曾祖父父兄各具存之如內有見在即具見年若干一某年若干元係太醫局生或因某官奏試并回授恩澤郊禮蔭補致仕遺表之類試中註合

松或副獎持補翰林院帖補光翰林祿候醫人或學生某年某月某日起
局供職透次轉官年月日因依一見係某科目自前曾與不曾改換別科
一見係額內或額外員數曾與不曾入額聲說於某年月日入額一經與
未經任程差遣一經與未經在京時暫非泛差遣一經與未經改換服色
一經與未經入品加恩一有無勞績一有無過犯并停降斷贖展磨勘一
有無尋醫侍養請長假已上逐件並是詰實如內有隱漏增減不實甘伏
朝典一本局人吏復行重祿其應取會行遣未有立定約束乞今後應合
取會節次限三日一起行違不得依前節次會問候圓備依當日中所轄
官司依條施行如有違滯不法等事並委翰林院舉劾開奏一本局額內
之人緣即目關多合差之人數少并久在外任過滿之人卒無差注替期
乞將外任駐泊見則若任滿已入本局季限合差注去處不以優重並一
乘挨排年滿資次先後將見在局額內外人依到局供職月日名次定差
前去承替如有托故推避之人並從本局送所屬推治施行一本局泛差
醫官並無籍記致有差使不均欲乞本局置簿將合差醫官各以逐科名
次籍定職次姓名遇有差使將直日歷對簿依名輪差如有開收即時銷
注若本局差注著本局差並無不當或被差之人輒避免者並委翰林院檢

察送所屬推治一自來試驗醫官等人其誠意並不賄錄故乞今後應試人合差考試等官今本司具應管姓名申翰林院差仍本院別差人賄錄送監試使臣及考試官依法考校一本局所管職事頗繁其管勾使臣並係兼行常日不得專一在局欲乞今後本局使臣常留一員在外轉那一員應到時暫差遣過上宿日乞添破太官局第三等食一分一點檢得翰林院所管醫官至祇候人數不少差遣等第不同雖有法翰林醫官局各置簿二十餘人注簿外其內外差注奏辟并就差再任醫官至祇候連等類內額外人數并連時遺補之類並不注都差簿拘管今乞置簿籍定姓名差遣到差等因依詔未置簿書生行起置其違法事件改正翰林院并醫官局條令詳定一司教令所修立 三年八月十八日翰林院奏據翰林醫官局申請未有差遣等醫官四百餘員端閣並無職事乞將不經就試試不終場人不得注授內外差遣本局勘會若不經就試及試不終場人依上件指揮不注授內外差遣轉見在局端閣乞除不得注授內外差遣外如承朝廷時音差發亦依所屬申取尚書省指揮施行其祇候醫學醫官大醫丞直局醫正已上無差遣人不就將來秋試及試不終場並不願注授太人更乞詳酌嚴賜約束施行從之十二月二十一日提舉人

內醫官曹孝忠言奉詔編修內醫官應約束條令候成書日進呈取旨
頒降詔依孝忠乞以詳定編修內內宿醫官勅令所為名就用提舉所
印乞差開封府檢校汪使臣董悅充檢閱文字兩頭祇應除見請外每月
特給錢一十五貫就差本所手分孫士謹王應詳定一司敕令所手分李
豐等支破見請外每月更特給錢一十貫了日依舊永發通引官一名楷
書二人看管判員五人裝界作一名除並依詳定編修六尚供奉敕令所
已得指揮 四年十月二十二日臣僚上言臣伏見今翰林醫官員數比
之熙寧舊額增添倍多熙寧醫官使二人今自醫官已上三十三人副使
二人今自醫正已上六十二人直局二人今二十人大醫丞六人今四十
八人醫官醫學候醫人一百三十二人今自醫官至祇候七百三十二
人總計方脈諸科幾一千人數之增添如此不亦多乎夫郎與醫正視郎
而良醫與大夫視大夫直局與丞視郎官其請給恩數略等下至祇候
醫人皆有常秩奈何不為限節而使日滋月益且至於不可勝計矣臣按
賢元康定立法甚嚴而政和二年指揮非批降特與者不許轉行比來恩
澤往往僥求轉行例皆特與方陛下稽古建法慎惜名器如武臣橫行逆
郡等悉闕宸慮已有定制臣以謂茲事亦不可緩詔元額各增一倍額外

勅充某州工
治指林醫
愈充某州
療指林醫
證充某州
理指林醫

不許奏薦為四有請受人仍只支半俸 六年正月二十一日禮部言翰林
院奏翰林醫候齊州醫工俞頌已到任後因父易授一官與頌轉翰林醫
診係在醫候之上已比附遷改在外職名本部勘會昨降指揮翰林醫候
已下充醫工醫痊醫効充醫職近降指揮敕立翰林醫候三階依例遇缺
給告並入從八品其請俸等並依醫効醫痊別例支破緣未有合作醫職
注授明文其俞頌係新法首先改轉之人致未敢指揮行下詔翰林醫官
已上充某州工全翰林醫診充某州工審翰林醫候充某州工視翰林醫
職充某州工給 宣和元年二月十二日詔醫職有保和名可改平和
宣和三年閏五月一和詔尚藥局醫佐內宿醫官並醫元豐法試補醫佐
闕委尚藥醫職同還府由殿中省內宿醫官闕委醫師選保申翰林院試
合格者從上差填八日詔醫官和安大夫至翰林醫學額外人除曾經人
額人外不許作官戶先是二年八月十二日詔先帝董正治官立醫官員
額元豐舊額共四員今自和安大夫至翰林醫官凡十四階額內外總一
百十有七人直局至祿應凡八階並不立額見在職者總九百七十九人
冗濫莫比之甚應額外人可特免改正郎以三十員大夫以二十員醫効
至祿候以三百人並為額外額人依已降待詔等指揮例施行見帶遠郡

人請給等并應醫官八品及依官戶並依元豐法比附元豐法不該八品
依官戶者并改正醫効已下分立員額至是都省言見令額外人比元豐
數多近自大夫已下立定員額過如元豐之數合作官戶人比舊增廣已
是優倖其額外人亦已多如元豐舊數一例使作官戶顯屬太倖今比附
元豐法不該依官戶並改正既比舊數增多理當革其冗濫故降是詔
宣和六年正月二十日詔翰林醫官局合差外任駐泊醫官可令本局以
見闕先後將額外人依條令疾速差注其差人不足去處特於額外人內
權差一次仍以供職先移為次日後闕人准此權差候額外有人可差日
依舊本處合破請給理任并授付身後不依條限起發或托故稽緩不行
銜罪約束並依本局前後已得指揮施行高宗建炎四年六月三十日詔
翰林院恩科人內宿醫官劉安道差充診御脉祇應特與免試 紹興
元年四月五日詔醫官童從善差充御醫祇應填見闕以醫官局檢準
宣和二年三月十八日御筆內宿醫官令後並依元豐法選係試補仍依
太醫局生差官法就別試所附試所有醫師聽御筆差填御醫已下開即
造還雖奉特旨傳宣宣押等仰醫官局內東門司執奏不行違者以違制
科罪今來差童從善充御醫有礙前項指揮合行執奏奉御寶批特依今

來指揮故也九月二十八日詔醫官史濟特賜緋服色以祇應湯藥有勞故也二年四月二十五日詔行在醫官昨保禮部勘當止以四十三員為額今遇有缺日依條以本色名次最先之人撥填人額若見管額內醫官有在在來均立到額數外之人緣隨駕祇應可將撥不盡人以先後許借闕補填作八額人數以翰林院已將舊額於行在權擬定醫官以八十五員為額禮部言有礙元降指揮故也和安大夫至良醫元額二十員今五員和安郎主醫官元額三十員今四員醫効元額七員今二員醫痊元額一十員今一員醫愈至祇候大方脉兼風科元額一百五十三員今一十五員小方脉元額二十四員今四員針科元額一十四員今二員瘡腫科兼折傷科元額一十四員今二員眼科元額一十六員今二員產科元額一十八員今二員金鐵科兼書禁科元額三十二員今三員口齒科兼咽喉科元額一十二員今一員四年二月二十五日詔差入內侍看官一員主管醫官局今後準此紹興七年四月二日詔百姓醫人曾守淳特補額外翰林醫學以供應湯藥累有勞効故也六月二十四日詔建康府內外居民病患者令翰林院差官四員分詣看其合用藥令戶部二藥局應副仍置應除破八年六月二十四日詔診御脉并內宿醫官不

許免宿直雖降到特旨更不執奏不令施行 九年四月十三日詔昨緣
服藥王繼先醫治有功可特於送郡上轉一官餘人不得援例 十二年
正月二十八日詔翰林醫證入內內宿賜鮮仇師顏特賜紫服色以醫治
有勞故也四月二十四日上批皇太后非晚還闕見令診御脈御醫員額
數少慮妨應奉自今後診御脈十人為額御醫十八為額分番應奉十一
月二十三日詔入內宿醫官王繼善特與轉一官以供應湯藥有勞故
也 十三年二月五日詔翰林醫官局各添後行二人貼司二人請給補
遣出職並依見管人體例條法內貼司膳家食錢乞依庫務支取以本局
官所掌自誤候至和安大夫二十二階醫官宿直者驗諸般差使奏薦封
贈歷勅酬獎陞改服色致仕遺表臣寮舉試醫人注擬諸州駐泊去失審
實叙理官資等類依格合破前行一名後行五名貼司三人通共九人為
額昨緣交番三分之一權留行在是致即今止有前行一名後行二名委
是人力不勝故也四月四日醫官局言醫官多是初補參局供職了當使
求差出為名不赴任所請假事故不行公參在外端閑避免本局差使乞
今後非見在局供職之人不許陳乞撥填如額內有闕乞將在局醫愈至
諸科各理本科到局供職日醫痊醫効正副使並以受本色告日如同日

入仕以先後并試補高下依次撥填其未參局已前歷過供職月日並行
登革若已入額事轉充額外候到局止理再參局月日諸處實占與理
到任供職月日過額內嗣同本局人哀理名次依見行條法從之十六
年六月二十一日詔方北盛暑切慮庶民闕藥服餌今翰林院差醫官四
員遍詣臨安府城內外看診合用藥仰戶部行下和劑局應副置厯支破
依例支給食錢仍於本部轄下差撥撥藥兵士二名候秋涼日住罷每歲
依此紹興十九年十二月六日翰林院言據翰林醫官局申檢準本局宣
和令諸醫候初補過大禮應入品者申翰林院除在局供職醫官見遵依
上條施行外有奏試補授之人已降指揮限五年許到局供職今來未供
職醫官一例陳仁八品本局難以考完有無事故過犯詐冒不實欲乞應
未到局醫官候供職日該遇大禮方許入品從之二十二年六月十六
日尚書省言行在每歲差醫官遍詣城內外看診給藥其諸路州軍亦有
歲賜合藥錢數依法還官監視道風俗氣候所宜修合許軍民請服保鎮
寨臺應用數給付緣方北盛暑切慮州軍不切奉行未副朝廷矜恤之意
詔令戶部行下諸州軍遵守施行十月七日詔額內翰林醫官効御醫楊師
道額內翰林醫痊御醫仇師愈醫術淺陋不識病源可各降一官二十

三年二月二十七日詔保安大夫潘士忠醫治有勞特與轉運郎刺史四月二十七日詔眼科醫人徐達特與補翰林醫候免試驗差充入內宿醫治皇太后眼疾有効也 紹興三十年八月九日詔診御脉翰林醫良醫馮彥祖翰林醫効高縣各為年老難以祇應并特與致仕 孝宗乾道三年四月十四日詔御醫內宿醫官大方脉通以五員小方脉通以三員風科口齒科眼科針科瘡腫科產科通以二十員為額診御脉四員入內看醫三員在內見在溫額人且令依舊今後並不作闕差人在外職事人四除德壽宮六員殿前左右班宿直四員國子監大理寺和劑局雜買務大宗正司各一員許存留外餘人并在局祇應直日太醫局及局生醫並並罷今後更不試補 四年六月八日詔翰林醫證診御脉德壽宮祇應李延年供進德壽宮湯藥有勞特與轉一官八月八日翰林院言太上皇帝聖旨醫官朱仲謙為醫藥有勞特與賜紫服色仍於祇候庫取賜今契勳元豐令諸醫官將恩例等改換服色者候本色服及五年已上許改換宣和二年四月旨指揮應醫官見係服綠未經賜緋隔等賜紫者聽執奏不行其朱仲謙於隆興二年九月內補翰林醫學方及五年未經賜緋有礙本局條法合行執奏詔為係德壽宮祇應特依令來指揮十一月二日

翰林院言准太上帝聖旨百姓大方脉科趙暉特與補翰林醫學差充
德壽宮祇應尋取到醫官局檢准宣和六年八月內旨彈應補醫學或祇
候自補受日實及五年方許試驗供職今來趙暉特補翰林醫學無違礙
外所有差充德壽宮祇應有礙前項指揮詔為係太上帝聖旨特依今
來指揮十九日翰林院言太上帝聖旨翰林醫證蔣紹祖為供應德壽
宮湯藥有勞特差充入內宿兼德壽宮祇應尋取醫官局狀契勘蔣紹
祖見係針科差兼德壽宮祇應別無違礙所有差入內宿緣元豐法選
保試補醫師聽御筆差填御醫已下闕即進遣雖奉特旨傳宣宣押等仰
醫官局執奏不行合行執奏詔為係太上帝聖旨特依今來指揮 五
年六月五日中午書門下省言盛暑細民闕藥已今翰林院差醫官四員遍
詣臨安府城內外看診其合用藥於和劑局置厯支破候秋涼日罷又勸
會諸路州軍亦有歲賜合藥錢許諸軍民請服尚慮州軍不切奉行詔令
戶部申嚴條法行下諸路州軍遵守務行實惠二十日翰林院言太上帝
聖旨醫官趙暉為醫藥有勞特與依朱仲謙例賜紫服色詔為係德壽
宮祇應特依今來指揮內紫服色依例於祇候庫取賜 十年十月十四
日詔額外成安郎診御脉何滋特授額內成和郎額內和安郎診御脉湯

公材特授額外翰林良醫並以醫藥有効也 九年十二月十六日詔內
宿診御脉大方脉醫官額管五員內二員見差赴總壽宮祇應內宿關人
應奉可於元額內添置二員通以七員為額 淳熙元年四月二十五日
詔翰林醫侯小方脉科郭師諒醫藥有勞特差入內宿已而醫官局言
內宿醫官舊法選保試補政和政充鈐押有素舊制乞依元豐法選保試
補雖未朝旨特旨傳宣宣押等許執奏不行違者以違制科罪詔特執行
其後大小諸科特差內宿者同此 九年三月二十日詔以降指揮奉使
金周上節內醫官一名吏部於大小使臣內差撥承代名色自今翰林
醫官局將在局大方脉醫官依資定姓名中樞密院輪差一名隨逐前去
十年八月十八日臣僚言元豐舊法內宿醫官以選保試補雖奉特旨
許親奏不行比來不問年甲不行保試結托求進工鉅相離乞杜絕僥求
違守法令中嚴選保試補之舊規仍革遷就改科之近弊非惟能否不離
緩急可備使令亦使僥倖息心法令不至全廢從之是時金大亨直瘡腫
科以本局瘡腫科人數已多內宿不可復益遂改為口齒咽喉但知微冀內宿增休而不
大亨平日止以瘡腫為業一旦改為口齒咽喉但知微冀內宿增休而不
量藝術空疎固有是請 十五年九月十日詔比年醫官少精方脉可自

來年為始今內外州縣白身醫人各召文武臣選人醫官一員委保其狀
經禮部陳乞於省試前一年附銓試場隨科目試脈義一場三道以二通
為格就本所拆卷出給公據照會赴次年省試場試經義三場共一十二
道將五通為合格以五人取一名今禮部給帖補充習醫生候次舉再赴
省試場試經義三場共一十二道以五人取一名八通補翰林醫學六通
補祇候今後特補許有司執奏不行其臣僚已奏試醫人更不收試仍仰
禮部太常寺更參照太醫局試補舊法條具中尚書省取旨十二月初六
日禮部太常寺乞令大方脉科風科小方脉科依令降指揮試脈義三通
其眼科以下依舊法試大道二道假令法一道以二通為合格其次年省
試經義一十二道依舊法以六通為合格從之翰林圖畫院雍熙元年
置在內中苑東門裏咸平元年移在右掖門外以內侍二人勾當待詔等
舊無定員今待詔三人藝學六人祇候四人學生四十人為額舊工匠十
四人今六人至和元年十一月二十七日勾當翰林圖畫院李從正等
言當院額管待詔三人藝學六人學生四十人近來諸處造作去處既下
院抽差侍詔學生等五七人至十人以上占留動經歲月未還歸院深慮
有悞諸處造作及御前生活欲自今後應有諸處使臣赴院抽取侍詔學

生等注外處祇應乞從本院相度量差一二人住彼計料外有合要盡造
人數令下三司抽差盡行百姓同共盡造了當若或內有製造神御去處
即許依合要人數差撥應副沿直送入內侍省令告報入內供奉官以下
各遵守施行 嘉祐六年四月八日翰林侍詔杜用和等言自來每年差
撥押送諸路衣襖祇於原定年中諸路權罷後來却當再行十路押送衣
襖祇有圖書院不量差撥祇乞檢會舊例施行詔依舊輪差抽賜衣襖提
舉所勘會乞依原定元年九月內所降條詔若入仕及二十年未經差送
衣襖者逐年輪差一名從之 熙寧二年十一月三日翰林圖書院祇候
杜用和等言侍詔等本不違還欲乞將本院學生四十人立定第一等第
二等各十人為頭第三等二十人遇有闕即從上名下次換排填闕所有
祇候亦乞將今來四人為額候有闕於學生內換填其藝學元額六人今
後有闕亦於祇候內換填已曾蒙許立定為額今後有闕理為違還後來
本院不以藝學高祇只以資次換排無以激勵乞自今後將元額本院侍
詔已下至學生等有闕即於以次等內揀試其藝學高祇進呈取旨充填入
頭續定命到候試見每額各供報所工科目各給與印給燈之山印子
令侍詔等供到名件點定一般監試盡造至了當即差侍詔等定奪高下

差錯去處多少及合與不合格式編類等第從之 熙寧六年正月一日
中書言欲以翰林圖畫院隸都大提舉諸司庫務從之 翰林天文院掌
察天文祥異與司天大監互相關防以質司異事具備於司天監大中祥
符二年六月河北陝西諸路祇候翰林天文院以邊防無事故也 仁宗
天聖五年八月上封者言先朝以司天監與測驗渾儀官凡奏災祥多商
議上方或非據實遂別立翰林天文院每天象差忒各得以開使相關防
庶明微或近來却令判監提點應書知并造兼翰林天文院占驗頭異舊
制事下開封府判官李應言與內殿承制提舉司天監天文院王克讓同
定各分歸還司祇應免致其同從之 宣和二年九月詔翰林天大局測
驗渾儀測漏所合臺節級與卒伍同例自今後改作司辰 宣和四年九
月詔翰林天大局書寫局學生以四人為額專一書寫奏報節前文字別無
州省自今後 及七周年與依司辰條例試補出職宣和七年五月八日
詔翰林天文局天大官食直錢可不給每月止給添支錢一十貫文十二
月二十二日詔罷待詔額外人 欽宗靖康元年正月二十日詔今不諱
之朝明日達聰之時天大局尚習舊風隱蔽詔倭今後應天大變異具以
實聞上天謹誠狀當克己者過庶銷災祥如故更似日前固有與刑朕不

續汝七月七日詔翰林天文官見起赴朝參可依祖宗舊法與免起赴十
十七日詔天文院太史局自今後應詣處勾喚并取索事干天文文字等
先具奏聞聽旨前去閏十一月二十一日詔天文局翰林天文官係屬應
奉御前天文休咎之人並不許諸司踏逐指名抽差雖備到不拘常制特
旨等許差指揮並不發遣 高宗建炎元年五月六日詔今後如有天文
休咎令翰林天文局依經書實具聞奏如敢隱蔽當從軍法 二年六月
二十六日詔翰林天文局監望學生見闕頗多可於太史局等處逐逐指
名抽差依條支給例物所有逐局已取窠闕仰太史局於額外人內踏逐
補填 三年四月十三日詔翰林天文局併歸太史局五月十四日詔太
史局天文官今後許將帶學生內中上宿祇備御前宣問天象 紹興元
年七月八日詔依舊置翰林天文局專一奏報天象太史局言翰林天文
局舊額天官四員見今四員司長太史學生共二十四人見今十八人
玉漏額外司辰局學生共十二人見今六人司分一名見今一名把門親
事官二人見闕儀鸞司工匠二人見今二人洒掃靈臺投遞文字司員八
人見今闕詔除把門親事官吏不差破外洒掃靈臺投遞大字司員並四
人餘並以見在人數為定額 二年九月十日詔翰林天文局見祇應學

生不曾經試之人並限半年習學依法比試不合格人發還歸元來處
其關於諸句試選充填其先降免試差取指揮更不施行 三年十一月
一日詔天文院學生以十人為額舊法各以三十人為額分兩處祇應生
是省之 六年十一月二十日詔翰林天文局學生諸色人等傳教漏泄
天象並依太史局見行條 七年六月十九日詔諸司辰太史生學生玉
漏學生並離局所狀八十為首該引家人者如二等仍奏裁 十四年三
月十一日詔翰林天文局瞻望天象學生可特與太史局天文院額外學
生內指差填闕

宋會要 天文局

翰林天文局淳熙四年九月二十三日翰林天文局言已降指揮太史局
天文院潭侯所鐘鼓院曾經試中額內學生祇應寄及五年與補局生所
有翰林天文局不曾該載乞將本局曾經試中額內正名學生祇應寄及
五年仍依太史局等處與補局生從之六年四月七日翰林天文局生楊
源差充書寫奏報御前天象文字寔及年依司辰條列補出職從之七
年六月十二日詔翰林天文局官循習弛慢掌事不專可于太史官四員
內差置諸曉天文主官官一員為額專一供習本局職事務要整肅可改
差太史局直長翰林天文劉思義充翰林天文局主官諸然酬實人役等
並依同判太史局則例支給自今除主官翰林天文局官一員外天文官
止以三員為額九月十三日詔天文局額內局學生年及七十以上願養
老者聽帶本身請給養老退下名關依條補填 紹熙二年二月十六日
詔天文局玉漏學生特興依太史局條例年及七十願養老者聽與帶本
身請給所有退下名關依條補填其書寫學生劉始特興依司辰條例試
補出職

全唐文

宋會要

技術

醫官院有使副使直院醫官醫學祇候

便副使以尚藥奉御充或加

諸司使者醫官醫學加同正官至尚藥奉御者或加

校官其直院奉御及同正官皆為之醫學則加外

簿尉祇候未加命不得服祀

御書院有書待詔書藝藝

學祇候

同書待詔以同正官充諸待詔亦

翰林院有內供

奉待詔琴阮待詔藝學祇候

內供奉或翰林天文院

有翰天文

翰林院

翰林院有畫裝鑿捏塑待詔藝

學祇候學生

學生同

皆執役以事上者無定員醫官醫

學待詔書藝藝學皆以服色為差太祖開寶八年四月

以教坊使衛得仁為太常寺大樂局令時得仁以年老

求外官且引後唐莊宗時事希領一郡太祖謂宰相曰
用伶人為刺史此亂世事焉可效邪宰相即曰擬上州
司馬帝曰此輩止宜於樂部中遷轉上佐官亦不可輕
授故有是命太宗太平興國七年二月制以翰林御書
祇候賜紫僧清潤號奉真大師 雍熙元年十一月以
翰林祇應著作佐郎張符為左贊善大夫 四年三月
以翰林畫學趙偉等七人並為翰林書侍詔先是太宗
留心筆劄召善書者十餘人於後殿日習鍾王書而偉
等為工故有是命 端拱元年十一月以翰林畫侍詔
光祿寺丞夏侯延祐為廬州巢縣令 十二月以翰林
書學少府監主簿何允元為漢州綿竹縣令允元蜀人

以攻書課御書院至是求授家便官故特有是命淳
化五年五月以前廣安軍判官校書郎駱偃為翰林琴
待詔偃進士成名雅善鉞琴故授此職至道二年三月
詔應有落伎街頭銜見任京官者遇恩澤只轉階或加
勲不得授朝官真宗咸平三年七月以沙門元藹授
朝散大夫依前翰林內供奉以元藹有傳神之妙故有
是命大中祥符元年二月翰林書藝楊昭度御書待詔
盛亮等言臣等為當直入院稍遲有監院中使趙履信
便去巾帶欲行笞責忝受命服專具披雪詔送監院中
使宣徽院劾其不奏擅行之罪以聞三年六月以御
書待詔元祿寺丞同正盛亮為秘書丞同正翰林待詔

國子博士同正尹熙古裴瑀為將作少監同正並依舊
充職翰林書藝振州延德縣主簿王德潤為光祿寺主
簿同正充翰林待詔亮德潤以模勒御製御書泰山銘
及諸碑贊熙古瑀以書祀等三壇頌也 六年五月詔
伎術官見佩魚袋者特許仍舊自今未至升朝官賜緋
紫者不賜魚袋 九年十月詔諸色臣僚及御書院司
天監天文院翰林醫官圖畫院等處今後須經五年未
該差遣者方得送衣襖如未及五年輒敢陳乞及告託
皇族國親并夾帶實封乞差遣者並科違制之罪
禧元年八月詔審官院今後司天監及諸色伎術官並
不得磨勘 十月詔御書院翰林待詔書藝祇候等入

雖係京朝

仕十年以上無過犯者與出職 二年二月以翰林待
詔司農少卿同正尹熙古裴瑞並為太子右贊善大夫
太府少卿同正白憲為太子洗馬熙古等祇候禁中三
十年因大禮模寫碑頌至是表求出官特有茲授 二
年八月詔倉草場監門令司天監依元降指揮差人監
當以替使臣仍自有犯賊罪者永不得差 乾興元年
五月中書門下言翰林醫官圖畫琴瑟待詔舊制轉官
止於光祿寺丞如遇恩澤止加階勳天禧四年並自諸
寺監丞除中允贊善洗馬同正自今常例轉官欲至贊
洗止如更遇特恩即至國子博士止不入少卿監從之
九月詔自今司天監并諸色役役術官不得依京朝

官例磨勘加階勲轉官 十二月詔司天五官正自今

不得依京朝官例差監庫務見監當者候滿日差替

仁宗天聖元年閏九月詔翰林醫官院司天監天文圖

畫院諸色人等凡該恩澤改轉自有體例近多妄進文

狀及行告屬令御史臺指揮但係改衙官自今不得妄

進文狀并告託皇族國親形勢臣僚乞改轉官資服色

及夾帶實封文字希求恩澤如敢故違並科違制之罪

二年十月翰林待詔太子中舍同正王文度言近書

勒牌額畢蒙恩賜紫緣見今賜緋魚袋乞依舊佩魚仁

宗曰舊條曾有條約不許改衙官輒帶魚袋所以區別

士類不令混淆今宜遵守所奏不行 四年正月御書

院言翰林待詔太子中舍同正御書院祇候王文度合
依條出職遞遷文度自陳乞此換正官詔與大理評事
留御書院祇候中書門下言自來伎術藝雜流多不與
京朝官並慮班序之間混淆名品今擬且與轉同正官
從之 慶歷六年十二月詔伎術人自今毋得任畿內
兵馬都監監押 皇祐四年四月詔今後伎術官更不
得除遙郡先是諫官御史並言醫官栢溫恭不合除遙
郡刺史故有是詔 嘉祐元年十一月詔伎術官合奏
蔭者止授以伎術官仍一次而止其封贈初以副率次
正率次小將軍毋得隔資而授司天監官聽贈至大卿
監止初知制誥王珪言近歲伎術官因緣進授者甚衆

其合奏蔭者又參用士人之條而無定數雜汚仕塗莫
斯為甚請自今各以其類推恩者醫官使奏醫學教坊
使奏色長之類仍只許奏一人不唯可使世專其藝誠
足革入官之濫下兩制并以伎術官封贈詳定而翰林
學士承旨孫抃等以謂伎術官法毋得任子及封贈今
若以類推恩亦近漢時人子弟之法故著此條 神宗
元豐六年六月十八日知登州趙鼎言乞諸縣主客不
及萬戶補醫學一人萬戶以上二人每及萬戶增一人
至五人止除合習醫書外兼習張仲景傷寒方書委本
州差補試依得解舉人例免丁贖罪詔禮部立法 哲
宗紹聖二年十一月二十一日詔元祐元年十一月功

力技藝不得入官條勿用

徽宗崇寧元年五月四日

詔伎術雜流令補授子弟作班行或文資者自今雖奉特旨令銜改舊條等指揮並許三省樞密院子細契勘若於祖宗貽訓格法實有銜改侵紊者可明具有礙是何條法奏知更不施行以近來有貪冒之徒不顧廉恥賣緣請謁告囑希求銜改格法泛濫陳請故也 五年

二月九日詔省内外冗官罷醫官兼官觀者政和三年六月六日禮部尚書鄭久中等言本部注授外郎醫長醫職醫工係模試到高下等第依格差注其醫官應有諸般非泛恩澤等並不許換授醫正醫工差遣所貴諸州軍得實學之人及罷任到部再試若注授外郎醫官

求屬舉辟再仕實占優輕窠闕竊慮差注不行今相度
欲應注授醫職醫工並不許州軍及諸官司奏辟亦不
許舉留再任所貴易為差注從之 宣和元年五月二
十六日權知明州樓昇言檢會政和令諸醫藝業優長
治療應効為衆推稱堪補翰林醫職者所在以名聞今
據州學教授游覺民等狀稱醫學助教臧師顏供應本
學湯藥治病有効臣契勘明州最為地遠邇海少有諳
知藥脉之人今來臧師顏委是藝業優長治療有効在
學十年所有勞績欲乞補充翰林祇候從之十一月二
十七日禮部言唐州合注醫官四員乞下合屬去處差
注下翰林醫官局勘會看詳唐州雖不是舊破駐泊醫

官去處緣本州依條格合差注今欲令唐州權許奏舉
一次如有似此州軍去處亦乞依此奏辟施行從之
二年六月二十日刑部言開封府勘翰林醫學屠儼因
就試外州工視差選入貢士舉院赴試懷挾依條於勒
停私罪上定斷該恩原免釋放詔屠儼依斷特勒停
七月二十三日詔近歲諸路差置醫職等請給白直公
廨並視州縣官至為冗濫增破碩錢有害後法可並罷
見任者依省罷法舊合差醫官去處並依元豐法 四
年四月十四日臣僚言臣聞真宗皇帝有言曰方伎之
流不可以任郡秩至哉聖謨之遠也謹按奉議郎通判
蜀州陳令初以伎術授武階未幾換文資繼為倖或不

遣吏逐新守意欲專郡政為姦利乞行按治詔令提刑
司根治聞奏仍依舊與武官今後役術授官勿差守貳
六月十三日詔醫官自翰林醫學以上曾經入額人
盡為官戶比元豐舊制頗多聞有營利侵民免差科者
實為僥倖可自今轉至翰林醫痊已上曾經入額方許
為官戶已充者並改正 二十七詔醫官曹孝忠二子
見任文臣役術雜流玷辱士類可換醫官不得換授文
資令尚書省遵守 八月四日臣僚言檢會大觀元年
五月三十日敕修立下條諸役術官非隨龍及有戰功
者不得換授右職內醫官仍轉至和安大夫止不得轉
遷郡刺史以上政和令諸和安大夫至醫學太史令至

挈壺正書藝圖畫奉御至待詔為伎術官伏望特降詔
旨自宣和二年五月已後應改更裁定等事有敢議衡
改者並重寘典刑必罰毋赦御史臺常切覺察彈奏御
史臺失察三省按治以聞詔三省常切遵守雖奉御筆
特旨亦許將上執奏不行 十月四日詔諸州駐泊醫
官序位在州縣官之下非緣醫藥不許與見任官往來
違者以違制論 十二月十一日詔諸州駐泊醫官並
依元豐法差注內無人願就去處許奏辟又無人奏辟
聽闕其不願就人令致仕或放歸田里在外醫人不願
赴醫官局公參者依此赴局公參人方許理磨勘差使
孝宗隆興元年正月二十九日翰林院擬醫官局申

欲將應醫學因酬獎特旨改轉醫候已上名目之人如
自補轉醫學後來未曾經歷勘與自供職日起理如因
酬獎即次轉官與自轉受未後官資日起理若有用減
年貼理磨勘之人其所得減年內元無比折條法指揮
陳乞日一年止作一年收使詔依時隨龍御醫成和郎
潘攸陳乞磨勘翰林醫官局相度立此例 三月十三
日中書舍人張震奏准御前降下聖旨大方脉科醫官
殿前左右班宿直醫治陳興李延年小方脉科潘興世
口齒科潘侃並特與差克八內內宿各填見闕取到醫
官局狀檢准宣和二年三月十八日指揮內宿醫官舊
法選保試補政和改充銓擇有素舊制自今後並依元

豐法選保試補醫師聽御筆差填御醫已下闕即遞遷
雖奉特旨傳宣宣押等御醫官局執奏不行違者以違
制科罪契勘陳興等並礙前項指揮合行執事奉旨並
將依令來指揮臣聞醫雖一伎而執事禁掖者其選試
之法加嚴以其所繫重也謹按宣和指揮立法甚嚴今
陳興潘世侃並未嘗試補李延年以繆悞久罷一旦忽
奉特旨差克入內宿翰林院執奏可謂能守法矣仍
復特依今來指揮是法不信於下也伏望聖慈令依舊
法試補從之 乾道元年二月二十六日臣僚上言據
主管侍衛馬軍司公事張守忠申契勘本司諸軍遇有
病患止係醫官朱中孚一員醫治守忠去年七月內出

戊日中獲朝廷指揮差辟醫官局翰林醫候鮑師文前
主本人諳曉方書精明色脉欲望特降指揮將鮑師文
收充本司醫治仍乞依朱中孚例支破衙官五人例請
給臣伏見增添醫官雖為公磨外廷論列恐更有甚於
此者不可不杜其源欲望聖慈將前項指揮更不施行
從之 八月二十八日執政進呈次洪适等奏曰昨日
張說傳聖旨詢問醫官換授事吏部供並無條法惟有
王繼先以特恩換授上曰佞術官自是不許換授适等
奏曰陛下欲推恩一小臣亦須問法上曰正恐犯出又
不可行舊無條法之事豈可增創卿等亦當如此适奏
曰陛下如此遵守法度臣等豈敢輕違三尺 十一月

二十二日中書門下省奏准降下聖旨翰林醫證論御
脉賜緋何滋醫藥有勞特與賜紫服色取到醫官局狀
檢准元豈令諸醫官將恩例等改換服色者候本色服
及五年以上方許改換本局契勘何滋自紹興三十一年
十月內服緋至今未及五年有礙前項條令詔持依
令未指揮二十九日臣僚上言竊惟陛下昨壬午年
受冊皇太子推恩應官吏諸色人各轉兩官續降指揮
遇該轉遙郡之人將兩官作一官收使方許轉行今皇
太子受冊應官吏諸色人各轉一官雖降指揮礙止法
人與轉行而醫官能誠已係遙郡觀察使陳孝廉已係
遙郡團練使李師堯係和安大夫合轉遙刺若將今來

轉一官便轉行遙郡則是前日礙止法人以兩官轉行而今日止以一官轉行今日一官恩例却與前日兩官恩例無異欲望聖慈特賜行下遇有轉行兩官方許於礙止法上轉行一官其轉一官恩例止令回授詔依再因轉官日通作一官收使遙郡上轉行 二年十一月六日吏部狀准批下翰林醫證張琮乞放行磨勘事本部契勘張琮見係翰林醫證依醫官局條法合理七年磨勘緣本人已曾磨勘依已降指揮合自轉授末後官資朝謝供職日起理至今未及七年致磨勘未得今來却稱係是殿前司護衛軍賞即與本局事體不同緣本官見係翰林醫證係屬醫官局磨勘即不屬本部所掌

乞朝廷詳酌施行勘會張琮昨因磨勘後來該遇覃恩
及護衛功賞依得文武臣已用恩賞轉官不隔磨勘體
例合依所乞詔令吏部施行磨勘 三年正月二十四
臣僚上言隨龍醫官平和大夫階州團練使潘攸差判
太醫局請給依能誠例支破尋取會能誠全支本色因
依條與陳孝廉皆授幹辦軍頭司王公濟例特旨用隨
龍恩數在於祿令因無伎術官請真奉之文按能誠係
和安大夫潭州觀察使月請米麥百餘石錢百千春冬
衣綿絹之屬比他人十倍今潘攸官秩雖降誠兩級然
其所得亦已多矣以醫職而授觀察團練使厚休何以
別將帥勲舊哉欲望睿旨將潘攸合得請給令戶部照

余支破從之 三月六日詔御醫內宿醫官大方脉五
員小方脉三員風科口齒科眼科針科瘡腫科產科各
二員通二十員為額診御脉四員入內看醫三員在內
滋額人且令依舊今後並不作闕差人其在外職事人
內除德壽宮六員殿前左右班宿直四員國子監大理
寺和劑局雜買務各一員太宗正司一員許存留外餘
人並在局祇應直日太醫局及局生醫生並罷今後更
不試補 四月四日詔應諸路州軍駐泊醫官並以二
年一替其已過滿人不候替人罷任今後不許陳乞奏
辟再任 六月九日臣僚上言伏見今年二月二十四
日指揮醫官何滋為應奉湯藥有勞特與轉行一官仍

不隔磨勘臣已命詞行下訖今月七日又降旨何滋特
轉一官其請給官序並依祿格夫破至今纔及百日未
審合與不合又令改轉伏望聖慈詳酌如以滋應奉中
宮果為宣力特與荐行恩典則乞再賜眷旨臣敢不奉
詔如只是向來醫事已經轉官委是月日未久誠恐難
以便頒再命亦乞特從寢罷詔特與轉行七月十四日
臣僚上言醫官杜楫祇應皇太子湯藥無効可降兩官
送京州編管臣切見皇太子本以伏暑微疾未至膏而
醫非其人投藥失當議者謂陛下當取數人斷其腰領
以快天下冤忿俟命兩日不過貶黜杜楫一人而所謂
主病元惡如郭良者蓋偃然自若也欲望聖斷將郭良

杜楫等明正典刑縱未有肆諸市朝猶當黜配海外永不放還有旨杜楫專充皇太子醫官最先用藥無効可除名勒亭送韶州編管郭良可降兩官送興國軍編管風科秦鑄可降兩官送處州編管是日續有旨郭良與免編管仍追官勒亭仍且令臨安府居住聽候德壽宮使喚四年八月八日翰林院狀准太上皇帝聖旨醫官朱仲謙醫藥有勞特賜紫服色尋取到醫官局狀契勘朱仲謙見係翰林醫證御醫德壽宮祇應於隆興二年九月內補翰林醫學自補授日服綠至今未及五年亦未經賜緋令承指揮特賜紫服色有礙本局下項條法一豐豐令諸醫官將恩例等改換服色者候本色服

及五年以上許改換一宣和二年四月指揮應醫官見
係服綠未經賜緋隔等賜紫者聽執奏有旨為係德壽
宮祇應特依今來指揮六年二月十五日詔王繼先
兒孫令依敕叙復職名指揮更不施行從臣僚之請也
臣僚上言真宗皇帝時工部郎中陳堯咨嘗任龍圖閣
學士坐事削職會赦求牽復上曰學士清近之職非會
赦可復祖宗愛惜名器如此况延閣之直祖宗所以待
文學政事之臣如王繼先子孫本出醫術其文資職名
因附會秦檜得所不當得其後罪蹟既著太上皇帝特
出眷斷盡從停廢當時言章所載過犯其子孫所為乾
道三年已行復官陛下之恩至矣今又引赦復職若遂

放行則是陳堯咨之賢不得之於真宗而反使王守道輩乃得之於陛下此臣之所甚惜也欲望特賜寢罷有旨依奏 十二月二十日翰林院狀太上皇帝聖旨醫官趙確為醫有勞特與依朱仲謙例賜紫服色取到醫官局狀本局契勘趙見係翰林醫學大方脉科服綠至今未及五年未曾賜緋兼有礙宣和二年四月執奏指揮詔為係德壽宮祇應持依今來指揮 七年十二月二十三日宰執進呈太醫局生乞附省試試補虞允文等奏曰醫人入仕之路三有試補有陰補有薦補今獨試補之法廢恐庶民習醫者無進取之望不復讀醫書且局生請給歲不過四千緡國用司省之過矣上曰然

於是詔更不置局依舊存留醫學科可令逐舉附試同
日詔隨龍太史局令判太史局李繼宗兩經該遇德壽
宮應奉有勞特轉三官許回授可將未曾收使三官特
與男安國補太史局保章正充歷并科臣僚上言保章
正雖號太使局然從八品與宣儀郎成忠郎等爾祖宗
著令功賞轉官礙止法者許回授有服親胥謂有官人
非白身也自大觀政和以後蔡京紊亂法度郡臣始有
以轉官回授為蔭補者今吏部以為非之補官而不與
放行致仕恩澤者是也其後蔡攸遂又回授轉官以為
職名其子蔡衡蔡衍皆自待制以回授而遷直學士由
是武臣高球亦用此例其子堯康以回授自遷郡轉正

任堯輔以回授自觀察而轉承宣名器之濫有不可勝
言者今陛下命一小臣為保章正固無足惜然使其精
於歷算衆所共推則雖特命之可也用其父之回授臣
恐不可開此例爾從之 八月二日吏部隨龍和安大
夫吉州刺史入內宿兼德壽宮旬看李師堯狀先於
乾道元年十一月該遇莊文皇太子授冊依已降指揮
與遥郡刺史後因臣僚上言該轉遥郡之人將兩官與
作一官收使師堯一官止合回授得旨依奏候因轉官
日通作一官收使遥郡上轉行竊念臣於乾道七年五
再該遇德壽宮五年有勞賞合轉一官所有前後兩官
並未曾收使乞依陳孝廉例轉行遥郡一官詔依特轉

成州團練使 九年五月十一日中書門下省勘會李
繼宗等推算太陽交蝕時刻分數並皆差舛詔太史局
令判太史局李繼宗特降授太史局正放罷太史局春
官正判太史局吳澤特降授太史局中官正太史局丞同
判太史局荆大聲特降授太史局靈臺郎並差遣如故
淳熙三年十月四日詔翰林醫官局自今應醫官已
授差遣違一年不赴任及不到局公參者並行退額從
本局請也 十一月二十九日詔醫官帶遙郡非祖宗
舊制自今不得轉授 十二月二日詔太史局可增置
春官夏官中官秋官冬官大夫五階令敕令所修入雜
歷其磨勘年限並請給則例令吏戶部比擬以聞既而

四年八月十四日執政進呈吏戶部言太史局官序服色等並依醫官見行格法今比擬格目自局生至春官大夫計一十六階共理一百四年磨勘服色封贈恩澤理年即與醫官事理頗同并將太史局學生及增置挈壺正至春官正請給依舊支破其冬官大夫至春官大夫五階係是增置其請給並依局令支破禮部又言太史局官服色欲自局丞以下並服綠冬官正以上並服緋冬官大夫以上並服紫參知政事李彥穎等奏曰局生靈臺郎舊法並合試補難用磨勘陞轉蓋醫官獨有勞効可考至太史局官只是歷筭若免試補恐其術不精上曰善又奏吏部參酌局丞欲服緋禮部欲服綠上

曰可服緋冬官正吏部欲服紫禮部欲服緋上曰可許服紫紅鞋吏部以局生為太史局正令為太史大夫上曰此兩官不須置蓋春官大夫以上比醫官已增展磨勘又奏見任李繼宗是判局吳澤同判局恐陞轉却難上曰李繼宗曾在替邸日久特與換過冬官大夫詔令局丞許服緋挈壺正至局丞若判太史局帶權字冬官正至春官正服紫紅鞋除從之十六日詔自今除授宰相執政官及依執政體例人初除并轉廳合得選試醫人太醫助教仍依舊法外轉官致仕遺表所得上件恩例並行住罷六年四月二日詔自今宰執使相侍從等不許奏試醫人其已奏試中人不得作有官人取

諸路轉運司文解先是上謂輔臣曰聞宰執醫人只是量試補官既得醫官名目走赴轉運司解試便作有官人取解雄等奏有官人取解七名取一名其僥倖如此今後亦不須奏試上曰可擬指揮進呈故有是命 紹熙元年四月十八日戶部言翰林醫候龔泳狀已行改轉服色乞添請給契勘本人係用史太師合得冠帔改換若與增添請給委是僥倖乞將醫學以上醫治有勞改換服色人許令添請外其餘改換服色並不許增添從之 二年正月二十四日詔通龍和安大夫診御脉兼重華官皇子嘉王府宿直周昭為應奉兩宮湯藥日久累不勞效可特與轉行遙郡餘人不得援例 三年

閏二月二十四日權知沅州劉珪言竊見沅州煙瘴之
氣人多疾病緣無良醫診治拱手待斃深可憐憫乞依
靖州例差明脉醫官一員充駐泊從之 嘉定二年三
月十六日知楚州趙師迫奏臣僚言兩淮曾經蹂踐去
處所在冗員令監司郡守斟酌條具裁減竊見本州駐
泊醫官能澄今年十月已滿乞免行作闕特與省併住
罷其見任及已授未赴上之人別與改換一等差遣從
之